

Körlevelek  
1828-1868.  
**PEL**

---

**IGNATIUS Liber Baro SZEPESY de Négyes,**  
Miseratione Divina, et Apostolicae Sedis Gratia Episcopus  
Quinque-Ecclesiensis, S. C. R. A. M. Actualis Intimus Sta-  
tus Consiliarius, Philosophiae, et SS. Theologiae Doctor.

Venerabilibus in Christo Fratribus Cathedralis Ecclesiae  
Quinque-Ecclesiensis Capitulo, Dilectis item in Christo Reverendis-  
simis, Admodum Reverendis, Honorabilibus Dioecesis Quinque-Ec-  
clesiensis Canonicis Honorariis, Vice-Archi-Diaconis, Parochis,  
Cooperatoribus, et universo Clero tam Ecclesiastico, quam Regu-  
lari Salutem, et Divinam Benedictionem!

Quod bonum, felix, faustum, fortunatumque sit, — almae  
Quinque-Ecclesiarum Dioecesi semper prospere cedat, — ad Dei  
Optimi Maximi Gloriam, omnis Boni incrementum, Sacri Ministe-  
rii decus augendum, animarum pretioso Christi sanguine redem-  
tarum magnos, solatiis plenos, expeditiores in Christiana Perfectio-  
ne progressus, atque aeternam salutem sine interruptione tendat!!  
mensis Martii praestitutis 13. et 14 diebus, coelo constanter placi-  
do, ac sereno, Venerabili Clero, et fidei populo frequentissimo pree-  
sente, in Templo Cathedrae Episcopalis, a Beatissimo Summo Pon-  
tifice LEONE XII mihi creditae Quinque-Ecclesiarum Dioecesis  
Gubernaculum solemniter capessivi illud solummodo suspirans, op-  
tans, anhelans, svadens, ingeminans, urgens, inculcans: ut omnes,  
et singuli, qui in hac Dioecesi mecum sacro ministerio fungentur,  
secundum vota Ecclesiae, divini Spiritus fervore concepto, et in  
fide inveniantur stabiles, et in opere sint absque cessatione efficaces!  
ut quilibet Sacerdos, Caput tertium Apocalypsis, a Joanne Aposto-  
lo exaratae, quam saepissime legat, meditetur, ruminet, opitulan-  
te Deo semper clarius perspecturus Deum nihil magis aversari,  
quam in sacro novi Foederis ministro teponem, et nulli terribilio-  
rem poenam minari, ac segni Sacerdoti, Jesu Christi fervorem  
imitandum omnibus esse propositum, sed et conantibus, ac morem  
gesturis auxilium efficacissimum, et proemium nobilissimum esse  
promissum! ut procul ergo relegato quovis algore, et tempore sacer  
a Jesu Christo in terris accensus ignis quotidie laetiori flamma  
ardeat in cordibus, et actionibus nostris! ut denique omnes Sa-  
cro ministerio iniciati, astrorum, et solis instar e Coelo hujus  
Dioecesis beneficium lumen, et calorem spargentes, fideli, quem  
pascimus, populo, sacri ignis mutuandi facilem occasionem preebeamus,  
sicque omnes unitis conatibus adimpleamus illud Christi preeceptum:  
Sic luceat lux vestra coram hominibus, ut videant opera vestra bona,  
et glorificant Patrem vestrum, qui in Coelis est!!

Quia vero octo annorum decursu, quibus Episcopale munus  
obeo, pondus oneris, quod humeris meis impositum est, sat, su-  
perque expertus sum, illudve in dies gravius sentio, Adjutorum  
meorum, Venerabilis Consistorii consilio, et opera in regimine Dioe-  
cesis uti, animo statutum habeo.

o( ) o 0 o( ) o

13-tio. Ne diebus Domini, et Festis, in Templis Parochialibus, Cultus Divinus praescriptus, causa Processionum ad vicina, aut remotiora aliarum Parochiarum Templa ducendarum intermittatur, aut brevietur; S. Curiones, hujnsmodi Processiones tantummodo usque ad limites Pagi, vel Oppidi suaे Parochiae comitentur, dein ad Parochiales S. functiones revertantur.

14-to. Quia Vice-Archi-Diaconi quotannis, singulas Districtus sui Parochias adire, chusa adornandarum de Fisco Ecclesiae Rationum, obligantur; in posterum eadem occasione etiam Parochias visitabunt, et statum earum secundum Normam, anno praeterito ab Officio Vicariali pro paranda Parochiarum descriptione missam, investigabunt, relationem tamē de iis solummodo exhibebunt, quae ab ultima descriptione submissa, vel Visitatione peracta, aut accesserunt, aut decesserunt, aut medelam, correctionem, emendationem exposcunt. Parochiae, quae Episcopalem Visitationem subibunt, illo anno per Vice-Archi-Diaconos non visitabuntur; Parochias vero, quibus Vice-Archi-Diaconi praesunt, Archi-Diaconi visitabunt.

Cetera autem, cum venero, disponam. (1. ad Cor. 11.) — Pro Christo Legatione fungimur, tanquam Deo exhortante per nos. In omnibus exhibeamus nosmetipsos, sicut Dei ministros, nemini dantes ullam offensionem, ut non vituperetur Ministerium nostrum. (2. ad Cor. C. 5. — et 6.) Deus autem pacis, qui eduxit de mortuis Pastorem magnum ovium in sanguine Testamenti aeterni, Dominum nostrum Jesum Christum, aptet vos in omni Bono, ut faciatis Ejus voluntatem; faciens in vobis, quod placeat coram Se per Jesum Christum. Cui est gloria in saecula saeculorum. Amen. Quinque-Ecclesiis. Dominica I. post Pascha, 13. Aprilis. Anno Domini 1828.

*Gnatus Ficapo*

*Gnatus Ficapo  
Secretarius*

scy

**IGNATIUS** Liber Baro **SZEPESY** de Négyes,  
Miseratione Divina, et Apostolicae Sedis Gratia  
Episcopus Quinque-Ecclesiensis, S. C. R. A. M. Ac-  
tualis Intimus Status Consiliarius, Philosophiae, et  
SS. Theologiae Doctor.

Venerabilibus in Christo Fratribus Cathedralis Eccle-  
siae Quinque-Ecclesiensis Capitulo, Dilectis item in Christo  
Reverendissimis, Adinodum Réverendis, Honorabilibus Dioe-  
cessis Quinqte-Ecclesiensis Canonicis Honorariis, Vice-Archi-  
Diaconis, Parochis, Cooperatoribus, et universo Clero tam  
Ecclesiastico, quam Regulari Salutem, et Divinam Bene-  
dictionem!

Augustissimi Imperatoris, et Regis Nostri Apostolici  
Clementissimam Sollicitudinem, qua anni praeteriti mensie  
Majo Episcopus Quinque - Ecclesiarum renunciatus sum,  
Sanctissimus Summus Pontifex LEO XIII. in Consistorio Ro-  
mae quinto Calendas Februarii celebrato Benignissime ratam  
fecit testibus authenticis heri mihi redditis Litteris.

Secundum Can. VIII. Sess. XXIII. Generalis Concilii  
Tridentini, qui auctoritate Romani Pontificis adsumuntur,  
legitimi, et veri Episcopi sunt; Ceremoniale autem Episco-  
porum ritam primi ad Cathedralem Ecclesiam solemnis in-  
gressus recensens, Apostolicarum Litterarum publicationem  
silentio praeterit: quia tamen tenor Regiorum non minus,  
quam Pontificiorum Diplomatum, — Ordo debitus, — natu-  
ra rei, — usus in Ecclesia Hungarica communis - laudata De-  
creta — publice perlegi exposcunt; huic normae die 13<sup>æ</sup>  
Martii horis pomeridianis opitulante DEO satisfacere consti-  
tui, postridie solemnia Sacra celebraturus.

Scilicet, — demtis illis, quae ad solemnitatem Sacrae  
Quadragesimae haud convenientem pertinent, quaeve bruma,  
nondum exspirante, facile impedirentur, — ordine, qui in  
Romano Ceremoniali, ac Pontificali praescribitur, et in al-  
tero folio declaratur, Omnipotentis DEI auxilium mihi ad-  
futurum sperans, grave Episcopale munus in Secunda Dioe-  
cesi, utinam Vobis omnibus mihi secundissimis! auspicabor.

Gratularer quidem quam maxime, si uniuersum Vene-  
rabilem Almae hujus Dioecesis Clerum hac occasione una  
Congregatum salutare mihi liceret; ast id — plurimarum Pa-  
rochiarum longior distantia, — cura animarum, — frequen-  
tiores hoc praesertim Pietatis Exercitiis dicato tempore sa-  
crae occupationes prohibent. Eapropter sicut omnes ad me-

moratam Festivitatem humanissime invito, ita illos, qui in Urbe Episcopalis Cathedrae degunt, et huic vicini sunt, permanenter rogo: ut legibus consentanei mei, ad capessendam hujus Dioecesis gubernationem accessus, votorumque propounderum et testes, et coram absentibus nuncii, atque interpres esse velint.

Ut autem omnibus constet, qua ratione regimen Dioecesis prosecuturus sim, pauca addo:

1. Quia Vicarii, et Causarum Auditoris Generalis Officium in hac Dioecesi stabilitum est, Idem Venerabilis Consistorii Consessibus, quorum materia erant Lites Juris norma observata dijudicandae, ac determinandae, praecerit, nisi adjuncta Episcopi praesentiam postulaverint.

2. Quoties ab Urbe plures dies absfnero, Vicarius Generalis omnia Dioecesana negotia modo, quem ipse sequar, tractabit facultatibus etiam à Sede Apostolica mihi concessis pro sapientia sua ad salutem animarum usurus;

3. Dum ipse Quinque-Ecclesiis adfnero, et valetudo mihi faverit, responsa solummodo a me dabuntur; atque ideo

4. Semper omnes Litterae ad officium Dioecesanum mittendae mihi inscribentur, illarum autem involucrum, quas unice per me reserari desideraverit Scriptor, vocibus: *Ad proprias manus signabitur*;

5. Plura distincta objecta eidem epistolae non inserantur, sed pro singulis separata Charta adhibeatur.

Ceterum (ad Hebr. 13.) Orate pro nobis, confidimus enim, quia bonam conscientiam habemus in omnibus benevolentibus conversari. Ipse autem (2. ad Thess. 3.) Dominus Pacis det Vobis pacem sempiternam in omni loco! Quinque-Ecclesiis in Curia Episcopali die 9<sup>th</sup> Martii Anno Domini 1828.

*Ignatius Episcopus*

*Georgius Fritsch  
Secretarius*

# ORDO

## Ingressus ad Ecclesiam Cathedralem causa auspicandi Regiminis Dioecesani.

1.) Die 13<sup>a</sup> Martii a meridie hora prima Campana maxima dabitur primum signum, media secunda alternum, et secunda fiet compulsus;

2.) Venerabilis Clerus Sacris Vestibus indutus, aliquot minutis ante secundam horam ad domesticum sacellum Episcopale comparebit, et Episcopum, Pluviali amictum, ad Templum Cathedrale, si tempus admiserit, per aream, et maiorem portam, secus per ambitum, et Corporis Christi Sacellum ducet;

3.) Episcopus primo ingressus ad Templum aqua benedicta se, aliosve adsparget, et thus adolendo boni odoris spargendi admonebitur;

4.) Mox Cantores in Choro musica comitante canent solemniter hymnum: *Te Deum laudamus*;

5.) Episcopus sub Baldachino per DD. Senatores L. R. Civitatis Quinque-Ecclesiensis portando usque Cancelleros procedet, dein ante aram maiorem flexo poplite SS. Sacramentum adorabit, *Tac terminata per seniorem Canonicum è Venerabili Capitulo praesentem Oratione: Protector, e suggestu latinum Sermonem dicturus est ad Venerabilem Clerum, cuius interstitium impendetur lectioni Benignarum Regiarum Collationalium, et Romanarum Bullarum;*

6.) Episcopus capiet locum in Stallo, et Venerabile Capitulum, item Adstantes accendent ad manus osculum, sed non alii;

7.) Episcopus accedit ad aram, et finita Oratione de Patrono Ecclesiae praesentibus solemnem Benedictionem impertietur;

8.) Recitabuntur Completorium, et Matutinum cum Laudibus sequentis diei;

9.) Episcopus adsumta Cappa praecedente Venerabili Clero redibit per ambitum ad Sacellum domesticum.

Die

Die altero mane:

A. Octava dabitur primum signum, media nona alterum, et nona hora erit compulsus;

B. Episcopus ingredietur Templum sicut heri, sed Cappa amictus, sub sonitu Tympanorum, et Tubarum;

C. Absolutis praevie per Venerabile Capitulum ceteris Horis Canonicas, canetur *Nona* et quidem Psalmi Tono VI. sonante organo, sub quo Cantu Episcopus induet sacras vestes cum Pluviali;

D. Terminata Oratione Nonae adsumet Episcopus reliquas sacras vestes, et celebrabit sacrum solemne musica choralis sonante, sub quo post Communionem Episcopi, Clerus Junior silente organo canet *Confiteor*, et devote sumet Eucharistiam;

E. Sub Consecratione, et Elevatione Hostiae silebit musica, et cessabit Cantus;

F. Post benedictionem solemnem promulgabuntur Indulgentiae;

G. Episcopus adsumto Pluviali ascendet ambonem, et dicet sermonem hungaricum ad Concionem; Denique.

H. Legentur Vesperae, hisque finitis Episcopus revertetur, prout venit.

H. O. A. M. D. G.

*Reverendo Domino Josepho Mikó Parocho electi die nescio.*

**IGNATIUS** Liber Baro SZEPESY de Négyes, Miseratione  
Divina, et Apostolicae Sedis Gratia Episcopus Quinque-Ecclesiensis,  
S. C. R. A. M. Actualis Intimus Status Consiliarius, Philosophiae,  
et SS. Theologiae Doctor.

Venerabilibus in Christo Fratribus Cathedralis Ecclesiae Quinque-Ecclesiensis Capitulo; Dilectis item in Christo Reverendissimis, Admodum Reverendis, Honorabilibus Dioecesis Quinque-Ecclesiensis Canonicis Honorariis, Vice-Archi-Daconis, Parochis, Cooperatoribus, atque universo Venerabili Clero tam Ecclesiastico, quam Regulari, necnon Fideli Populo Salutem, et uberrimam a Deo Largitore Bonorum omnium Benedictionem!

Quam ineunte vere, opinione velocior, absolutissimi Summi Pontificis PII VIII. electio communem, maximanque Universo Catholico orbi adtulit laetitiam, eandem nunc optatissimis donis cumulari Vobis annunciamus. Scilicet: primo gravissimi muneri auspicio mente revolvens Summi Pastoris in terris Vicarius illud Apostoli Jacobi monitum: *Siquis autem vestrum indiget Sapientia, postulet a Deo; omne datum optimum, et omne donum perfectum de sursum est, descendens a Patre Luminum;* — *Orate pro invicem, ut salvemini, multum enim valet deprecatio Justi assidue;* — — simul Pastores gregis Domini, et universum fidelem populum, cui Divina Providentia praefectus est, exemplo suo docere cupiens omnes occupationes Dei auxilio invocato et ordiri, et prosequi, — vestigia immortalis nominis Antecessorum suorum secutus publicas, solemnesque pro felici, in arduis praesentibus adjunctis, Ecclesiae regimine Supplicationes, in universo Catholico orbe institui, et ardenter optat, et impense commendat, et paterne jubet. Ut autem harum precum tanto certior sequatur effectus, convenienter illis Davidis spiriis: „*Sacrificium Deo Spiritus contribulatus, cor contritum, et humiliatum Deus non despicies*“ quatuordecim dierum decursu reconciliationis, et expiationis sacra exercitia frequentari urgentur, quibus pro supra ligandi, et solvendi potestate, quam visibile Ecclesiae Caput in Petro a Christo accepit, Sanctissimus Pontifex Pius VIII. Ecclesiae Thesaurum reserat, et ampliarum Coelestium gratiarum, a Deo impetrandarum patentissimam viam aperit eadem prorsus Sacra munificentia, qua Annus Jubilaei caeteris praestat.

Haec singuli vestrum Venerabiles Fratres, et Dilecti Filii clarissime intellecturi sunt e tenore Apostolicarum Litterarum sequentium: Sanctissimi Domini Nostri PII Divina Prudentia Papae VIII. Litterae Apostolicae:

**PIUS PP. VIII.**

Universis Christi Fidelibus Praesentes Litteras inspecturis Salutem,  
et Apostolicam Benedictionem!

In supremi Apostolatus fastigium ex Divina benignitate nullo certe meritorum suffragio, evocati, venisse Nos conspeximus in altitudinem maris, in quo ne infelicer demergamus, sola Illius dextera efficere potest, quae Apostolorum Principem Petrum in fluctibus ambulantem erexit. Ab ipso itaque praesentissimum illico auxilium humilibus, ac communibus est votis postulandum, cui placuit exiguitatem nostram ad tam excelsam, et summe etiam pertimescendam dignitatem evehere. Nisi enim dextera Domini, quae exaltavit Nos, faciat virtutem, et fortitudinem ipsa Nobis multiplicet ac robur, in irritum cederent omnia studia Nostra, et sollicitudo, quae Nos urget, omnium Ecclesiarum. Preces idcirco universi Dominici Gregis, cuius est Nobis regimen demandatum, exquirendas enixe duximus, id revolentes animo, Petro scilicet coelestem opem ex prodigio adfuisse, quando oratio ab Ecclesia sine intermissione fiebat pro eo. Quod ut ardenter pietatis sensu, animisque rite comparatis peragatur, graviorque et magis accepta hostia haec laudis dirigatur in conspectu Domini, exemplis Romanorum Pontificum Praedecessorum Nostrorum, hoc veluti periculosi itineris viatico, Pontificatum auspicantium, insistentes, Ecclesiae thesauros, quorum Nobis est attributa dispensatio, Apostolica liberalitate proferre decrevimus, indicta universo Catholico Orbi indulgentia ad formam Jubilaei.

Itaque de Omnipotentis Dei misericordia, ac Beatorum Petri et Pauli Apostolorum ejus auctoritate consisi, ex illa ligandi atque solvendi potestate, quam nobis Dominus, licet indignis, contulit, universis et singulis utriusque sexus Christifidelibus in Alma Urbe Nostra degentibus, qui Sancti Joannis in Laterano, Principis Apostolorum, et S. Mariae Majoris Basilicas, vel earum aliquam, a tertia Dominica post Pentecosten, nimurum a die vigesima octava hujus mensis usque ad diem duodecimam sequentis Julii inclusive, quae erit quinta post Pentecosten dominica, bis visitaverint intra duas illas hebdomadas, ibique per aliquid temporis spatium devote oraverint, ac quarta et sexta feria et Sabbato unius ex dictis hebdomadibus jejunaverint, et intra easdem hebdomadas peccata sua confessi, Sanctissimum Eucharistiae Sacramentum reverenter sumpserint, et pauperibus aliquam eleemosynam, prout unicuique suggeret devotio, erogaverint; ceteris vero extra Urbem praedictam ubicumque degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, et ipsis deficientibus per eos, qui ibi curam animarum exercent, postquam ad eorum notitiam hae nostrae pervenerint, designandas, vel earum aliquam, spatio duorum similiter hebdomadarum per eosdem una cum Ecclesiis stabiliendarum bis visitaverint, aliaque supra recensita opera devote peregerint: plenissimam omnium peccatorum suorum indulgentiam, sicut in anno Jubilaei visitantibus certas Ecclesias intra et extra Urbem praedictam concedi consuevit, tenore praesentium concedimus et elargimur.

Navigantes vero, et iter agentes, ut cum primum ad sua sese domicilia receperint, operibus suprascriptis peractis, et bis visitata Ecclesia Cathedrali, vel majori, aut propria Parochiali loci eorum Domicilii, eamdem indulgentiam consequi possint et valeant: Regularibus autem personis utriusque sexus etiam in Claustris perpetuo degentibus, necnon aliis quibuscumque tam Laicis quam Ecclesiasticis, Saecularibus vel Regularibus in carcere, aut captivitate existentibus, vel aliqua corporis infirmitate, seu alio quocumque impedimento detentis, qui memorata opera vel eorum aliqua praestare nequiverint, ut illa Confessarius ex actu adprobatis a locorum Ordinariis in alia pietatis opera commutare, vel in aliud proximum tempus prorogare possit, eaque injungere, quae ipsi Poenitentes efficere poterunt, cum facultate etiam dispensandi super communione cum pueris, qui nondum ad primam communionem sunt admissi, pariter concedimus et indulgemus.

Insuper omnibus et singulis Christifidelibus Saecularibus et Regularibus cuiusvis ordinis et instituti etiam specialiter nominandi, licentiam concedimus et facultatem, ut sibi ad hunc effectum eligere possint quemcumque Praesbyterum Confessarium tam Saecularem quam Regularem ex actu adprobatis a locorum Ordinariis (etiam pro Monialibus, quatenus Poenitens Monialis professa vel novitia sit) qui eos ab excommunicationis, suspensionis, et aliis Ecclesiasticis sententiis et censuris a jure vel ab homine quavis causa latis seu inflictis infraexceptas, necnon ab omnibus peccatis, excessibus, criminibus, et delictis quantumvis gravibus, et enormibus, etiam locorum Ordinariis, sive Nobis et Sedi Apostolicae, speciali licet forma, reservatis, et quorum absolutio alias in concessione quantumvis ampla non intelligeretur concessa, in foro conscientiae et hac vice tantum absolvere et liberare valeant, et insuper vota quaecumque etiam jurata, ac Sedi Apostolicae reservata (castitatis, religionis, et obligationis, quae a tertio acceptata fuerint, seu in quibus agatur de praejudicio tertii, semper exceptis, necnon poenalibus, quae praeservativa a peccato nuncupantur, nisi commutatio fatura judicetur ejusmodi, ut non minus a peccato committendo refraenet, quam prior voti materia) in alia pia et salutaria opera commutare, injuncta tamen eis, et eorum cuilibet in supradictis omnibus poenitentia salutari, aliisque ejusdem Confessarii arbitrio injungendis.

Non intendimus autem per praesentes super aliqua alia irregularitate vel publica, vel occulta, seu defectu, aut nota, aliave incapacitate, aut inhabilitate quoquomodo contractis dispensare, vel aliquam facultatem tribuere super praemissis dispensandi, seu habilitandi, et in pristinum statum restituendi etiam in foro conscientiae; neque etiam derogare constitutioni cum opportunis declarationibus editae a fel. record. Benedicto XIV. Praedecessore Nostro „Sacramentum Poenitentiae:“ neque easdem praesentes iis, qui a Nobis, et Apostolica Sedes, vel ab aliquo Praelato, seu Judice Ecclesiastico, nominatim excommunicati, suspensi, interdicti, seu alias in sententias et censuras incidisse declarati vel publice denunciati fuerint, nisi intra tempus dictarum hebdomadarum satisfecerint, aut cum partibus concordaverint, ullo modo suffragari posse aut debere.

Quapropter tenore praesentium in virtute sanctae obedientiae districte praecipimus atque mandamus omnibus et quibuscumque Venerabilibus Fratribus Patriarchis, Archiepiscopis, et Episcopis, et aliis Ecclesiarum Praelatis, ac quibuscumque Ordinariis locorum ubicumque existentibus, eorumque Vicariis, et Officialibus, vel iis deficientibus, illis, qui curam animarum exercent, ut cum praesentium litterarum transumpta, aut exempla etiam impressa acceperint, illa statim absque ulla mora, retardatione, vel impedimento, per suas Ecclesias, et Dioeceses, Provincias, Civitates, Oppida, Terras, et Loca publicent et publicari faciant, Ecclesiamque seu Ecclesias visitandas, ac tempus pro praesenti Jubilaeo designent.

Non obstantibus Constitutionibus et Ordinationibus Apostolicis, praesertim quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles Indulgentiarum, et facultatum hujusmodi concessiones, nisi de illis ex-

pressa mentio, aut specialis derogatio fiat, cuiquam suffragari queant; necnon Regula de non concedendis Indulgentiis ad instar, ac quorumcumque Ordinum et Congregationum, sive Institutorum, etiam juramento, confirmatione Apostolica, vel quavis firmitate alia roboratis, statutis, et consuetudinibus, privilegiis quoque, indultis, et litteris Apostolicis eisdem Ordinibus, Congregationibus et Institutis, illorumque personis quomodolibet concessis, approbatis, et innovatis. Quibus omnibus et singulis, etiamsi de illis, eorumque totis tenoribus, specialis, specifica, expressa, et individua, non autem per clausulas generales idem importantes, mentio, seu quaeviis alia expressio habenda, aut aliqua alia exquisita forma ad hoc servanda foret, illorum tenores praesentibus pro sufficienter expressis, ac formam in eis traditam pro servata habentes, hac vice specialiter, nominatim, et expresse ad effectum praemissorum derogamus; caeterisque contrariis quibuscumque. Ut autem praesentes Nostrae, quae ad singula loca deferri non possunt, ad omnium notitiam facilius deveniant, volumus, ut earundem praesentium transumptis vel exemplis, etiam impressis, manu alicujus Notarii publici subscriptis, et sigillo Personae in dignitate Ecclesiastica constitutae munitis, ubique locorum, et gentium eadem prorsus fides habeatur, quae haberetur ipsis praesentibus, si fierent exhibatae vel ostensae.

Datum Romae apud S. Petrum sub Annulo Piscatoris die decima octava mensis Junii anno millesimo octingentesimo vigesimo nono, Pontificatus Nostri Anno Primo.

J. CARD. ALBANUS.

Ut Summi Pastoris sollicitudo, et pietas etiam in hac Alma Dioecesi, opitulante Deo, optato effectu donetur, votis Beatissimi Summi Pontificis satisfacturi praescribimus observanda:

1-o. Tempus hujus spiritualibus solatiis plenae Indulgentiae exordium sumet Dominica III. Adventus, quae *Gaudete* nominatur, et terminabitur Festo S. Joannis Apostoli.

2. Mox memorata die Domini ante sacrum solemne annuncientur ex ambone fideli populo in singulis Templis Parochialibus illucescentes dies salutis, et tempus acceptabile, — publicetur tenor Apostolicarum Litterarum vernaculis linguis, — subjungatur sacer sermo, quo piorum exercitiorum ordo explicandus, et fidelis populus ad vota Summi Pastoris pro suo, et universae Catholicae Ecclesiae emolumento quam adcuratissime explenda peculiari cum ardore extimulandus, atque accendendus erit

3. Die eadem solemnii Missae Sacrificio praemittatur hymnus: *Veni Sancte Spiritus*, quem Cantor, et populus e pagellis precum occasione administrandi Confirmationis Sacramenti dicendarum vernacula in qualibet Parochia potioris partis lingua prosequentur.

4. Quia intra Dominicam tertiam, et quartam Adventus universalis lege praeceptum, Quatuor Temporum Jejunium hoc anno recurrit, et Apostolicae Litterae trium dierum peculiare Jejunium injungunt, etiam feria 2. 3. et 5. singuli Indulgentias lucrari desiderantes noto more jejunabunt; atque ideo integris sex diebus per hebdomadam a prohibitis cibis abstinebunt, et praeter modicam coenam una refectione utentur.

5. Quarto die Domini Adventus, item solemnii Festo Nativitatis Domini a meridie hora prima detur primum, et media secunda alteram Signum, secunda vero fiat Compulsus pro divino cultu; mox dicatur catechetica Exhortatio de Indulgentiis, atque his jungendo — velut conditione Indulgenciarum — pro admissis peccatis satisfaciendi studio; — canatur notus hymnus de Sanctissimo, et Venerabile Sacramento in Monstrantia exponatur, atque sic integrum Rosarium quindecim Decadum cum mysteriis, dein Lytaniae OO. Sanctorum cum adnexis precibus Sacerdote ab altari, vel ex ambone praeente, et fideli populo comitante ad intentionem S. Matris Ecclesiae, scilicet: pro fausto regimine Beatissimi Papae PII. VIII. — pro erroribus, et vitiis extirpandis, — Ecclesia Catholica propaganda, — Concordia Principum, — pace, et unitate Christianorum populorum, — atque Conversione omnium dissentientium ad gremium S. M. Ecclesiae, quae est columna, et firmamentum veritatis — — devote orientur; — his absolutis, praecedente, et sequente hymno ex iisdem pagellis cum cantu: *Sit nomen Domini Benedictum*: prout in Processione Theophorica moris est, detur solemnis Benedictio cum Venerabili Sacramento. Religiosi et Studiosa Juventus, ubi Templum eorumdem simul Parochiale non est, sicut diebus Rogationum, et Festo Theophoriae ad Parochiale Templum transibunt, et Divino cultui intererunt. Solemnies preces Quinque-Ecclesiis in Cathedrali, et Ordinis S. Francisci Templo Hungarica, — in Templo ad B. Mariam Virginem Germanica, et in Templo ad S. Augustinum Illyrica Lingua recitabuntur. In ceteris plurium Lingvarum Parochiis eadem preces secundariis Linguis Festo S. Stephani Protomartyris ante, vel post meridiem persolventur. *per S. Joannem Argoli*

6. Intra dies quindecim singuli, qui favorum in Apostolicis Litteris recensitorum participes esse cupiunt, peccata sua contrito corde confiteantur, et quantum fieri potest, mox memoratis publicarum Supplicationum diebus sub solemnii Missae Sacrificio (aut, cujus adjuncta id non admitterent, alias per decursum hujus temporis) Sanctissimam Eucharistiam devote sumant. Denique

e( ) o O o( ) o

7. Quisque pauperibus, vel ad pia Instituta, quale nunc est, haud pridem annuntiata praedicatio Evangelii inter feros Americae populos, in qua desudantes Sacri Curiones Symbolas Fratrum praestolantur, — tantum largiatur, quantum facultates ejusdem sinunt.

Quodsi aut morbus, aut peregrinatio nonnullis obicem posuerit, quominus diebus publicarum supplicationum ad Templum Parochiale comparere possint, aliis opportunis duabus diebus mane idem Templum visitando, et sub Sacro Missae Sacrificio Corollam B. M. V. atque alias pias preces devote recitando eandem obligationem explebunt. Imo secundum tenorem Apostolicarum Litterarum e peregrinatione reduces, velut prius impediti, mox post redditum praemissa praestituri, quod absque culpa sua differre debuerunt, pariter cum aliis consequi poterunt.

Sacras Confessiones audituri facultatibus ab Apostolica Sede concessis ita utentur, ut eorum, quae de Sacramento poenitentiae Concilium Tridentinum Sacerdotibus inculcat, memores, dum emendatio morum optatur, potestatis concedenda Indulgentiae sinistram interpretationem, qua Heterodoxi doctrinam Catholicae Ecclesiae sugillant, non modo non foveant, sed falsam, injunctis salutari bus satisfactionis operibus demonstrent, et sic animarum saluti, atque Christianae perfectioni promovendae, pro viribus consulant.

Obsécro itaque vos ( cum Doctore Gentium ad Rom. C. 12. v. 1. — 11. 12. ) Fratres per misericordiam Dei, ut exhibeatis corpora vestra hostiam viventem, sanctam, Deo placentem, charitate fraternitatis invicem diligentes, Spiritu ferventes, Domino servientes, Spe gaudentes, orationi instantes! ut Nativitatem Humani Generis Reparatoris iterum celebraturi ad novam vitam renascamur, et veterem hominem exuentes cum moribus, et actibus ejus, novumque, qui secundum Deum creatus est, in justitia et sanctitate veritatis induiti, laeti novum ordiri valeamus annum. Ipse autem ( 1. ad Thessalon. Cap. 5. v. 23 ) Deus pacis santificet vos per omnia, ut integer Spiritus vester et anima, et corpus sine querela in adventu Domini Nostri Jesu Christi servetur! Quinque Ecclesiis. Dominica XXI post Pentecosten Calendis Mensis Novembbris. Anne Domini Millesimo Octingentesimo Vigesimo Nono.

*Ignatius Episcopu[m] P[ro]PEL*

*Georgio Integro  
Secretariu[m]*

**Q**quamvis nulla sint tempora, quae divinis non sint plena muneribus, et semper nobis ad misericordiam Dei per ipsius gratiam praestetur accessus: attamen singulis annis omnium mentes majori studio ad spiritales profectus moveri, atque ampliori fiducia oportet animari tunc: dum ad universa pietatis officia, illius nos diei, in quo redempti sumus, recursus invitat; ut excellens super omnia Passionis, quam ineffabili ratione divina Persona aeterni Patris aeternus Filius in humana natura subivit, Sacramentum purificatis et corporibus, et animis celebremus. Debebatur quidem tantis mysteriis ita incessabilis devotio, et continuata reverentia, ut constanter in conspectu Dei permaneremus tales, quales nos in ipso paschali Festo dignum est inveniri; sed quia haec fortitudo paucorum est, ad reparandam mentium puritatem magna divinae Institutionis salubritate quotannis quadraginta nobis dierum exercitatio medetur: quibus aliorum temporum culpas et pia opera redimere, et jejunia casta decoquere possint.

Liberum quidem est unicuique nostrum voluntariis castigationibus proprium corpus adficere, et nunc moderatius, nunc vero districtius repugnantes spiritui carnales concupiscentias edomare; nihilominus quibusdam diebus ab omnibus oportet pariter observari generale jejunium, quoniam tunc efficacior sanctiorque devotio redditur, quando in operibus pietatis totius Ecclesiae unus animus, et unus est sensus. Quapropter Christianus miles etiamsi specialibus praeliis, implorato divinae protectionis auxilio, possit fortiter facere, tutius tamen, et felicius dimicabit: si adversus carnem mundum spiritusve nequam palam in acie steterit, ubi non suis tantum viribus certamen ineat, sed sub invicti Regis imperio fraternis consociatus agminibus bellum universale conficiat. Profecto minori discrimine plures confligunt cum hoste, quam singuli; nec facile patet vulneri, quem, opposito Fidei bonis operibus florentis scuto, non sua tantum, verum aliorum quoque fortitudo defendit: ut ubi est una omnium causa, sit una victoria. Hucusque Leo Magnus.

Omnibus retro temporibus, et apud omnes nationes, quae aliquam seu veram, seu falsam religionem professae sunt, Jejunium in more fuit. S. Hieronymus ethnicorum jejunii utitur, ut acerrimum jejunii hostem Jovinianum pudore suffundat. A Mosis aetate in sacris veteris Foederis libris multa leguntur praecpta partim, partim commendata jejunia, et numerosa jejunantium Deo probata exempla, quorum ratio non in eo solum versatur, ut serius comedatur, sed ut una etiam cupiditatibus coercendis idonea alia pia opera frequententur. Quod vero ad novam Legem adtinet; quis christiano nomine gloriantium ignorare potest, novi sacri Foederis Conditorem Jesum Christum et quadraginta dierum Jejunii, imitationis abs dubio causa, solenne exemplum praebuisse, — et de fidis sibi discipulis adfirmasse: *Cum ablatus fuerit ab illis sponsus, tunc jejunabunt?* Reipsa, quemadmodum historia docet, primorum Christifidelium omnis vitae ratio nihil aliud, quam abstinentiae, abnegationis, privationum, et jejuniorum series, contextusque veluti quidam erat. Verum nascentis Ecclesiae temporibus ea tantum obligationis jejunia censebantur, quae Pascha praecedebant, Quadragesima scilicet; jejunia cetera nonnisi pedetentim obtinuerunt.

Sanctae Matris Ecclesiae Latini Ritus Catholicae leges, memorato Christi oraculo apprime consentaneae sunt, quae de Consecratione Distinctione tertia, et quinta, item Decreti parte prima Dist. 76ta recensentur sequentes: „Omnes Ecclesiae filii, exceptis diebus Dominicis in Quadragesima etiam die Sabbathi jejunent; — Non oportet in Quadragesima quinta feria ultimae hebdomadae jejunium dissolvi, et totam Quadragesimam inhonorari, sed per totos dies jejunare, et escis abstinentiae convenientibus, id est aridioribus uti; — Jejunia quatror temporum hoc ordine celebrentur: primum in initio Quadragesimae, secundum in hebdomada Pentecostes, tertium vero in Septembri, quartum in Decembri more solito fiat; — Ob reverentiam sepulturae Dominicae sabbatho

pertiendi, et per hos indulgentia utendi erga illos, qui causas excusantes adferunt, licet ob distantiam loci, aliave impedimenta ipsi coram Episcopo se si-stere, aut scriptas preces suas tempestive exhibere nequeant.

Normam largiendae manducandarum in Quadragesima prohibitarum esca-rum veniae singulis annis iterare supervacaneum foret; hinc Regulam, donec Quinque-Ecclesiarum Episcopus fuero, in posterum semper observandam consti-tuo sequentem:

1. Singuli Animarum Curatores Dominica Sexagesimae quotannis ex am-bone dicendo sacro Sermone Legum Ecclesiasticarum de abstinentia, et Jeju-nio, latarum praestantiam, spiritumve explicit, atque una diligentem earum ob-servantiam Auditoribus suis commendent addito monito, ne ullus diebus je-junii, et abstinentiae absque praevie impetrata venia vetitis cibis vescatur.

2. Illis, qui graves causas adduxerint, atque ideo dispensationem petie-rint, solummodo pro Quadragesima optata venia scripto detur.

3. Dispensationis hujus objectum est tantummodo remissio abstinentiae, non vero Ecclesiastici Jejunii quoad unicam quotidie plenam refectionem, jeju-nare etenim sensu Ecclesiastico, seu praeter prandium circa meridiem, et te-nuem coenulam vespertinam aliis horis nihil cibi, vel etiam nutrientis potus su-mere, sicque Temperantiam, quae corporis quoque Sanitati servandae majorem in modum conductit, singulari studio colere completo 21. aetatis anno bene va-lentes obstricti sunt omnes.

4. Causae Dispensationis quoad abstinentiam sunt: Infirmitas, — sen-e-ctus, — paupertas, — peregrinatio, — nimium difficiles, et corpus enervantes labores, — defectus ciborum, quibus uti diebus abstinentiae licet, nempe: ovo-rum, piscium, butyri, et his similius, — nec non aliae memoratis pares rationes.

5. Num causa desideratae veniae veritate nitatur? investigandum non est sed patentis conscientiae relinqnatur.

6. De multis infirmis ceteri, qualemcumque causam adferant, singulis quartis, ac sextis feriis, et Sabbathis, item feria quinta sacrae hebdomadae abstinere jubeantur, ideoque ad hos dies dispensatio non extendatur.

7. Quoniam hodie secundum jam receptam consuetudinem Sancta Mater Ec-clesia admittit: ut praeter unam plenam refectionem in prandio circa meridiem etiam modica coena vesperi sumatur: si dispensatione usuri ob angustiam rei fa-miliaris solummodo prandii reliquiis vesci debeant, egestatem querentibus etiam venia absumendi in coena e carnis id, quod a prandio remansit, concedi po-terit; verum, qui sumtu, novis parandis cibis necessario, non parent, esuriales vesperi adponendos current, si absque coena valetudinis jacturam metuerent.

8. Omnibus dispensationem accepturis injungatur: ut diebus illis, quibus carnis vescentur, abstinentiam piis ad Deum precibus elemosyna, aliisque bo-nis operibus compensent, et peculiariter pro Catholicae Ecclesiae propagatione, et sincera ad Deum tam Schismaticorum, haereticorum, infidelium, quam pec-catis deditorum conversione quinque vicibus Orationem Domini ac Salutationem Angelicam nec non semel Symbolum Apostolorum devote orient.

9. Nemini dispensatio amplior detur, quam ipse desideret, et Schedae dis-pensationis memoratae conditiones inscribantur.

10. Dispensationem hanc praestituto modo Parochi quidem intra ambitum ipsis creditae Parochiae degentibus sacerdaribus fidelibus, — Reverendissimus D. Vicarius Generalis autem Ecclesiasticis Sacerdotibus, et Religiosis tam Pres-byteris, quam Laicis attamen solius testimonio medici probatae infirmitatis, aut servandae valetudinis causa largiri poterunt.

Litterae hae integræ singularium Parochiarum Protocollis inserantur, et per Vice-Archi-Diaconos singulis Annis mense Januario dimittenda ad Fratres, quibus praesunt, epistola sacris Curionibus in memoriam revocentur, ut attente relegantur, et sedulo observentur.

Ceterum gratissimum mihi erit intelligere, quod praeuentibus sacerdotibus per fidelem hujus Dioecesis Populum et Jejunii, et abstinentiae Ecclesiasticae prae-cepto adcurate satisfiat, atque dispensatione uti cupientes facile numerari pos-sint. Hoc sperans piae ad aram memoriae commendatus persevero.

D/20  
Ecclervis die 15 februario 1829.

et collictus  
Ignatius Episcopu

Si.  
531

# IGNATIUS.

## EPISCOPUS QUINQUE-ECCLESIARUM.

Venerabili Clero Almae Dioecesis Quinque-Ecclesiensis Salutem et largam a DEO Benedictionem!

Quantopere curae ac cordi sit Optimo Principi Patri Patriae Augustissimo Imperatori, et Regi nostro Apostolico debita institutio etiam in minoribus Oppidis atque pagis sucrescens, tis juventutis ?numerosa de vernaculis Scholis edita benigna mandata sat superque docent. Verum sollicitudo Summi Principis optatum effectum laud nanciscetur; nisi eidem assiduum operam navent praeprimis illi: quorum praecipuum nobilissimumque Officium est peculiariter rudem populum docere. Non puto ullum e Clero hujus Dioecesis futurum, cui primum utilitatem atque necessitatem Vernacularum Scholarum, aut obligationem doctrinae apud tenetram aetatem inchoandae Sacris Curionibus incumbentem persuadere oportet. Profecto Christiana Religio, lectio ac Scriptio vernaculae linquae, atque elementa Arithmeticae, quae in vernaculis Scholis traduntur, cuilibet homini adeo necessaria sunt: ut horum notitia nemo sine gravi detimento carere possit; imo lectionem et Scriptionem etiam doctrinae Religionis bene condiscendae, et Sacrarum exhortationum, quae in Templis dicuntur, usui durabili capiendo plurimum adjumenti adserre si quis negare presumserit etiam, demonstrabit attamen nunquam. Quod porro curam animarum adtinet; quid quaeso huic convenientius sedula eruditio tenellarum prolium in vernaculis scholis his veris singularum Parochiarum plantariis? Omni potestate in Cœlo, et in terra pollet, qui Sacerdotibus novi Foederis precepit: docete omnes gentes — docentes eos servare omnia, quaecunque mandavi vobis, atque idem tenerimo cum affectu praecipuum prolium rationem habendam esse pronunciavit dñs: qui suscepit unum parvulum tales in nomine meo, me suscipit.

Tenellae proles sunt agnelli gregis Domini, cujus pascendi provinciam volente Deo suscepimus, timidi quidem, sed ad vocem Pastoris audiendam maxime prompti; — sunt flores, qui amoene sese explicant, sed et cito flâescunt neglecti, — sunt pretiosa semantis in auro Domini sparsa, quam a noxiis suffocantibus herbis repurgare, pastinare, — gare saepe necesse est: ut fructum centuplum, quem pollicetur, ferre valeat. Quod Apostolus Paulus ad Corinthios scripsit de se, id ipsum quivis animarum Curator de efflorente intra ambitum Parochiae sibi creditae tenera aetate cum primis adseverare potest: in Christo Jesu per Evangelium ego vos genui; igitur vestigia Doctoris Gentium premendo patribus etiam spiritualis Patris satisfacere indefesse conetur est necesse. Ipse Pater est pulorum, quorum regenerationis ad vitam aeternam per salutare lavacrum instrumentum constituit; parvuli vero sunt totidem filii, filiaeque ejus paternae sollicitudini, (quae etiam ad Pauli monitum: et vos Patres educate filios vestros in disciplina et correptione Domini, complectitur) a Patre Luminum commissi. Per naturales genitores Deus fluxam temporalem corporis vitam natis donavit; opera ministrorum Religionis eosdem vitae aetere haeredes creavit. Spiritualis cognitionis vinculum, quod sacra unda abluentem inter, et ablutum enascitur, quodve Sancta Mater Ecclesia perenne constituit, Sacris Curibus constanter calcar addere debet: ne nomina libro vitae a se insertorum inde defici patientur, — ne vota omnipotenti nuncupata oblivioni dentur, — ut parvuli pollicitur, — nubes illorum nomine factas et intelligent, et expleant, — ut fides ac virtus in corde innocentium mature profundas radices agant, novaque semper incrementa capiant. Institutio ab dubio tunc est expeditissima: dum discipuli magistrum reverenter audiunt, — ab ore magistri pendent, — praæjudiciis, qui buscum decertandum fore, nullis adhuc laborent, — nutrunt vultu adducto, voce acriori attenti redduntur; ast puerili aetate neglecta obices semper plures et serius insuperabiles emergere tristis experientia testatur. Vos met ipsos testes appellati, qui in vinea Domini laborantes portatis pondus diei et aestus! cui tribuitis culpae, si Parochiae regimen auspicati rudem ignorantem indocilem improbum populum offendatis, nonne justae indignationis omnia fulmina in caput antecessoris vibrantur? vita unius navi animarum Doctoris aetatem hominis requirit, ut sentes, ac tribuli, quibus dente patrefamilias ager Domini obductus

est, evellentur, extirpentur, eradicentur. Ab adverso; si quis vestrum in Parochia, cui praeest, Juventuti tempestive salutaris fidei ac morum doctrinae recta principia instillaverit, ac indiderit; securis laboribus Vestris jucundam sternetis viam, — secundo omne jaeta sementis sudores vestros ditissima coronabit messe, — successores vestri vos laudibus in coelum extollent, cineribus, manibusque vestris optime precabuntur, bene coepta alacres prosequentur, — Obrectatores Ordinis nostri hoc paeprimis aeo haud pauci adminus rubore suffusi obmutescerent. Si quos etiam eorum, quibus pueris adhuc docendis operam vestram impenditis, serius a recto tramite aberrare contingat; semper tamen bene sperare licet: semen Religionis cordibus eorum insitum revicturum, et haustae doctrinae oblitos levi negotio ad frugem reductum iri. Quia vero Scholaris institutio clauditur tempore, quo juvenes matrimonium inire parant; hoc quoque curriculo in salutem animarum usi scientiam sponsorum, quam in scholis sibi comparaverant, periclitando, obscurâ declarando, obligationes Parentum erga proles mansvete una et graviter iisdem inculcando, voti compotes fietis, atque in dies plures numerabitis Patres ac Matresfamilias, quibus proba prolium suarum educatione nibil erit antiquius, qui inter paecipua lucra numerabunt sumius in prolium suarum scholarem institutionem erogatos, qui ad propagandam, stabiliendam in Parochia pietatem et christiane Religioni consentaneam morum probitatem Vobis dextras jungent.

Haec legentium mentem abs dubio subbit cogitatio: quo tandem hoc longum dirigitur exordium? an non in plerisque bujus Dioecesis Parochiis a prolibus scholae frequentantur? numquid sacri Curiones hactenus Officio docendarum in scholis protium defuerunt, aut in posterum plane Ludimagistrorum vice fungi debebunt? quid potuit huic expectationi ansam paebere? Libenter pilam profiteor in multis hujus Dioecesis Parochiis occasione Canonicae Visitacionis me peculiari cum solatio tentamini scholarium prolium adiuisse, et earum progressum laudasse; ast non paucas quoque numerari in hac Dioecesi Parochias, in quibus debita scholaris institutio desideratur, nihilque esse humani operis, quod semper magis perfici non posset, aut non deberet, haec pariter omnibus constant. Absit autem quam longissime ut Ludimagistri, quos plures cuperem, tollantur. Eapropter de hoc argumento nobilissimo ad Vos litteras mittere jam meditanti opportunissime redditum est Benignum Mandatum, quo singuli Vice-Archi-Diaconi intra Districtum suum nationalium scholarum Inspectores clementer nominantur, atque una ab Episcopo methodum explendi hujus munera edoceri jubentur; quod uberioris quisque vestrum intelliget e tenore apographi sequentis 1281. Illustris plurimum Reverende Excellentissime, Illustrissime et Idssime Bao, ac Episcope, Amice charisime, Domine nobis observandissime! Suam Majestatem Sacratissimam clementer resolvere dignatam esse: ut ad restabilendum in Scholis nationalibus, rectaque tenerae Juventutis educatione debitum ordinem, ejusque manutentionem, ac observantiam praescriptarum penes easdem scholas, et Doctrinae Instituta ordinationum, functions Inspectoratus scholarum nationalium Vice-Archi-Diaconis sub manuductione superioris sudiorum Directoris perficienda deferantur; Excellentiae Vestrae pro directione, ac respectorum Vice-Archi-Diaconum suos Districtus caeteroquin visitare obligatorum edocatione, considerataque invitatione hisce notum redditur. Datum ex Consilio Regio Locumtenentiali Hugarico Budae die decima May Anno millesimo Octingentesimo primo celebratio. Illustris plurimum Revaerenda, Excellentissimae, Illmae ac Reverendissimae Dominacionis Vestrae ad Officia paratus paratissimi Comes Fidelis Pálfy m. p. Joannes Szobovits m. p.

His Benignis Jussis quam adclarissime satisfactorus e re futurum censui summam omnium in hodiernis de scholis vernaculis dimissorum Regiorum decretorum Vobis ob oculos ponere, et in mea quoque vota addere, citatione ne lectionem impedit, in contextu solummodo invenata, et ad calcem translata. Sit uno obtutu perspicient et sacri Curiones et Vice-Archi-Diaconi una Inspectores, quid ad promovendum prolium in vernaculis scholis profectum coferre debeant, ut convicentur se partes suas explevisse.

Tota praesens materia ad sequentia capita revocari potest:

- A) Ubi schola vernacula aperienda?
- B) Quis obligatur aptum officium struere et conservare?
- C) Per quos et qualis Ludimagistro addicenda remuneratio?
- D) Ubi conducendus etiam Praeceptor quam et a quo mercedem accepturus?
- E) Quae objecta in vernaculis Scholis tradenda, quisve ordo observandus?
- F) Quae dotes requiruntur in Ludimagistro, et qua ratione ad officium assumendus vel dimitendus seu Ludimagister, a Praeceptor?
- G) Qua ratione Parentes permitti, ut proles suas ad scholas mittant?
- H) Quae partes Ludimagistri in scholis?
- I) Quid scholari juventuti praesta debeat Parochi, et Cooperatores?
- K) Quid pertinet ad munus Inspectorum, quo in posterum Vice-Archi-Diaconi fungentur? Sit itaque:

I.

C A P U T

*Ubi vernacula Schola aperienda?*

§. 1. In Locis, ubi Parochus fundatus est, schola aperiatur; quin imo etiam in filiabus matri Ecclesiae junctis, in quibus proles frequentandarum scholarum capaces quinquaginta reperiuntur. a)

§. 2. Ubiunque Magistro sufficiens remuneratio addicitur, etiam si memorato numero pauciores forent scholis idoneae proles, ludus litterarius habeatur. b)

§. 3. Quia complura sunt in hac Dioecesi praedia, in quibus sicut incolae ita proles complures numerantur, quae scholas adeundi occasione destitutae pecorum instar excrescunt; maximum coram Deo et hominibus meritum sibi comparabunt sacri Curiones et Vice-Archi-Diaconi, qui Dominis praediorum persvaserint Scholae erectionem, et Magistri introductionem.

§. 4. Sicubi propter paucitatem Catholicorum incolarum magister conduci nequiret, Scholae autem alterius Religionis adessent, has lectionis, scriptio[n]is, atque Arithmeticae condiscendae causa Catholicis prolibus adire licebit ita tamen: ut praevie haec parentum intentio Catholicus Parochus significetur, neque integrum sit Ministris alterius Religionis absque scitu Catholici Parochi Catholicas proles ad suas scholas admittere; — Catholicus Parochus hujus modi proles peculiariter in Doctrina Catholicae Religionis instituat, et ad divinum cultum Catholicae Ecclesiae frequentandum stringat; — occasione p[re]electionum et examinum e Doctrina Religionis in Scholis Acatholicis instituendarum Catholicae proles e Schola dimittantur, et non modo ad participationem Coenae aut Sacra, sed neque ad Oratorium dimittantur: si enim per id Catholicam prolem a Fide deficere contigerit, hujus mandati transgressores poenae allectorum ad sensum art. 26. 1791. semet obnoxios reddent. c)

II.

C A P U T.

*Quis obligatur aptum pro Schola aedificium struere, et conservare?*

§. 1. Fundum sufficientem pro Scholaribus aedibus erigendis DD. Possessores abs dubio nunquam negabunt.

§. 2. Novarum aedium Scholarium erectio generatim ipsis Communitatibus su[er]e incumbit; quodsi vero hae paupertate testimonio Judicis nobilium comprobanda prohiberentur suis viribus praestare totum: Domini Terrestres materiam et sumtus subministrabant, Communitatis autem manuum operas, ac vecturas praestabant, et requisitam Scholarem supellectilem comparabunt. d)

§. 3. Sicubi Communitas distinctam pro usu suo silvam habet, ex hac aedilia ligna promenda erunt. e)

§. 4. Ut moralitati et sanitati noxia coarctatio prolium evitetur: Schole numero Juventutis respondeant est necesse; magister autem ubique distinctum a Scholai cubili hospitium habeat, ne occupationes oeconomiae institutionem juventutis turbent. f)

§. 5. Conservatio et reparatio Scholarium aedium citra concursum terrestris Dominii incombet Communitatibus illis, quae haec aedifica citra acceptum subsidium erexerunt; egenae tamen Communitates quoad majoris momenti reparations materia ac expensis a terestri Dominio juvabuntur, onere operarum et vecturarum perficiendarum Communitates manente. g)

§. 6. Justum est: ut Filiae proprio Magistro destitutae pro mensura usus, quem Scholae in matre Ecclesia capiunt, tam ad erectionem quam conservationem Scholarium aedium concurrant; secus ab hoc onere immunes erunt.

§. 7. Sicubi Catholici cum Acatholicis communes Scholas erigerent, ad has tam aedificandas, quam conservandas utraque Communitas proportione observata operas et vecturas praestare debet. h)

1 \*

a) 27. Nov. 1795. Nro. 94567. — 23. Jun. 1802. Nro. 13.493.

b) 23. Jun. 1802. Nro. 13493.

c) 5. Dec. 1798. Nro. 28643. — 16. Sept. 1793. Nro. 24284.

d) 27. Nov. 1795. Nro. 24567.

e) Idem.

f) Idem, et 25. Jun. 1811. Nro. 15840.

g) 27. Nov. 1795. Nro. 24567.

h) 10. Mart. 1789. Nro. 8650.

§. 8. Ubicunque sumtus adfuerint, tam pueri quam puellae separatum Scholare cubile habeant.

§. 9. Quum Ludimagister culina, penu, stabulo, atque fundi totius cinctura carere nequeat; ad haec quoque struenda, et restauranda pertinent hactenus memorata.

§. 10. Si propter paupertatem Communitatis distinctum Scholare cubile erigi haud possset, templum autem vel sacellum in loco praesto esset; in sacra aede doceatur juventus mensibus illis, quibus frigus obicem non ponit.

§. 11. Quum desiderari nequeat: ut amplorum Bonorum possessores eodem anno pluribus in locis pauperioribus Communitatibus materiam et sumtus pro erigendis Scholaribus aedibus suppeditent; Parochi et Vice-Archi-Diaconi per humanis precibus suis singulis annis in hujusmodi Dominiis unius saltem Scholaris Domus aedificationem impetrare conabuntur.

### III. C A P U T

*Per quos, et qualis Remuneratio Ludimagistro addicenda?*

§. 1. Quum obligationem debite educandorum Liberorum Parentibus ipsa natura impo-  
suerit; Communitates singulae obstrictae sunt Ludimagistrum quoque dotare. Quodsi nihil  
ominus nonnullae misericiores Communitates integrum magistro suo dotem praestare non  
possent; tunc eadem ad majorem saltem partem administrandam stringendae erunt, minor  
autem pars per Terrestres Dominos supplebitur. Filiae proprio magistro carentes pro dote  
magistri in Matre concurrent, per quem proles suas erudiendas curabunt. i)

§. 2. Remuneratio Magistri partim in aere, partim in rebus ad victum necessariis stabi-  
lienda ita: ut annuos centum viginti flnos monetae Conventionalis semper adaequet; prae-  
terea vero pro alendis duobus vaccis pascuum, et hiemale pabulum eidem adsignetur. k)

§. 3. Mineralia a prolibus Scholas frequentantibus nullum exigatur. l)

§. 4. Illis in Locis, ubi ad Dosem Magistri fundi immobiles agri et prata imputantur;  
hos colere, fruges metere, grama secare, fruges, foenum cordum invehere Communitas  
obligatur. m)

§. 5. Ligna ad focum, et calefactionem etiam Scholaris cubilis necessaria Dominium,  
Communitate autem distinctam silvam habente haec, suppeditabit, sectionem vero ac vectu-  
ram semper populus praestabit. Quodsi ob defectum silvae ligna adsignari nequirent, his  
arundinis aut straminis requisita quantitas substituatur. n)

§. 6. Dos Magistris finis 120 M. C. major pridem addicta porro quoque integra cedat. o)

§. 7. Ubi Remuneratio Ludimagistrorum decreto Canonicae Visitationis per legale Te-  
stimonium subscripto roborata est; novam de minori mercede cum conducendo Magistro con-  
ventionem inire non licebit. Sicubi vero antiquae Scholae magistro major remuneratio seu  
a Dominio, seu a Communitate in perpetuum donaretur, aut nova Schola erecta novi etiam  
Magistri dos stabienda foret, Contractus presentibus Comitatus Testimonio, Officiali Do-  
minii, Senioribus Communitatis, Parochio qua Directore, et Vice-Archi-Diacono qua Inspectore  
continandus, atque subscriptione, sigillisque omnium nominatorum munita quinque exem-  
pla exaranda erunt, quorum alterum Communitati, alterum Dominio tradendum, tertium  
Regiae Superiori Studiorum Directioni, quartum Officio Dioecesana, quintum Excelso Con-  
silio Locumtenentiali Regio Hungarico submittendum erit. p)

§. 8. Ubiunque Filiarum Communitates distinctum Ludimagistrum vellent introducere  
ea lege: ut ab oblicatione concurrendi ad remunerationem Ludimagistri in matre absolvantur;  
huic desiderio tunc tantum praevie obtento consensu Officii Dioecesani satisfieri poter-  
rit: si fungens Ludimagister in matre parti redditum a filia administratorum sponte renun-  
ciaverit, aut obierit, vel aliquorum migraverit, — item dotem flororum 120 M. C. tam in  
matre Ludimagistro mansuram, quam in filia addictam esse constiterit.

### IV. C A P U T

*Ubi conductendus etiam Praeceptor, quam et a quo mercedem accepturus?*

§. 1. Remuneratio Praeceptoris praeter hospitium in Scholari domo, et victum ad men-  
sam Ludimagistri erunt annui flni viginti quinque M. C. Hinc

i) 27. Nov. 1795. Nro. 24567.

k) l) m) n) o) Idem.

p) 27. Nov. 1795. Nro. 24567.

§. 2. Ubiunque in scholari aedificio etiam pro habitatione Praeceptoris sufficiens spatium adest; — Ludimagister tantos redditus habet, ut victum atque memoratam mercedem praestare Praeceptori valeat; — multitudo scholaris Juventutis Praeceptoris operam requirit; Ludimagistro invito licet Praeceptor adjungi debet.

§. 3. Quodsi aut Dominum aut Communitas absque onere Ludimagistri Praeceptori fundationem addiceret; haec ratione supradicta contractu firmetur oportet.

## V.

### C A P U T.

*Quae objecta in vernaculis Scholis tradenda, quisve ordo observandus?*

§. 1. In his Scholis doceantur proles: Catholicam religionem, hujusque tam Fidei Capita, quam morum praecepta cum brevi historia Biblica; expedite legere vernaculis linguis in Parochia vigentibus, pueri autem ad latinas scholas transituri etiam latine; — emendate scribere iisdem linguis; — lingvam Ungaricam, ubi haec nota non est; — Arithmeticae elementa cum regula trium et societatis atque adlicatione ad oeconomiam, et commercia rustica.

§. 2. Libri pro his objectis typis Regiae Universitatis procusi sunt, quorum causa uniformis institutionis usus fiat.

§. 3. Quia libro sacram Historiam complectenti nonnulla inserta sunt, quae obscaenis cogitationibus ansam praebeant, et verecundiam parvolorum cautissime custodiendam offendunt: idcirco haec capita praevie cerussa signanda, nec unquam scholari juventuti propoundeda erunt; imo nec jubeantur Parentes hunc librum emere, sed solummodo ex auditu explicationis condiscant parvuli selecta capita, donec alter liber aptior editus fuerit.

§. 4. Doctrina Religionis per Ludirectores tradatur e recepto nornali catechismo; — explicabitur autem uberior e libro, quem singulis hujus Dioecesis Sacerdotibus usque calendas octobris, si vixero, missurus sum.

§. 5 Annus Scholasticus inchoabitur solemni invocatione Sancti Spiritus, nempe celebrando solenni Sacrificio, et cantu hymni: *Veni Sancte Spiritus calendas Septembris*, et durabit usque finem Junii, ubi autem vineae sunt, feriis addentur duae septimanae viae academiae impendendae mense Septembri vel Octobri. — Mane singulis profestis diebus, nulla recreationis titulo demta, ab hora octava ad decimam, a meridie autem a secunda ad quartam erudiantur proles, utque debito tempore se sistere possint, campanula per communitatem comparanda media hora citius signum detur. — Tam mane, quam a meridie initium fiat a precibus, et clara voce devote recitentur Oratio Domini, Salutatio Angelica, Symbolum Apostolorum, decem praecepta Dei, quinque praecepta Ecclesiae, septem sacramenta, et confessio generalis; dein perlegatur Catalogus, et absentes notentur; porro ad octavam ad nonam semper doctrina Religionis cum sacra Historia, ab hora nona ad decimam Lectio, a secunda ad tertiam alternis vicibus jam Arithmeticam, jam lingua Ungarica, aut si omnes lingvam Ungaricam callerent, sola Arithmeticam, et a tertia ad quartam scriptio doceantur. — In locis ubi sacrificium Missae decima hora celebratur, huic die adsit scholaris juventus, — secus mensibus aestivis, si septima hora foret moris sacrissimae operari, ad haec compareant scholares, ideoque dato in Turri signo domo movere, et ad scholam venire jubeantur inde una Templum ingressurae. — Diebus Domini et Festis inter a hora ante divinum cultum tam mane quam a meridie in cantu sacrorum hymnorum exerceatur juventus praevie pariter signo campanulae ad scholam convocanda. — Ultima septimana mensis Januarii, et Junii publica solemnia tentamina instituentur, et solemnii in templo gratiarum actione scilicet solenni Missae Sacrificio, et cantu hymni *Te Deum laudamus!* annus scholasticus concludetur.

§. 6. Quod si e memoratis objectis quodpiam citius ceteris terminaretur, liberum erit hora hujusmodi objecto destinata aliud, quod nondum absolutum est, substituere. — In schola summum silentium observare, modeste sedere, et diligenter attendere aspergiant proles; petulantes vero, et negligentes moneantur, sed nunquam seu caedantur seu alteri corporali poenae subjiciantur.

## VI.

### C A P U T

*Quae dotes in Ludimagistro remittuntur, qua ratione adsumendi ac dimittendi tam Ludirectores quam Praeceptores.*

§. 1. Calendis Januarii inchoabitur Quinq<sup>ue</sup>-Ecclesiis Schola Praeparandorum ad Magisterium in vernaculis scholis gerendum, cuius Docentes e redditibus Episcopalibus honorarium accepturi sunt; atque ideo ab Exordio anni imminentis nemo Ludimagistri Officium

consequi poterit, nisi prius hic methodum docendi sibi familiarem reddiderit, et datis specimini-  
nibus approbationis testimonium meruerit. q.)

§. 2. Causa inducenda quo ocyus uniformis parvulorum in scholis vernaculis institutionis  
singulis Ludimagistris nunc fungentibus svadeatur: ut saltem pro aliquot septimanis, dum ipsis  
maxime oportunum fuerit, huc compareant, et paelectiones audiant novo tentamini haud subji-  
cieundi. Quodsi attamen nonnulli ad munus explendum minus idonei reperirentur, hi sub poena di-  
missionis, quod neglexerunt, supplere, et Testimonium adprobacionis mereri jubeantur. Porro

§. 3. Nemo deinceps Ludimagister eligi poterit, nisi prius per Vice-Archi-Diaconum Di-  
strictus, in quo degit, e Doctrina Religionis examinatus, et pro habili adiuentus fuerit; cui  
obligationi satisfactum esse testimonialibus Vice-Archi-Diaconi literis demonstrabitur. r.)

§. 4. Quicunque Magistrum agere cupit, ungaricae linguae bene gnarus sit oportet.

§. 5. Praeter sufficientem scientiam, et notitiam lingvarum in Parochia, ubi quis Do-  
centis officium obire desiderat, vigentium <sup>up</sup> requiruntur in Ludimagistro probi mores; hinc gra-  
vioris publice noti criminis convictus Ludimagistri stationem nec obtinere, nec retinere poterit

§. 6. Electio Ludimagistri etiam paedagogico et V. A. Diaconi de responsis e Doctrina  
Religionis depromtis testimonio producto tunc solummodo robur consequetur; dum Parochi  
qua Directoris localis, et Vice-Archi-Diaconi qua Inspectoris consensus accesserit. r.) Nihil  
ominus electio haec illis salva manet, a quibus magister remunerationem percipit. s)

§. 7. Eadem ratione qua Magister suscipitur, etiam indignus, aut inhabilis dimittetur.

§. 8. Praeceptorem solummodo Ludimagister conduceat cum consensu Parochi, nisi sepa-  
ratam a Dominio vel Communitate mercedem acciperet; tunc enim horum quoque adsensus  
accedat est necesse. Pari modo, dum adjuncta postulaverint, Praeceptor officio privabitur.

## VII.

### C A P U T

*De obligatione Parentibus felicius persuadenda, ut proles diligenter ad scholas mittant.*

§. 1. In Locis, ubi praeter vernaculae scholas Catholicorum etiam Augustanae vel Hel-  
veticae Confessioni addictorum, aut Graeci ritus non unitorum scholae existunt; juventutem  
Catholicam utriusque sexus ad scholas alterius Religionis recipere vetitum est sub multa  
12 florenorum recipienti Ludimagistro irroganda, et pro casu ulterioris renitentiae etiam du-  
plicanda. Idcirco his in locis Catholicae proles tantum nostrae Religionis scholas frequen-  
tae jubeantur, omnisque conatus adhibeatur; ut profectus prolium in his scholis inferior non  
sit, atque in Ludo alterius Religionis.

§. 2. Ad promovendam Juventutis institutionem, ne haec pascendis pecoribus occupe-  
tur, ubi vis locorum communes Pastores conducantur. t)

§. 3. Siquidem experientia doceat jam quinque annorum proles institutionis capaces es-  
se, et usque octavum aetatis annum proles laboribus, qui corpus fatigant, onerari neque-  
ant; quinto aetatis anno completo prolium institutio in scholis inchoanda erit.

§. 4. Singulis annis mensis Novembri secundo die Domini peculiaris de obligatione  
debita educandarum prolium Parentibus incumbente, nec non utilitate ac necessitate scho-  
larum sacer sermo ad concessionem dicatur.

§. 5. Pro quovis objecto signum distinctionis comparetur, quod in fascia sericea pen-  
dens in pectore gestent ii, qui eminuerint.

§. 6. Ad publica tentamina quovis Semestri Parentes praevie Examen precedente die  
Domini post terminatam sacram Exhortationem invitentur: ut testes sint progressus per  
proles, quae scholas diligenter frequentarunt, facti.

§. 7. Pari ratione praevie invitatis Parentibus die ultima scholastici anni, quo sole-  
nes gratiae Deo agentur, post cultum divinum in Templo perlegatur absentiarum consig-  
natio, dein e singulis objectis Classificatio; laudentur et quopiam praemio donentur dili-  
gentes, atque ad horum vestigia sequenda excitentur negligentes.

§. 8. Proles institutionis capaces, quae objecta in his scholis tradi solita nondum con-  
didicerunt, aestivo etiam tempore, nisi per Parentes inevitabili labore occuparentur, ad  
frequentandam scholam stringantur; contra Parentum pervicaciam autem, si necessarium fu-  
erit, etiam Magistratualis auctoritas interpelletur. u)

§. 9. Generatim omnes Parentes proles suas pro addiscenda Religionis et honorum mo-  
rum doctrina ad Parochum (seu scholas, ubi adsunt) mittere sub poena per civilem Ju-  
risdictionem irroganda cogantur; ideoque hac in parte desides Parentes civili Jurisdictioni  
denuncientur. v)

q.) 18. Sept. 1795. Nro. 18.884.

r.) 27 Febr. 1816 Nro. 5710.

s.) 22. Aug. 1799. Nro. 19247.

t.) 19. April. 1796. Nro. 7679. et 25. Juni. 1811. Nro. 15840.

u.) 16. Mart. 1813 Nro. 3424.

v.) 23. Junii 1802. Nro. 13395.

## VIII.

### C A P U T.

#### *Quae partes Ludimajstrorum quoad scholarem Juventutem*

§. 1. Ludimagister quilibet, antequam docere incipiat, die Domini vel Festo Evangelii cantu terminato, tacto libro Evangeliorum, quem Parochus tenebit, eliciat Professionem Fidei Catholicae a Pio IV. editam lingua vernacula, et tunc una per Parochum breviter eidem partes officii recenseantur, sedulove explendas injungantur, populo etiam monito; ut absque tergiversatione magistro praestet, quod seu Contractu seu occasione Canonicae Visitationis illi addictum est.

§. 2. Officium Magistri a munere Notarii et campanatoris cumprimis in majoribus Communitatibus separetur; in casu tamen illo, ubi praeter Magistrum distinctus etiam Praeceptor esset, Communitas vero separatum Notarium remunerare nequiret, officium Praeceptoris cum notariatu conjungatur, demtis locis illis, ubi major pars Incolarum Catholicam Religionem haud profitentium Acatholicum Notarium deligeret. w)

§. 3. Ubi numerus Populi tantus est: ut Cantor una organedus distinctus conduci possit; ibi Magistro pueros, cantori vero puellas docere incumbet. w)

§. 4. Horas praescriptas in scholis exigant; nisi alia ad officium eorum pertinente functione — vel infirmitate adesse prohiberentur; ne tamen vel iisdem absentibus institutio negligatur, ubi Praeceptor aut sacer Curio Ludimajstrum impeditum supplere nequit, nonnullos felicioris ingenii adolescentes peculiariter doceant: ut iis, dum necessitas emerget, scholas ad tempus concredere valeant.

§. 5. Dominium Terrestrale, Vice-Archi-Diaconum, Parochum, Primores Communitatis revereantur, nihil unquam contra hos seu in scholis seu alibi proferant.

§. 6. Ab omnibus blasphemis et obscaenis verbis, scomatibus, et aditu' popinarum prorsus abstineant. Quodsi causa tenuis remunerationis musica sibi quidpiam mereri cogentur, nunquam ultra signum pro quiete datum domo abesse praesumant.

§. 7. Doctrinam Religionis tantummodo e praescripto normali Catechismo proponent.

§. 8. Ordinem supra Cap. V. recensitum adcuratissime observabunt.

## IX.

### C A P U T

#### *Quid Scholis trivialibus praestare debeant Parochi, et Cooperatores.*

§. 1. Directio scholarum nationalium, demtis capitalibus, quales esse solent in Civitatibus, aut majoribus oppidis, Parochis Locorum non solum competit, sed et incumbit. x) Integrum tamen manet Dioecesanis in Scholis his nationalibus non secus, ac quoad totum curae sua pastorali concréditum gregem doctrinae Religionis, et Morum invigilare. y)

§. 2. Quum caustum sit, ne seu tyrones opificum in numerum sodalium recipiantur, seu sponsi ad matrimonium admittantur: donec in doctrina Religionis et Morum rite instructi examen subiverint, et Parochi adprobationem meruerint; Parochorum munera est hoc optatissimo Regio mandato uti tam ad persvadendum Parentibus: ut proles suas ad Scholas mitiant, — quam ad defectum e neglecta frequentatione Scholarum ortam supplendum. z)

§. 3. Quum Institutio Juventutis in principiis Fidei et Morum solis duntaxat Magistris concredi nequeat, hocve officium tam in Templo, quam in Schola irremisso zelo explendum ad praecipua Sacerdotum munia pertineat; in omnibus Scholis nationalibus seu Capitalibus seu Trivialibus, ubicunque sufficiens Fundatio pro distincti Catechetae remuneratio ne non existit, Parochi aut ipsi aut per Cooperatores suos praescriptis horis Doctrinam Religionis citra ullum stipendium hoc titulo percipiendum explicare obligantur. aa)

§. 4. Parochi Directorum in Scholis vernaculis officio fungentes quovis Semestri Informationem secundum adnexam formulam sub AA. terminato publico examine Vice-Archi-Diaconis qua Inspectoribus in duplice exemplo mittent Portorii immunes futuri. bb)

\*  
2

w) 27. Nov. 1795. Nro. 24567.

x) 26. Mart. 1817. Nro. 8614. — 12. Jan. 1796. Nro. 770.

y) 17. Mart. 1802. Nro. 5050.

z) 25. Jun. 1811. Nro. 15840.

aa) 3. Febr. 1792. Nro. 21653. — 9. Mart. 1802. Nro. 5040. — 12. Nov. 1805. Nro. 26200.

bb) 1. Oct. 1790. Nro. 23423. — 17. Febr. 1793. Nro. 1435. — 16. Mart. 1813. N. 3424.

28. Aug. 1795. Nro. 17248.

§. 5. Peculiarem curam habebunt prolium earum, quae propter defectum Scholae Catholicae Scholas alterius Religionis frequentare coguntur: ut divino cultui diebus Festis et Domini in Catholicò Templo adsint, ab oratorio alterius Religionis arceantur, explicationi doctrinae Religionis in acatholica Schola interesse non admittantur, statutis diebus pro audienda institutione in Religione Catholica se sistant. Quodsi aut allectionis ad alteram Religionem periculum observarent, aut sollicitudini memoratae obices ponerentur, sine mora Officio Dioecesano Relationem praestabunt fide dignis documentis fultam. cc)

§. 6. Non tantum bis qualibet septimana doctrinam Religionis in Scholis vernaculis explicabunt, sed praeterea saepius scholes visitabunt; Ludimagistrum docentem audient, et defectus nefors observati emendandi modum eidem privatum declarabunt, ac injungent; etiam citra publicum tentamen frequentius periculum progressus instituent.

§. 7. Signa distinctionis per decursum anni gerenda,— et nonnulla proemia eminentibus occasione publici tentaminis distribuenda proprio aere comparabunt optato effectu non caritura. Velint etiam singuli quidpiam in tabulis ultimae voluntatis ad emendos pauperibus libros vel comparanda proemia aut remunerationem Ludimagistri Praeceptoris augendam destinare.

§. 8. Ad pagos et praedia, ubi nullae scholae sunt, quolibet die Lunae, nisi grave tunc impedimentum alium diem diligendum saderet, excurrant Parochi aut Cooperatores, atque ibi congregatam Juventutem in Doctrina Religionis erudiant.

§. 9. In Parochiis illis, ubi, magnus licet sit Catholicorum Incolarum numerus, in hodiernum tamen scholae nullae, nec Ludimagister, Parochi omnem adhibeat conatum; ut grandi huic defectui medela feratur. Perhumanis precibus Dominii opem implorent, hortentur populum, ipsi exemplo praeuant, et quamquam reddituum partem huic pio fini sacrent, in tabulis etiam ultimae voluntatis aperiendae scholae memores sint. Donec autem mox memoratus effectus secutus fuerit, singulis profestis diebus duabus horis a meridie parvulos suae Parochiae in domo Parochiali, aut frigore cessante in Templo congregatos omnia illa doceant, quae in vernaculis trivialibus scholis proponi debent; ut sic administrus Campanatores, qui coloni esse solent, tales in posterum assumi possint, qui etiam Ludimagistri officio fungi valeant. Haec occupatio Parochorum auctoritate non modo nihil derogabit, sed potius majorem aestimationem conciliabit, et populum iisdem summopere devinciet. Ubi autem Campanator ad docendam scholam aptus conduci poterit, huic etiam officium magistri exemplum injungi debebit.

## X.

### C A P U T

#### *De Officio Vice-Archi-Diaconorum qua Inspectorum quoad Scholas.*

§. 1. Quotiescumque intra Districtum ad Parochias cujuscumque functionis causa excurrerint, semper una scholam visitabunt, et tam idoneitatem Magistri, quam profectum Juventutis experiti non intermittent.

§. 2. Peculiariter periclitabuntur et habilitatem Docentis et progressum scholarium singulis annis mense Novembri, dum causa Rationum de redditibus Templorum redditarum examinandarum ac signandarum ad quamlibet Parochiam comparere debent.

§. 3. Informationis quolibet semestri a Parochis qua Directoribus concinandae propria etiam manu signatuni alterum exemplum Officio Dioecesano, alterum Superiori Studiorum Directioni Jaurinensi aut Zagrabiensi mittent, cuius ultimae columnae suas quoque observationes inserent praeprimis de speciminibus occasione visitatiois scholarum datis.

§. 4. Superioris Studiorum Directionis mandata cum iis, ad quos adtinent, communicabunt.

§. 5. Distinctum habebunt Protocolum, cui omnia ad rem litterariam pertinentia acta, item functiones causa scholarum susceptas diligenter inscribent; praeterea etiam acta in negotiis scholasticis exhibita secundum materiam ad fasciculos disposita conservabunt.

§. 6. Secundum supra sub bb. ultimo loco citatum Regium Decretum a litteris Superiori Studiorum Directioni mittendis portorium publici cursoris non solvent, ideoque in volucro epistolarum titulo addent voces: *In negotio Studiorum.*

Haec sunt, quae de hoc argomento Vobis in memoriam revocanda, commendanda, et si opus foret, injungenda quoque censui, vehementer gratulatus: si magnae de parvolorum institutione toties manifestatae Apostolici Regis nostri sollicitudini, atque ad hunc finem certius consequendum peculiari in Sacrorum ministris locatae fiduciae,— si Divini Magistri nostri operam debitae, tantomagis autem religiosae, parvolorum educationi im-

pensam sibi navari adfiantis exspectationi et mandatis Vos omni possibili conatu responderem expertus fuero; dum Dioecesis Visitationem cujus in futurum solummodo Sacramenti Confirmationis dispensatio, et scholarium prolium examina objecta erunt, iterare mihi licuerit.

Scio equidem perbens puerilis aetatis formandae provinciam haud faciem esse, — doctorem dum pueris puer fieri cogitur, saepe toedio affici, — optatum progressum urgeatur licet, multis obicibus impediri; verum quis unquam arator sine sudore messuit? quis miles sine pugna victoriae reportatae laudem obtinuit? quis Apostolorum luctamina fugit? Abs duio tunc communi saluti optime prospectum erit, si quisque in Statione, quam ei Divini Providentia designavit, omnes muneris sui partes ad amussim expiere adnitus fuerit. Maxima sine minimis nec exsurgere, nec durare possunt; probos Christianos solummodo e tempestive bene eruditis parvulis prudenter sperare licet; Huricōjae maximam civium clasem constituunt; idcirco hos erudire non viliis, sed maximi momenti et meriti occupatio est. Sed ad magna proemia pervenire sine magnis labōribus non conceditur; jan vero non mea, sed aeternae Veritatis est vox illa: Docete omnes gentes! — qui ad Justitiam erudiant multos, fulgebunt quasi stellae in perpetuas aeternitates; — qui fecerit et dcuerit, hic magnus vocabitur in Regno Caelorum. Haec et merita et proemia Vobis omnibus a Deo Largitore bonorum omnium sincere precor! Gratia Domini nostri Jesu Christi cum Spiritu Vestro Fratres! Quinque Ecclesiis Idibus Julii Anno Christi Millesimo Octingentesimo Trigesimo Primo.

*Ignatius Gravell*

*Georgius Pintar  
Sacerdos Franciscanus Director.*



# Reverende Baroche!

Quamquam sola sana ratio cuilibet adsfatim persvadere valeat operibus misericordiae nihil DEO communi omnium hominum amantissimo Patri gratius, nihil humanae societati utilius frequentari; attamen causa certioris effectus etiam in sacris utriusque Foederis paginis haec opera peculiariter celebrantur, his divinus Magister noster in primis aeterna proemia pollicetur exercitis, poenas semper duraturas minatur neglectis. Ast, si levandae afflitorum hominum sorti divina Providentia singulos ditiores partem suarum facultatum saerare jubet; Evangelii Praecones, fidelis populi Doctores, Lucernae ad candelabrum non frustra positae exemplo praeluceant oportet vel maxime tunc: dum ad publica hujusmodi Instituta pia munificentia imploratur.

Siqui commiseratione digni sunt, sunt profecto illi: qui vivunt, quin vel locum videre possint, in quo vitam ducunt. Ad horum solatium, et auxilium Pestini ante paucos annos pius Institutum feliciter quidem inchoatum est, sed jam penuria sumtuum laborat. Idcirco Excelsum Consilium Locumtenentiale Regium Ungaricum piam liberalitatem praecipue Cleri ad ferendam nutanti Instituto opem provocare suae esse obligationis censuit Benigno -Gratioso Intimato sequentis tenoris:

Illustris, plurimum Reverende, Excellentissime, Illustrissime et Reddissimae Baro, ac Episcope, Amice charissime, Domine nobis observandissime! 14,250. Cum provocatio de dato 17-mae Julii 1827. Nro. 18589. circa sublevandum, et constabiliendum coecorum Institutum disissa, etsi effectu, qui intendebatur, non careat, idem Institutum patienti Humanitati non modicam consolationem praebens, tamen illam huicdum hand praebuerit consolidationem, ut ex Oblatis huicdum influentibus, stabilis ejusdem Instituti conservatio, minus vero adhuc necessitatibus Regni commensurata extensio fundate sperari possit; Hinc Consilium hoc Locumtenentiale Regium ad muneris sui Partes pertinere convincitur: ut attentionem non minus, ac generosum Regnicularum animum penes moderni hujus Instituti inde a quinque annis Pestini erecti, Status, et ejusdem coordinationis plani communicationem iteratim ad conferendas simbolas impensis provocet. — E submissio enim per Deputationem coecorum Instituti, negotia ejusdem Instituti sub Praesidio Ord. Vice Comitis Comitatus Pestiensis pertractantem, elaborato Statu activo, et passivo liquet; fundum hujus Instituti non nisi e 16,500 flor. M. C. Capitali, quod 990 fl. annua Interesuria infert, consistere. His accedit oblatum annum 288 fl. pro duabus puellis factum, ita ut cuncti fixi proventus nonnisi 1278 fl. efficiant, cum e converso erogationes annuae non obstante omni possibili adhibita parsimonia in flor. 1987. C. M. subsistant.

Pro eo itaque, ut saluberrimum hocce Institutum stabiliori, ac solidiori Basi superstrui, et qua Institutum Regnicolare constabili valet, ne idem pro casu defectus fundi, illud, cuius erectio generosae Hungarae Nationis indoli, et necessitati, ac gloriae Regni maxime correspondet, in incunabulis jam corruat, Regium hoc Consilium Locumtenentiale Excellentiam Vestram hisce quam impensissime provocandam esse duxit: ut pro sua publica patienti Humanitati aleviam praebentia Instituta promovendi promptitudine, omni virium contentione cooperari satagat, quo idem Institutum per offerenda charitativa subsidia proximae Cassae Politico-Fundationali inferenda, ad talem perduci valeat Statum, qui stabilitatem ejus adpromittere valeat, et omni ex parte se manifestanti necessitati parte adminus in aliqua correspondeat.

Ceterum Consilium hoc Locumtenentiale Regium Excellentiam Vestram una edocendam habet: quod cuique Jurisdictioni, aut privatae Personae tam generosum oblatum facienti, ut ex illo adminus 150 flor. C. Mon. annui titulo Interusurii proveniant, sive capitale hoc statim exolvatur, sive solummodo securisetur, Jus Praesentae unius Individui ad Institutum hoc competit. Datum ex Consilio Regio Locumtenentiali Hungarico Budae die trigesima prima Mensis Maii Anno Millesimo Octingentesimo Trigesimo Primo celebrato. Illustris plurimum Reverendae, Excellentissimae, Illustrissimae ac Reverendissimae Dominationis Vestrae ad Officia paratus paratissimi Comes Fidelis Pálfy m. p. Franciscus Tressinszky m. p.

His convenienter conentur singuli sacri Curiones justae exspectationi satisfacere, velintque symbolas suas intra bimestre ad Dioecesanum Officium submittere.

Ceterum *pia ad aram memoriae commendatus  
persevero*  
*DD:Vestra*  
*V:Ecclesiar: 20: Julii 1831.*      *addictus*  
*Gratius, Lippus*

## CASSA - ST.

Az Pesten fel-állított Országos Vakok-Intézetének; kezdetétől fogva,

			forint.	kr.	forint.	kr.
			P e n g ö b e.			
1826	Esztendőben utolsó Decemberig béjött Subscriptio szerént. . . . .		—	—	1553	48
Jövedelem.						
1827	Esztendőben 1. Januariustól, egész utolsó Decemberig.. . . . .		1834	34 1/2		
1828	— 1. detto detto . . . . .		9603	6		
1829	— 1. detto detto . . . . .		6719	34		
1830	— 1. detto detto . . . . .		1133	43		
	Öszvessen . . . . .		—	—	19290	57 1/2
	A' kiköltsönözött Töke - Summáknak Kamattyai utolsó Decemberig 1830. . . . .		—	—	1333	—
	Öszvessen. . . . .		—	—	22177	45 1/2
	Tartozik az Intézetnek Cassája egész utolsó Decemberig 1830 . . . . .		—	—	100	21
	Öszvessen. . . . .		—	—	22278	6 1/2
<hr/>						
	Az fent tulsó oldalon ki tett 16,500 forintokból álló Töke - Sommának esztendei Kamattyai . . . . .		990	—		
	A' két Leány - Gyermeknek esztendei Fizetése . . . . .		288	—		
	Öszvessen. . . . .		1278	—		
	A' mint a' tulsó oldalon lázik Deficit. . . . .		709	—		
			1987	—		

Pesten Majus Holnap 1-ső napján 1831 esztendőhen.

# ATUSSA

va, egész 1830-dik esztendei December Holnap' utolsó napjáig.

		forint.	kr.	forint.	kr.
		Pengőbe.			
<b>Kiadások.</b>					
6 procento Kamatokra ki adott Töke pénzek.	.	.	.	16500	-
<b>Költségek.</b>					
1826	Esztendőben az Intézet kezdetétől utolsó Decemberig.	.	.	140	-
1827	- 1. Januariustól egész utolsó Decemberig	.	.	1020	49
1828	- 1. detto detto	.	.	1437	32
1829	- 1. detto detto	.	.	1442	29½
1830	- 1. detto detto	.	.	1737	16
<b>Öszvessen.</b>					
		---	-	5778	6½
<b>Öszvessen.</b>					
		---	-	22278	6½
 Az 1830-dik estendei Számadás szerént, Hazi - Költség, Házber, Director, és Professorok Fizetése, Musikus, és Harisnya - Kötö.. . . . .					
Ezen kívül, a' béköt ajándékok, nevezetesen 17 öll Fa, Ruházatt, és más efféle az Intézetbe tett ajándékok;— ha ezek a' jövendő esztendőkre elmaradnának, a' Kipotolásra szükségesek légsznek az Intézet, Cassájából.		1737	-		
		250	-		
		1987	-		

A' Vakok Intézetének Perceptora Apadics Grabovszky Athanas.

*A. M.*  
1832

— o 13 o —

# IGNATIUS

## EPISCOPUS QUINQUE-ECCLESIARUM.

Venerabili Clero Almae Dioecesis Quinque-Ecclesiensis Salutem et largam a DEO Benedictionem!

*P*aulus Apostolus in epistola prima ad Corinthios plura quidem praecipit in sacris Christianorum conventibus ad curatissime observanda, his tamen alia quoque ad divinum cultum utiliter celebrandum apta addi posse satis declarat subjungens: *Cetera, dum venero, disponam, — omnia autem honeste, et secundum ordinem fiant.* Pari ratione urget quidem et alibi, et ad Colossenses scribens: *Verbum Christi habitet in vobis abundantier in omni sapientia docentes et commonentes vosmetipsos, psalmis, hymnis, et canticis spiritualibus in gratia cantantes in cordibus vestris Deo;* Timotheum Episcopum autem sollicitum esse cupit: *ut primum omnium, scilicet praecipue occasione publici divini cultus, fiant obsecrationes, orationes, postulationes, gratiarum actiones pro omnibus hominibus, pro Regibus, et omnibus, qui in sublimitate sunt, ast quaestio- nem, quos sacros hymnos canere, quas preces fundere oporteat?* ipse silentio praetermittens, enucleandam ad eorum munus pertinere innuit, de quibus fidi populo inculcat in epistola ad Hebraeos: *Obedite Praepositis vestris, et subjecete eis, ipsi enim per vigilant, quasi rationem pro animabus vestris reddituri.* Mox dictis prorsus consentaneum est Concilii Tridentini de observandis et evitandis in celebratione Missae decretum, cuius epilogus Episcopis injungit: *Ut non solum omnia — summatim enumerata, — sed quaecunque alia hue pertinere visa fuerint, ipsi pro data sibi a Sacrosancta Synodo potestate — prohibeant, mandent, corrigan, statuant, atque ad ea inviolate ser- vanda — fidelem populum compellant, non obstantibus — consuetudinibus quibuscunque.*

*Sed et hunc*  
*Eapropter per magni nominis Antecessores meos de hoc argumento saluberrime constituta, et per me quoque hactenus Sacris Curionibus commendata prosecuturus mitto libelli — preces, et sacros hymnos complectentis — tribus in hac Dioecesi vigentibus vernaculis linguis editi ad singula publica Tempa duo exempla, quorum alterum Ludimagistri, alterum Sacerdotis usui serviat, atque secundum hunc devote celebrandi tam festis, quam profestis diebus divini cultus, item sucipiendi Sacramenti Confirmationis praescribo sequentem Normam.*

### § I.

*De primis Vesperis festorum dierum.*

Quia festis diebus, qui solenni divino cultui peculiariter dicati sunt, praeparationem quampiam praemittere convenientissimum est, et Catholica Ecclesia hoc desiderium sufficienter declarat in hodiernum cuilibet festo adsignatum divinum officium a vespera praecedentis diei inchoando; in posterum singulis diebus Sabbati, et pridie festorum Fori, — ut quo plures interesse valeant, — hora ante solis occasum, aut in populosisioribus locis, praesertim aestivis mensibus, etiam citius detur primum signum, post medianam horam alterum, deinde interposita mora fiat compulsus. — Accensis cereis mox Sacerdos Rochetto, Stola, et Pluviali amictus cum pacificali progredietur ad Altare majus, et Cruce ad Aram posita in faldistorio considebit, Ludimagister autem cum populo canet Lytaniam Lauretanam explicatam; — porro terminata Lytania canetur hymnus tempori respondens de Beata Maria Virgine stando, aut flexis genibus, prout ritus Ecclesiae poscit; — hymno sub-

jungetur oratio, quam Sacerdos ad Aram clara voce recitabit, et pacificali formata super populum cruce, pronuntiataque voce submissa benedictione dimittetur populus; — denique donec dilabatur populus, canetur hymnus: *Credo in Te*, qui ad initium cultus divini pomeridiani diebus festis observandi legitur.

## § II.

### *De expositione Sanctissimi sub solemnibus Sacris.*

Solemne Missae Sacrificium exposito supra Tabernaculum in Monstrantia Sanctissimo celebrare licebit solummodo sequentibus festis diebus: cuiuslibet mensis prima Dominica, — Die natali Domini, non tamen noctu, — Dominica Paschatis, Pentecostes, et infra octavam Corporis Christi, — die annuae publicae Adorationis, — tribus Feriam quartam Cinerum praecedentibus diebus, velut huic devotioni peculiariter destinatis, — die dedicationis Templi. His festivitas Corporis Christi non adnumeratur, quia ritui tam Romanae, quam Strigoniensis Ecclesiae convenienter hoc die sub solemani Sacrificio dueae hostiae consecrandae sunt, quarum altera in solenni processione circumferenda est. — Quoties autem Sacra exposito Sanctissimo fient, semper primum canentur tres Strophae hymni *Sanctus*, quo durante Sacerdos thus adolet, finito autem ordietur lingua vernacula hymnum: *Pange lingua*, quem populus prosequetur usque Stropham: *Tantum ergo*; porro collocabit Sanctissimum inter ardentes cereos supra Tabernaculum; denique ultimo Evangelio terminato iterum praemissa thurificatione Sacerdos Sanctissimum manu tenens canet versum: *Tantum ergo Sacramentum*, et donec populus hymnum absolverit, benedictionem impertietur; thus adolebit, Sanctissimum ad Tabernaculum reponet. Venerabile causa solemnis adorationis exponendum semper pridie consecrabitur.

## § III.

### *Diebus Domini, et festis, item die Adorationis Sanctissimi, nec non Feria 2. et 3. post Dominicam Quinquagesimae ante meridiem solemnis divinus cultus.*

Hora octava fiet primus pulsus, media nona secundus, et nona compulsabitur. Simul ac compulsus finitur, nemine exspectato Ludimagister intelligibili voce incipit praefire actus Fidei, Spei, Caritatis, et Contritionis, quem Scholaris juventus et universus populus clara voce sequitur. — Ubi solummodo una lingua sacri sermones dicuntur, post memoratam orationem illico canitur invocatio S. Spiritus, ad cuius hymni quartam stropham Sacerdos more recepto induitus concendit Suggestum, — legit Epistolam et Evangelium diei, — media hora dicit ad concionem, et vel lecta explicat, vel his consonum quodpiam Christianae Ethicae caput proponit, aut fidei dogma demonstrat cum ejusdem usu morali, quin latinus textus, quibus rudium auditorum adtentio turbatur, interserat, — demum sacrae exhortationi jungit preces pro Rege, omnive classe hominum, et promulgat populo annuncianda. — Donec Sacerdos vestes sacras ad Missae Sacrificium requisitas adsumit, canitur gratiarum actio pro audita institutione, vel psalmus 18-vus. — Cuncta mox recensita ab invocatione S. Spiritus inchoando in Parochiis, ubi duabus, vel tribus etiam linguis, sacri sermones dici debent, absoluto Missae Sacrificio peraguntur, ideoque devotio nunc memorato hymno, vel psalmo terminatur. — Sub solemani Missae sacrificio alternis vicibus duo praescripti hymni canuntur, quos non modo sono organi, verum aliis etiam musicis instrumentis comitari, atque sic fervorem canentium inflammare ad munus Ludirectorum, et chori pertinet, nunquam tamen — e causis multis noti — figuralis latinus cantus cum musica extra Cathedrale Templum adhibebitur. A sonitu tintinnabuli consecrationem praecedente usque finem elevationis silentium observetur piis ad Christum suspiriis impendendum. — Post Sacerdotis communionem praebatur illis, qui praevie sacram confessionem peregerint, sub eodem sacrificio consecrata Eucharistia, praemissis vernacula lingua: *Confiteor*, *Misereatur*, *Indulgentiam*, item *Ecce Agnus Dei* cum ceteris sequentibus; si vero communicantium major numerus fuerit, sub communione canatur eadem lingua hymnus: *Lauda Sion*. — In Parochiis, ubi duo, vel plures sunt Sacerdotes, qui ad vicina loca causa Sacrorum excurrere non obligantur, praeter mox dicta etiam mane hora septima, praemissis duobus pulsibus canetur invocatio S. Spiritus, legitur Epistola, et evangelium, dicitur Homilia, qua terminata praeorabit Ludimagister actus Fidei, Spei, et Caritatis, deinde celebrabitur sacrificium legendo, ad cuius partes canetur hymnus profestis diebus praescriptus.

## § IV.

### *Diebus Domini, et festis a meridiie solemnis divinus cultus.*

Hibernis mensibus hora secunda, aestivis tertia compulsabitur, et statim canetur hymnus: *Credo in Te*; deinde dicitur Catechesis, in qua quaestiones, prout in libro recente:

edito, et singulis Parochiis donato occurunt, proponentur ita: ut quatvor annorum decursu integra Christiana doctrina absolvatur. Porro accensis cereis exponetur Sanctissimum, canentur tres Strophae hymni: *Sanctus*, thus adolebitur, dabitur benedictio, Venerabile supra Tabernaculum collocabitur, et praeeunte Sacerdote clara voce recitentur, aliis mensibus autem canentur comitante organo Lytiae, et quidem:

- a.) A prima Dominica Adventus usque Dominicam Sexagesimae inclusive, item Dominicam Paschatis de Christo Domino Redemptore humani generis, et Beneficiis ab Eodem acceptis;
- b.) Festo Corporis Christi, — Dominica infra octavam mox dictae solemnitatis, — Festo dedicationis Templi, — die adorationis Sanctissimi, — et Dominica Quinquagesimae cum duabus sequentibus Feriis de Sanctissimo Eucharistie Sacramento;
- c.) Dominicis Quadragesimae de Passione Domini;
- d.) A Feria secunda Paschatis usque Feriam secundam Pentecostes inclusive de Spiritu Sancto, Ejusque donis;
- e.) A Dominica prima post Pentecosten usque Dominicam, quae diem S. Michaelis praecedit, de Sanctissima Trinitate, et divina Providentia;
- f.) A Dominica diem S. Michaelis sequente usque ultimam Dominicam post Pentecosten Lytania omnium Sanctorum.
- g.) Festis B. M. Virginis Lytania de B. M. Virgine, quae Sabbatis vespera canitur.

Preces semper Sacerdos ad Aram clara, et distincta voce recitabit. Hanc Orationem sequetur hymnus de B. M. Virgine tempori conveniens cum oratione, sicut diebus Sabbati. Demum canentur duae Strophae hymni libello inserti, sub quo cantu peragitur thurificatio, populo impertitur benedictio, et Venerabile ad Tabernaculum reponitur.

### § V.

*Diebus profestis mane.*

A.) Siquidem Concilium Tridentinum Sess. 23. C. 14. de Reformat. Sacerdotes animarum curae vacantes non modo diebus festis, verum etiam profestis Missae Sacrificium celebrare jubeat, — et reipsa Romano - Catholica Ecclesia singulis diebus non modis preces recitandas, sed etiam his consonum Missae Sacrificii ordinem Presbyteris prescripscerit; nisi graves causae prohibuerint, Sacri Curiones quotidie Sacris operari non intermittent, et ubi plures sunt, alter mane mox post solis ortum, alter hora decima Sacra peragant, — semper praemisso bis pulsu aeris campani;

B.) Ad partes singulas Missae Sacrificii canetur tertius libello precum insertus hymnus;

C.) In Adventu Votivum Missae Sacrificium de B. M. Virgine hora sexta inchoabitur, cuius partes, prout solemnibus festis moris est, per Sacerdotem, — hymnus autem ad singulas partes festorum dierum Sacris adsignatus a populo canentur. Peculiare meritum sibi comparabit, qui huic solemnii Sacrificio opportunitate usus catecheticae institutionem junxerit.

### § VI.

*Si pro Defunctis Missae Sacrificium seu canendo, seu legendo tantum celebretur.*

Ad partes Ejusdem comitante organo canentur hymni libello inserti, et terminata sacra functione, si fideles majori numero adfuerint, clara voce aut per Ludimagistrum, aut per Sacerdotem recitabuntur vernacula lingua preces.

### § VII.

*De administratione Sacramenti Confirmationis.*

aa.) Utprimum imminens Episcopi Sacra peregrinatio Animarum Curatoribus nota reddita fuerit, mox sequente die Domini fideli populo in epilogo sacri Sermonis futuram Sacramenti Confirmationis administrationem annunciant, et hortabuntur tam parentes, ut nondum confirmatas septennio maiores proles singulis diebus sedulo pro audienda

Christiana doctrina mittant, — quam adultos, qui hoc Sacramentum suscipere distulissent, ut opportuna occasione utantur, atque obligationi boni Christiani satisfaciant. Porro singulis diebus Domini et festis in sanctis Sermonibus illae veritates explicabuntur, quae idoneae sunt: ut alii quidem ad digne suscipiendam Confirmationem praeparentur, in aliis vero efficacia hujus Sacramenti jam suscepti instauretur. — Dominica adventum Episcopi praecedente ordo hac occasione in Templo observandus, et per Episcopum tam in Schola, quam Templo agenda finito sacro sermone enarrabuntur, singulise modestia, et pietas commendabitur. — Tempestive diligenter consribentur ii, qui intra ambitum Parochiae septimum annum jam superarunt, Confirmationis Sacramentum tamen nondum suscepserunt. Consignatio haec Episcopo praesentanda sex columnas complectatur, quarum tituli erunt sequentes: *Parochia, et locus originis, — Nomen, cognomen, uetus confirmandi, — Pater et Mater confirmandi, — Patrinus vel Matrina, — Examen e doctrina Christiana, et huic respondens calculus, — Nomen Confirmationis.* — Ex hac consignatione per Ludimasterum scribentur schedulae singulis confirmandis tradendae. — Confirmandi praeceteris diligenter in Christiana doctrina erudiantur, et secundum Catechismum, quem mitto, doceantur illa, quae in hoc libro de Sacrementis generatim, et de Baptismo, Confirmatione, Eucharistia, Poenitentia speciatim proponuntur; — iidem pridie adventus Episcopi ante meridiem sedulo e perceptis interrogentur, et tunc una calculus dati speciminis columnae inscribatur; — die tentaminis a meridie, et sequente usque meridiem, invitatis etiam, si opus fuerit vicinis Sacerdotibus, audiatur poenitentium, et praeprimis confirmandorum, qui adprobationem meruerunt, confessio; — hac occasione Ludimagister singulis confirmandis, qui Confessionem peregerint, tradet schedulam occasione Confirmationis, a quolibet exhibendam; — ne in Templo tumultus excitetur, Patrinos, vel confirmandos quaerendo, utve quilibet confirmandus, quovis loco consistere possit, Patrini autem fors impediti suis laboribus occupari valeant; in singulis Parochiis decenter vestiti, et proborum morum vir, qui omnium Patrinorum, et mulier, quae cunctarum Matrinarum vice fungentur, praevie per Parochum invitabitur, Officiumque docebatur.

bb.) Pridie tertia hora pomeridiana Scholastica juventus in Scholari domo congregata praestoletur Episcopo, qui recta has aedes ingredietur profectum juventutis in lectione, scriptione, arithmeticā, et grammatica ungarica duabus horis pericitaturus.

cc.) Hora quarta primum, media quinta alterum signum dabitur, et hora quinta durante compulso, praecedentibus Scholaribus Episcopus Templum intrabit.

dd.) Divinus cultus ita peragetur, sicut Dominica Pentecostes a meridie.

ee.) Terminatis precibus singuli confirmandi, (demtis senioribus:) e Christiana doctrina per Parochum examinabuntur, et ab Episcopo audientur.

ff.) Altero die mane praemisso dupli pulsu celebrabitur Sacrum lectum hora sexta, dein audietur confessio nefors restantium poenitentium. Hora septima pro solemnibus Sacris dabitur primum signum, media octava alterum, et octava finito compulso illico canetur hymnus, *Veni Sancte Spiritus* comitante organo, quem praevie Scholares memoriae mandare, aut sibi describere jubeantur; — deinde perfectis Epistola, ac Evangelio diei Parochus, vel Cooperator dicet sacrum sermonem huic solemnitati consentaneum, (quoniam laudes Episcopi vel verbo memoret) atque in conclusione quam brevissime recensebit series sacrarum functionum, — monebit confirmandos, ut toti divino cultui devote adsint, et nonnisi ultima gratiarum actione terminata domum redeant, — hortabitur singulos, ut clara voce eliciant professionem Fidei e cathedra praelegendam. Porro idem, qui Sermonem Sacrum dixit, preebit prolixiores actus Fidei, Spei, Caritatis distincte, et ad sensum attente quasvis constructiones pronunciando ita, ut singuli praesentes legentem absque errore sequi valeant. Interea Episcopus sacris vestibus induetur, — precibus absolutis fideli populo benedictionem ipertinetur, — si adjuncta admiserint, dicet brevem adhortationem ad populum, — solemne Missae Sacrificium, sub quo populus hymnum: *Prosternimur credentes*, canet, sine expositione Sanctissimi celebrabit, — particulas pro communicantibus sufficientes consecrabit, — sumta Eucharistia communicare coepientes ipse participes reddet, attamen, si major numerus fuerit, per Parochum in dispensanda Eucharistia juvabitur. Sub elevatione silentium observabitur. Ante communionem populu canetur praeante Ludimastro per populum lingua vernacula: *Consiteor, + verba Domine non sum dignus: ter per populum repetentur, — deinde durante communione canetur hymnus: Lauda Sion.* Postquam Episcopus benedictionem populo impertitus fuerit, promulgabuntur Indulgentiae, et dabitur signum majori campana pro confirmatione.

gg.) Finito pulsu confirmandi, si omnes in duabus seriebus ab Ara majori usque portam Templi locum habuerint, ita disponentur: ut mares Epistolae, seminae vero Evan-

geliū latus occurrent, in eodem loco mansuri, donec integra functio absoluta fuerit. Quod ei major foret numerus confirmandorum; tunc primum mares jubebuntur per Parochum exire, et foris praestolari, seminae autem in Templo mansurae Sacramentum suscient; — dein hae dabunt locum confirmandis maribus, et expectabunt foris dicendas preces. Donec confirmandi disponentur, et Sacro Chrismate signabuntur, canetur hymnus: *Credo in Te*; sed hic cantus interrupetur, quam primum Episcopus primam orationem orsus fuerit, et donec preces absolverit, — cessabit autem Sacra unctione terminata. Confirmandi — sub precibus per Episcopum latine dicendis, — dum singuli Chrismate signabuntur, — nec non Deo gratias acturi genuflectent; ante unctionem schedulam confirmationis desideranti tradent; donec autem ceteri Sacram unctionem suscient, quieti stabant. — Administratione Sacramenti finita iterum majori campana aliquot minutis dabitur signum, et omnibus qui Confirmationem suscepserunt, in Templo congregatis, praeeunte Sacerdote a cathedra singuli orabunt gratiarum actionem — accepta ab Episcopo benedictione dimittendi.

hh.) Sacramentum Confirmationis solummodo in Parochialibus Templis administrabitur, — sacer sermo, preces, et hymni illa vernacula lingua dicentur, quam major pars populi calleb, — eapropter illi, qui potioris partis lingvam non intelligunt, per Parochum, vel Cooperatorem pro suscipienda Confirmatione ad aliam proximam, (etiamsi alterius Districtus) Parochiam deducendi erunt.

ii.) Curae sit Vice-Archi-Diaconis: ut in quavis Parochia quatuor Presbyteri ad sint, qui Episcopo sub sacris functionibus obsequia praestent.

## § VIII.

### *De aliis sacris functionibus.*

Ut — administratio singulorum Sacramentorum, — diversae solennes Benedictiones, — Sepulturae, — publicae sacrae Processiones, et supplicationes, quae quotannis, aut peculiaribus adjunctis poscentibus instituuntur, — nec non piae functiones sacrae hebdomadae quo majori cum spirituali fidelis populi utilitate frequententur; auxiliante Deo promissum supplementum Ritualis Libri, pro quo concinnando singuli, qui rogati fuerant, hujus Dioecesis ecclesiastici viri sedulo elaboratas lucubrationes ad me miserunt, intra cursum unius anni prelum subibit, et mihi navatam operam cassam haud fuisse testabitur.

## § IX.

### *Summa recentiorum Regiorum Mandatorum de divino cultu, et festis diebus.*

Etsi insignis sollicitudinis, qua Apostolicus Rex noster immortalis memoriae priorum Augustorum secutus vestigia, pia Religionis exercitia curat, luculenta documenta singularum Parochiarum libris inserta esse non dubitem, quia tamen haec sparsa sunt, haud supervacaneum arbitror eorumdem tenorem succincte recensere; est autem sequens:

Diebus Domini et Festis nemo servilibus laboribus occupetur, sed omnes Missae Sacrificio, Sermonibus Sacris, doctrinam Christianam explicanti Catechesi, aliisque pietatis exercitiis intersint, quae dum peraguntur, nullus in tabernis semet detineat, aut clamoribus aliorum devotionem turbet. (12. Nov. 1799. N. 26369) Quantum in potestate Clericorum est, fideli populo persuadeatur: ut divinum cultum diligenter frequenter, atque sacram institutionem cum fructu excipiat, magis conspicui autem ceteris maxime salutari exemplo praeluceant. (30. Oct. 1798 N. 26079.) Diebus Domini et festis musica, saltus in popinis ante absoluta Divina pomeridiana, item Coetus opificum, publicae auctiones, et nudiniae interdicuntur. (22. Nov. 1808. N. 25799.) Iisdem diebus graviora onera curribus non imponantur, — tabernae mercatorum non reserentur, — ast tonstrinae, apothecae, balnearia pateant; esculenta usque matutinam nonam, candelas hyeme post quartam, aestate post sextam horam vendere admittitur. (12. Nov. 1799. N. 26369.) Augustanae et Helveticae Confessioni addicti, nec non Ritus Graeci tam Catholicci, quam non uniti in locis ubi latini Ritus Catholicorum Templum, in quo Sacra celebrantur, existit, Festis Catholicorum privatim labores illos solummodo, qui absque strepitu peraguntur, ruri tamen hos quoque exercere possunt; sed quicunque subditos aut servos suae Religionis festos dies celebrare prohibent, Actioni fiscalis subjici præcipiantur. (Art. 23. 1791. —). Jan. 1315. N. 731 — 4. Oct. 1814. N. 23034.) Saltus, et choreae publicae a Dominica prima Adventus usque Epiphaniam Domini, et a feria quarta Cinerum usque Dominicam in Albis inclusive vetantur. (10 Mart. 1818. N. 6371.) Scholastica juventus publicis supplicationibus devote interstit cum suis moderatoribus, et quolibet mense Sacramentis Poenitentiae, ac Eucharistiae utatur. (17 Mar. 1802. N. 5050.) Conventicula nentium horis vespertinis prohibentur. (22. Oct. 1805. N. 24428.) Judaei stabilito Sacrae Politiae ordini semet accomodare obstringuntur.

(9. Dec. 1823. N. 30202.) Eapropter Sacris Curionibus non modo culpas dari nequit, si fidelem populum saepe ad solemnem cultum divinum diebus Domini et festis ante et post meridiem frequentandum hortentur, — in hac obligatione explenda desides paterno affectu reprehendant, — id ipsum inculcantibus Regiis Mandatis morem gerere recusantes Civili Jurisdictioni, causa certius obtinendi desiderati affectus, denuncient, ut potius officio tam Sacerdotis, quam boni civis desint, atque gravissime peccent, qui licet Summi Principis auctoritate fulti majora in dies incrementa capienti perniciosissimo publici divini cultus inivis intentus neglectui ipsi quoque taciturnitate partim, partim proprio tempore velificari non horrent.

## § X.

### Quinque-Ecclesiis.

In hac Diocesi solummodo Urbs Quinque-Ecclesiensis plures complectitur Parochias, et sicut in Cathedrali constantur, ita etiam in ceteris Templis plura peculiaria Sacra celebrantur, quae in aliis Parochiis non videntur. Idcirco Quinque-Ecclesiis ordo cultus divini tenebitur, omniaque pietatis exercitia porroquoque frequentabuntur ita, sicut haec in Decreto ultimae Canonicae Visitationis recensentur, aut posteriori Episcopali mandato mutationem subivere, vel subitura sunt; attamen quaecunque de hymnis, precibus, Sacris Sermonibus, et Catechesibus praemissa sunt, etiam Quinque-Ecclesiis, in quantum aliae stabilitae Sacrae functiones admittunt, ad amussim observentur.

Profecto hominem ratione praeditum nulla occupatio magis decet, quam de Summa Ratione meditari, — Supremum Numen admirari, venerari, imitari, — aeterni, atque perfectissimi Entis voluntatem scrutari, illi quam promissime obsequi, illius gloriae celebrandae se totum devovere, illius gratiam, praemiave mereri. Dubio vacat mox memoratae destinationi respondendi expeditissimam occasionem esse publicum solennem divinum cultum Sacris exhortationibus junctum, dum et Sacerdos ardore suo concionis animos ad pietatem accendit, et singuli mutuo exemplo sibi invicem praeludent, calcarve addunt. Certissimum est, et omnis humanae felicitatis fundamentum esse probos mores, et ad hos formandos firmandoque plurimum conducere publicum, Christianae Religionis Spiritui consentaneum cultum DEI. Negari denique non potest, ibi plerumque languescere populum, ubi etiam Rector Parochia — Curator animarum torpet, atque avide quasvis frivolas excusationes illis, quas ad evangelicam coenam invitati hospites incassum adulterunt, simillimas captat: ut sic quidpiam ingrati oneris a se amoliri valeat; e contrario et Sacra diligenter frequentari, et religiosam institutionem libenter audiri, et christianis virtutibus conspicuos numerari plures ibi, ubi Sacerdos fervet, — omnes prescripti divini cultus partes sedulo observat, — bene subactos, continnatos, atquae memoriae mandatos Sermones, similesve Catecheses sine intermissione dicit, — cuncta ad veram pietatem inflammandam idonea media adhibet, — singulas Sacras functiones ea devotione exequitur: ut internam, qua ardet, erga Deum venerationem et amorem manifestent, loquuntur, testentur.

Utinam singuli Dioecesis hujus, imbecillitati meae creditae Sacri Curiones Tridentini Concilii Spiritu Evangelii plena Decreta quotannis attente perlegerent, eademya penitus animis mandarent! certo convincerentur multa adhuc sicut alibi, ita in hac quoque Dioecesi Reformatione per Iudicatae Sacrae Synodi Patres copta indigere, — et non tam mea, — quamvis per me majorem in modum commendari, urgerique debeant, — quam potius piissimorum, doctissimorumve universalis Eccliae Pontificum, — Litteris meis comprehensa — vota ad effectum deducere haud tergiversabuntur. *Igitur non dormiamus, — sed vigilemus et sobrii simus. (1. Thess. C. 5. v. 6.) Implemini Spiritu Sancto loquentes Vobis metipsis in psalmis et hymnis, et canticis spiritualibus, cantantes et psallentes in cordibus vestris Domino, gratias agentes semper pro omnibus in nomine Domini nostri Jesu Christi Deo et Patri. (Ephes. C. 5. v. 18. 19. 20.) Confidimus autem de Vobis in Domino, quoniam, quae praecipimus, et facitis, et facietis. Dominus autem dirigit corda vestra in caritate Dei, et patientia Christi, — et confirmet in omni opere, et Sermone bono. (2. Thess. 3. v. 4. 5. item 2. v. 16.) Fratres orate pro nobis. (Thess. 5. v. 25.) Quinque-Ecclesiis Idibus Aprilis, Anno Domini millesimo octingentesimo trigesimo secundo.*

*Ignatius Ignatius*

*Ignatius Thomas  
Secrarius.*

Reverende Baroche

Singulorum sacrorum Curionum magnopere interest scire prima tenerimae pastoralis sollicitudinis plena monita Sanctissimi Summi Pontificis GREGORII XVI litteris recenter ad omnes Catholicae Ecclesiae Episcopos missis inserta,—qvarum tenor est sequens:

Sanctissimi Domini Nostri GREGORII Divina Providentia PAPAE XVI Epistola Encyclica ad omnes Patriarchas, Primate, Archiepiscopos, et Episcopos Romae MDCCCXXXII. Ex Typographia Reverenda Camerae Apostolicae.

### GREGORIUS PAPA XVI

Venerabiles Fratres

*Salutem, et Apostolicam Benedictionem.*

Mirari vos arbitramur, quod ab imposta Nostrae humilitati Ecclesiae universae procura-  
tione nondum Litteras ad vos dederimus, prout et consuetudo vel a primis temporibus in-  
vecta, et benevolentia in vos Nostra postulasset. Erat id quidem Nobis maxime in votis,  
ut dilataremus illico super vos cor Nostrum, atque in communicatione spiritus ea vos ad-  
loqueremur voce, qua confirmare Fratres in persona Beati Petri jussi fuimus (1). Verum  
probe nostis, quanam malorum aerumnarumque procella primis Pontificatus Nostris mo-  
mentis in eam subito altitudinem maris acti fuerimus, in qua, nisi dextera Dei fecisset vir-  
tutem, ex tetrica impiorum conspiratione Nos congemissetis demersos. Refugit animus  
tristissima tot discriminum recensione susceptum inde moerorem refricare; Patrique potius  
omnis consolationis benedicimus, qui, disjectis perduellibus, praesenti Nos eripuit periculo,  
atque, turbulentissima sedata tempestate, dedit a metu respirare. Proposuimus illico vo-  
biscum communicare consilia ad sanandas contritiones Israel; sed ingens curarum moles,  
quibus in concilianda publici ordinis restitutione obruti fuimus, moram tunc Nostrae huic  
objicit voluntati.

Nova interim accessit causa silentii ob factiosorum insolentiam, qui signa perduellio-  
nis iterum attollere conati sunt. Nos quidem tantam hominum pervicaciam, quorum effre-  
natus furor impunitate diurna, impensa que Nostrae benignitatis indulgentia non deli-  
niri, sed ali potius conspiciebatur, debuimus tandem, ingenti licet cum moerore, ex col-  
lata Nobis divinitus auctoritate, virga compescere (2); ex quo, prout jam probe conjicere  
potestis, operosior in dies instantia nostra quotidiana facta est.

Ast cum, quod ipsum iisdem ex causis distuleramus, jam possessionem Pontificatus in  
Lateranensi Basilica ex more institutoque majorum adiverimus, omni demum abjecta cun-  
ctatione, ad vos properamus, Venerabiles Fratres, testemque Nostrae erga vos voluntatis  
epistolam damus laetissimo hoc die, quo de Virginis Sanctissimae in Coelum Assumptae  
triumpho sollemnia festa peragimus, ut quam Patronam ac Sospitam inter maximas quas-  
que calamitates perseenisimus, Ipsa et scribentibus ad vos Nobis adstet propitia, mentem-  
que Nostram coelesti afflatu suo in ea inducat consilia, quae Christiano Gregi futura sint  
quam maxime salutaria.

Moerentes quidem, animoque tristitia confecto venimus ad vos, quos pro vestro in  
Religionem studio, ex tanta, in qua ipsa versatur, temporum acerbitate maxime anxiis  
novimus. Vere enim dixerimus, horam nunc esse potestatis tenebrarum ad cribrandos, si-  
cuit triticum, filios electionis (3). Vere luxit, et defluxit terra... infecta ab habitato-  
ribus suis, quia transgressi sunt leges, mutaverunt jus, dissipaverunt foedus semi-  
ternum (4).

(1) *Luc. 22. 32.* (2) *1. Corinth. 4. 21.*

(3) *Luc. 22. 53.* (4) *Isaiæ 24. 5.*

Loquimur, Venerabiles Fratres, quae vestris ipsi oculis conspicitis, quae communibus idcirco lacrymis ingemiscimus. Alacris exultat improbitas, scientia impudens, dissoluta licentia. Despicitur sanctitas sanctorum, et quae magnam vim, magnamque necessitatem possidet, divini cultus majestas ab hominibus nequam improbat, polluitur, habetur ludibrio. Sana hinc pervertitur doctrina, erroresque omnis generis disseminantur audacter. Non leges sanctorum, non jura, non instituta, non sanctiores quaelibet disciplinae tutae sunt ab audacia loquentium iniqua. Vexatur acerrime Romana haec Nostra Beatissimi Petri Sedes, in qua posuit Christus Ecclesiae firmamentum; et vincula unitatis in dies magis labefactantur, abrumpuntur. Divina Ecclesiae auctoritas oppugnatur, ipsiusque juribus convulsis, substernitur ipsa terrenis rationibus, ac per summam injuriam odio populorum subjicitur, in turpem redacta servitutem. Debita Episcopis obedientia infringitur, eorumque jura conculcantur. Personant horrendum in modum Academiae ac Gymnasia novis opinionum monstris, quibus non occulite amplius et cuniculis petitur Catholica Fides, sed horrificum ac nefarium ei bellum aperte jam et propalam infertur. Institutis enim exemploque Praeceptorum, corruptis adolescentium animis, ingens Religionis clades, morumque perversitas teterrima percrebuit. Hinc porro freno Religionis sanctissimae projecto, per quam unam Regna consistunt, dominatusque vis ac robur firmatur, conspicimus ordinis publici exitium, labem principatus, omnisque legitimae potestatis conversionem invalescere. Quae quidem tanta calamitatum congeries ex illarum in primis conspiratione Societatum est repetenda, in quas quidquid in haeresibus, et in sceleratissimis quibusque sectis sacrilegum, flagitium, ac blasphemum est, quasi in sentinam quamdam, cum omnium sordium concretione confluxit.

Haec, Venerabiles Fratres, et alia complura, et fortassis etiam graviora, quae in praesens percensere longum esset, ac vos probe nostis, in dolore esse Nos jubent, acerbo saepe ac diurno, quos in Cathedra Principis Apostolorum constitutos zelus universae Domus Dei comedat prae caeteris, opus est. Verum cum eo Nos loci positos esse agnoscamus, quo deplorare dumtaxat innumera haec mala non sufficiat, nisi et ea convellere pro viribus connitamus; ad opem fidei vestrae confugimus, vestramque pro Catholici Gregis salute sollicitudinem advocamus, Venerabiles Fratres, quorum spectata virtus ac religio et singularis prudentia et sedula adsiduitas animos Nobis addit, atque in tanta rerum asperitate afflictos consolatione sustentat perjuncta. Nostrarum quippe est partium, vocem tollere, omniaque conari, ne aper de silva demoliat vineam, neve lupi mactent gregem; Nostrum est, oves in ea dumtaxat pabula compellere, quae salutaria iisdem sint, nec vel tenui suspicione perniciosa. Absit, Charissimi, absit, ut, quando tanta premant mala, tanta impendeant discrimina, suo desint muneri pastores, et perculti metu dimittant oves, vel, abjecta cura gregis, otio torpeant ac desidia. Agamus idcirco in unitate spiritus communem Nostram, seu verius Dei causam, et contra communes hostes pro totius populi salute una omnium sit vigilantia, una contentio.

Id porro apprime praestabitis, si, quod vestri munieris ratio postulat, attendatis vobis, et doctrinae, illud assidue revolentes animo, universalem Ecclesiam quacunque novitate pulsari (1), atque ex S. Agathonis Pontificis monitu (2) nihil de iis, quae sunt regulariter definita, minui debere, nihil mutari, nihil adjici, sed ea et verbis, et sensibus illibata esse custodienda. Immota inde consistet firmitas unitatis, quae hac B. Petri Cathedra suo veluti fundamento continetur, ut unde in Ecclesiis omnes venerandae communionis jura diminant, ibi universis et murus sit, et securitas, et portus expers fluctuum, et bonorum thesaurus innumerabilium (3). Ad eorum itaque retundendam audaciam, qui vel jura Sanctae hujus Sedis infringere conantur, vel dirimere Ecclesiarum cum ipsis conjunctionem, qua una eadem nituntur et vigent, maximum fidei in eam ac venerationis sincerae studium inculcate, inclamantes cum S. Cypriano (4), falso confidere se esse in Ecclesia, qui Cathedram Petri deserat, super quam fundata est Ecclesia.

In hoc ideo elaborandum vobis est, adsidueque vigilandum, ut fidei depositum custodiatur in tanta hominum impiorum conspiratione, quam ad illud diripiendum perdendumque factam lamentamur. Meminerint omnes, judicium de sana doctrina, qua populi imbuendi sunt, atque Ecclesiae universae regimen et administrationem penes Romanum Pontificem esse, cui plena pascendi, regendi, et gubernandi universalem Ecclesiam potestas a Christo Domino tradita fuit, uti Patres Florentini Concilii diserte declararunt (5). Est autem singulorum Episcoporum Cathedrae Petri fidelissime adhaerere, depositum sancte religioseque custodire, et pascere, qui in eis est, gregem Dei. Presbyteri vero subjecti sint, oportet, Espicopis, quos uti animae parentes suscipiendos ab ipsis esse, monet Hieronymus (6): nec unquam obliviscantur, se vetustis etiam canonibus

(1) S. Celest. PP. 21. ad Episc. Galliar. (2) S. Agatho PP. Ep. ad Imp. apud Labb.

Tom. 11. pag. 235. Ed. Mansi. (3) S. Innocent. PP. Ep. 11. apud. Coustat.

(4) S. Cypr. de unitate Eccles. (5) Conc. Flôr. Sess. 25. in definit. apud. Labb. Tom. 18 col. 528. edit. Venet. (6) S. Hieron. Ep. 2. ad Nepot. u. 1. 24.

vetari, quidpiam in suscepto ministerio agere, ac docendi et concionandi munus sibi sumere *sine sententia Episcopi, cuius fidei populus est creditus, et a quo pro animabus ratio exigetur* (1). Certum denique firmumque sit, eos omnes, qui adversus praestitutum hunc ordinem aliquid moliantur, statum Ecclesiae, quantum in ipsis est, perturbare.

Nefas porro esset, atque ab eo venerationis studio prorsus alienum, qua Ecclesiae leges sunt excipiendae, sancitam ab ipsa disciplinam, qua et sacrorum procuratio, et morum norma, et jurium Ecclesiae, Ministrorumque ejus ratio continetur, vesana opinandi libidine improbari, vel ut certis juris naturae principiis infestam notari, vel mancam dici atque imperfectam, civilique auctoritati subjectam.

Cum autem, ut Tridentinorum Patrum verbis utamur, constet, Ecclesiam eruditam fuisse a Christo JESU, ejusque Apostolis, atque a Spiritu Sancto illi omnem veritatem in dies suggeste edoceri (2), absurdum plane est, ac maxime in eam injuriosum, restorationem ac regenerationem quamdam obtrudi, quasi necessaria, ut ejus incolumitati et incremento consulatur, perinde ac si censerit ipsa possit vel defectui, vel obscuracioni, vel aliis hujuscemodi incommodis obnoxia; quo quidem molimine eo spectant novatores, ut recentis humanae institutionis jaciantur fundamenta, illudque ipsum eveniat, quod detectatur Cyprianus, ut, quae divina res est, *humana fiat Ecclesia* (3). Perpendant vero, qui consilia id genus machinantur, uni Romano Pontifici ex S. Leonis testimonio *Canonum dispensationem esse creditam*, ipsiusque dumtaxat esse, non vero privati hominis, de paternarum regulis sanctionum quidpiam decernere, atque ita, quemadmodum scribit S. Gelasius (4), *decreta Canonum librare, decessorumque praecepta metiri, ut quae necessitas temporum restaurandis Ecclesiis relaxanda depositit, adhibita consideratione diligenti, temperentur.*

Hic autem vestram volumus excitatam pro Religione constantiam adversus foedissimum in Clericalem coelibatum conjurationem, quam nostis effervescent in dies latius, contentibus cum perditissimis nostri aevi philosophis nonnullis etiam ex ipso ecclesiastico ordine, qui personae obliti, munerisque sui, ac blanditiis abrepti voluptatum, eo licentiae prouperunt, ut publicas etiam atque iteratas aliquibus in locis ausi sint adhibere Principibus postulationes ad disciplinam illam sanctissimam perfringendam. Sed piget de turpissimis hisce conatibus longo vos sermone distinere, vestraeque potius religioni fidentes committimus, ut legem maximi momenti, in quam lascivientium tela undique sunt intenta, sartam tectam custodiri, vindicari, defendi, ex sacrorum canonum praescripto, omni ope contendatis.

Honorabile deinde Christianorum connubium, quod *Sacramentum magnum* nuncupavit Paulus in *Christo et Ecclesia* (5), communes nostras curas efflagitat, ne quid adversus ipsius sanctitatem, ac de indissolibili ejusdem vinculo minus recte sentiatur, vel tentetur induci. Impense id jam commendarat suis ad vos litteris felicis recordationis Praedecessor Noster Pius VIII; adhuc tamen infesta eidem molimina succrescunt. Docendi itaque sunt sedulo Populi, matrimonium semel rite initum dirimi amplius non posse, ne quisque connubio Deum indidisse purpetuam vitae societatem, nodumque necessitudinis, qui exsolvi, nisi morte, non possit. Memores, sacris illud rebus adnumerari, et Ecclesiae proinde subjici, praestitutas de ipso ejusdem Ecclesiae leges habeant ob oculos, iisque pareant sancte, accurateque, ex quarum exequutione omnino pendet ejusdem connubii vis, robur, ac justa consociatio. Caveant, ne quod sacrorum canonum placitis, Conciliorumque decretis officiat, ulla ratione admittant, probe gnari, exitus infelices illa habita esse conjugia, quae vel adversus Ecclesiae disciplinam, vel non propitiato prius Deo, vel solo aestu libidinis jungantur, quin de sacramento, ac de mysteriis, quae illo significantur, ulla teneat sponsos cogitatio.

Alteram nunc persecutum causam malorum uberrimam, quibus afflictare in praesens comploramus Ecclesiam, *indifferentium* scilicet, seu pravam illam opinionem, quae improborum fraude ex omni parte percrebuit, qualibet fidei professione aeterham posse animae salutem comparari, si mores ad recti honestique normam exigantur. At facili sane negotio in re perspicua, planeque evidenti, errorem exitiosissimum a populis vestrae curae concreditis propelletis. Admonente enim Apostolo, (6) *unum esse Deum, unam fidem, unum baptisma*, extimescant, qui e religione qualibet patere ad portum beatitudinis aditum communiscuntur, reputentque animo ex ipsius Servatoris testimonio, *esse se contra Christum, quia cum Christo non sunt* (7), seque infeliciter dispergere, quia cum ipso non colligunt, ideoque *absque dubio aeternum esse perituros, nisi teneant Catholicam*

1 \*

(1) *Ex Can. Ap. 38. apud. Labb. tom. 1. pag. 38. Edit. Mansi.*

(2) *Conc. Trid. Sess. 13. dec. de Eucharist. in proem.*

(3) *S. Cypr. Ep. 52. Edit. Baluz.* (4) *S. Gelasius PP. in Ep. ad Episcop. Lucaniae.*

(5) *Ad Hebr. 13. 4.* (6) *Ad Ephes. 4. 5.* (7) *Luc. 11. 23.*

*fidem, eamque integrum, inviolatamque servaverint.* (1) Hieronymum audiant, qui, cum in tres partes schismate scissa esset Ecclesia, narrat, se tenacem propositi, quando aliquis rapere ipsum ad se nitebatur, constanter clamitasse: *Si quis Cathedrae Petri jungitur, meus est* (2). Falso autem sibi quis blandiretur, quod et ipse in aqua sit regeneratus. Opportune enim responderet Augustinus (3): *Ipsam formam habet etiam sarmen- tum, quod praecisum est de vite: sed quid illi prodest forma, si non vivit de radice?*

Atque ex hoc putidissimo *indifferentismi* fonte absurdia illa fluit ac erronea sententia, seu potius deliramentum, asserendam esse ac vindicandam cuilibet *libertatem conscientiae*. Cui quidem pestilentissimo errori viam sternit plena illa, atque immoderata libertas opinionum, quae in sacrae, et civilis rei labem late grassatur, dictitantibus per summam impudentiam nonnullis. aliquid ex ea commodi in Religionem promanare. At *quae pejor mors animae, quam libertas erroris?* inquiēbat Augustinus (4) Freno quippe omni adempto, quo homines contineantur in semitis veritatis, proruente jam in *praeceps* ipsorum natura ad malum inclinata, vere apertum dicimus *puteum abyssi* (5), e quo vedit Joannes ascendere fumum, quo obscuratus est sol, locutis ex eo prodeuntibus in vastitatem terrae. Inde enim animorum immutations, inde adolescentium in deteriora corruptio, inde in populo sacrorum, rerumque, ac legum sanctissimarum contemptus, inde uno verbo pestis rei publicae p̄e qualibet capitalior, cum experientia teste vel a prima antiquitate notum sit, civitates, quae opibus, imperio, gloria floruer, hoc uno malo concidisse, libertate immoderata opinionum, licentia concionum, rerum novandarum cupiditate.

Huc spectat deterrima illa, ac numquam satis exsecranda et detestabilis libertas artis librariae ad scripta quaelibet edenda in vulgus, quam tanto convicio audent nonnulli efflagitare ac promovere. Perhorrescimus, Venerabiles Fratres, intuentes, quibus monstris doctrinarum, seu potius quibus errorum portentis obruamur, quae longe ac late ubique disseminantur ingenti librorum multitudine, libellisque, et scriptis mole quidem exiguis, malitia tamen permagnis, e quibus maledictionem egressam illacrymamur super faciem terrae. Sunt tamen, proh dolor! qui eo impudentiae abripiantur, ut asserant pugnaciter, hanc errorum colluviem inde prorumpentem satis cumulate compensari ex libro aliquo, qui in hac tanta pravitatum tempestate ad Religionem ac veritatem propugnandam edatur. Nefas profecto est, omnique jure improbatum, patrari data opera malum certum ac maius, quia spes sit, inde boni aliquid habitum iri. Numquid venena libere spargi, ac publice vendi, comportarique, imo et obbibi debere sanus quis dixerit, quod remedii quidpiam habeatur, quo qui utuntur, eripi eos ex interitu identidem contingat?

Verum longe alia fuit Ecclesiae disciplina in exscindenda malorum librorum peste vel ab Apostolorum aetate, quos legimus grandem librorum vim publice combussisse (6). Satis sit leges in Concilio Lateranensi V. in eam rem datas perlegere, et Constitutionem, quae deinceps a Leone X. fel. rec. Praedecessore Nostro fuit edita, ne *id quod ad fidei augmentum, ac bonarum artium propagationem salubriter est inventum, in contrarium convertatur, ac Christi fidelium saluti detrimentum pariat* (7) Id quidem et Tridentinis Patribus maxima curae fuit, qui remedium tanto huic malo adhibuere, edito saluberrimo decreto de Indice librorum, quibus impura doctrina contineretur, confiando. (8) *Pugnandum est acriter*, inquit Clemens XIII. fel. rec. Praedecessor Noster in suis de noxiis librorum proscriptione encyclicis litteris (9), *pugnandum est acriter, quantum res ipsa efflagitat, et pro viribus tot librorum mortifera exterminanda pernicias: nunquam enim materia subtrahet erroris, nisi pravitatis facinorosa elementa in flamnis combusta depereant.* Ex hac itaque constanti omnium aetatum solitudine, qua semper Sancta Apostolica Sedes suspectos et noxios libros damnare, et de hominum manibus extorquere enisa est, patet luculentissime, quantopere falsa, temeraria, eidemque Apostolicae Sedi injuriosa, et secunda malorum in Christiano Populo ingentium sit illorum doctrina, qui nedum censuram librorum veluti gravem nimis, et onerosam rejiciunt, sed eo etiam improbitatis progrediuntur, ut eam praedicent a recti juris principiis abhorrere, jusque illius decernendae habendaeque audeant Ecclesiae denegare.

Cum autem circumlati in vulgus scriptis doctrinas quasdam promulgari acceperimus, quibus debita erga Principes fides atque submissio labefactatur, facesque perduel-

(1) *Symbol. S. Athanas.*

(2) *S. Hier. Ep. 58.*

(3) *S. Aug. In Psal. contra part. Donat.*

(4) *S. Aug. Ep. 166.*

(5) *Apocalyps. 9. 3.*

(6) *Act. Apost. 19.*

(7) *Act. Conc. Lateran. V. sess. 10. ubi refertur Const. Leonis X. Legenda est anterior Constitutio Alexandri VI. Inter multiplices, in qua multa ad rem.*

(8) *Conc. Trid. Sess. 18. et 25.* (9) *Lit. Clem. XIII. Christianæ 25. Nov. 1766.*

lionis ubique incenduntur: cavendum maxime erit, ne populi inde decepti a recti semita abducantur. Animadverant omnes, non esse, juxta Apostoli monitum, potestatem nisi a Deo: quae autem sunt, a Deo ordinata sunt. Itaque qui resistit potestati, Dei ordinationi resistit, et qui resistunt, ipsi sibi damnationem acquirunt (1). Quocirca et divina et humana jura in eos clamant, qui turpissimis perduellionis seditionumque machinationibus a fide in Principes desciscere, ipsosque ab imperio deturbare connituntur.

Atque hac plane ex causa, ne tanta se turpitudine foedarent veteres Christiani, soeuentibus licet persecutionibus, optime tamen eos de Imperatoribus, ac de Imperii incolumente meritos fuisse constat, idque nedium fide in iis, quae sibi mandabantur Religioni non contraria, accurate prompteque perficiendis, sed et constantia, et effuso etiam in praeliis sanguine luculentissime comprobasse. *Milites Christiani*, ait S. Augustinus (2), *servierunt Imperatori infideli; ubi veniebatur ad causam Christi, non agnoscebant, nisi illum, qui in coelis erat. Distinguebant Dominum aeternum a Domino temporali, et tamen subditi erant propter Dominum aeternum etiam Domino temporali*. Haec quidem sibi ob oculos proposuerat Mauritius Martyr invictus, Legionis Thebanae Primicerius, quando, uti S. Eucherius refert, haec respondit Imperatori (3): *Milites sumus, Imperator, tui, sed tamen servi, quod libere confitemur, Dei . . . Et nunc non nos haec ultima vitae necessitas in rebellionem coagit: tenemus ecce arma, et non resistimus, quia mori, quam occidere satius volumus*. Quae quidem veterum Christianorum in Principes fides eo etiam illustrior effulget, si perpendatur cum Tertulliano (4), tunc temporis Christianis non diffuisse vim numerorum, et copiarum, si hostes exertos agere voluissent. *Esterne sumus, inquit ipse, et vestra omnia implevimus, Urbes, Insulas, Castella, Municipia, Conciliabula, Castra ipsa, Tribus, Decurias, Palatium, Senatum, Forum . . . Cui bello non idonei, non prompti fuisset, etiam impares copiis, qui tam libenter trucidamur, si non apud istam disciplinam magis occidi liceret, quam occidere? . . . Si tanta vis hominum in aliquem Orbis remoti sinum abrupisset, suffudisset utique pudore Dominationem vestram tot qualiumcumque amissio civium, imo et ipsa destitutio punisset. Procul dubio expavissetis ad solitudinem vestram . . . quaesissetis, quibus imperaretis: plures hostes, quam cives vobis remansissent: nunc autem pauciores hostes habetis praे multitudine Christianorum.*

Praeclara haec immobilis subjectionis in Principes exempla, quae ex sanctissimis Christianae Religionis praeceptis necessario proficiscebantur, detestandam illorum insolentiam, et improbitatem condemnant, qui projecta, effrenataque procacis libertatis cupiditate aestuentes, toti in eo sunt, ut jura quaeque Principatum labefactent, atque convellant, servitutem sub libertatis specie populis illaturi. Huc sane scelestissima deliramenta, consiliaque conspirarunt Waldensium, Beguardorum, Wiclefistarum, aliorumque hujusmodi Filiorum Belial, qui humani generis sordes, ac dedecora fuere, merito idcirco ab Apostolica hac Sede toties anathemate confixi. Nec alia profecto ex causa omnes vires intendunt veteratores isti, nisi ut cum Luthero ovantes gratulari sibi possint, *liberos se esse ab omnibus*: quod ut facilius celeriusque assequantur, flagitosiora quaelibet audacissime aggrediuntur.

Neque laetiora et Religioni, et Principatu ominari possemus ex eorum votis, qui Ecclesiam a Regno separari, mutuamque Imperii cum Sacerdotio concordiam abrumpti discipiunt. Constat quippe, pertimesci ab impudentissimae libertatis amatoribus concordiam illam, quae semper rei et sacrae et civili fausta extitit ac salutaris.

At ad ceteras acerbissimas causas, quibus solicii sumus, et in communi discrimine dolore quodam angimur praecipuo, accessere consociationes quaedam, statique coetus, quibus, quasi agmine facto cum cuiuscunque etiam falsae religionis ac cultus sectatoribus, simulata quidem in religionem pietate, vere tamen novitatis, seditionumque ubique promoverandarum cupidine, libertas omnis generis praedicatur, perturbationes in sacram et civilem rem excitantur, sanctior quaelibet auctoritas discepitur.

Haec perdonenti sane animo, fidentes tamen in Eo, qui imperat ventis et facit tranquillitatem, scribimus ad vos, Venerabiles Fratres, ut induit scutum fidei contendatis praeliari strenue praelia Domini. Ad vos potissimum pertinet stare pro muro contra omnem altitudinem extollentem se adversus scientiam Dei. Exerite gladium spiritus, quod est verbum Dei, habeantque a vobis panem, qui esuriunt justitiam. Adsciti, ut sitis cultores na vi in vinea Domini, id unum agite, in hoc simul labore, ut radix quaelibet amaritudi-

(1) *Ad Rom. 13. 2.*

(2) *S. Aug. in Psalm. 124. n. 7.*

(3) *S. Eucher. apud Ruinart. Act. SS. MM. de SS. Maurit. et Soc. n. 4.*

(4) *Tertul. in Apologet. Cap. 37.*

nis ex agro vobis commisso evellatur, omniq[ue] enecato semine vitiorum convalescat ibi seges laeta virtutum. Eos in primis affectu paterno complexi, qui ad sacras praesertim disciplinas, et ad philosophicas quaestiones animum appulere, hortatores, auctoresque iisdem sitis, ne solius ingenii sui viribus freti imprudenter a veritatis semita in viam abeant impiorum. Meminerint Deum esse sapientiae ducem, emendatoremque sapientium, (1) ac fieri non posse, ut sine Deo Deum discamus, qui per verbum docet homines scire Deum (2). Superbi, seu potius insipientis hominis est, fidei mysteria, quae exsuperant omnem sensum, humanis examinare ponderibus, nostraequae mentis rationi confidere, quae naturae humanae conditione debilis est, et infirma.

Ceterum communibus hisce votis pro rei et sacrae, et publicae incolumitate Carissimi in Christo Filii Nostri Viri Principes sua faveant ope, et auctoritate, quam sibi collatam considerent non solum ad mundi regimen, sed maxime ad Ecclesiae praesidium. Animadvertant sedulo pro illorum imperio et quiete geri, quidquid pro Ecclesiae salute laboratur; imo pluris sibi suadeant fidei causam esse deberet, quam Regni, magnumque sibi esse perpendant, dicimus cum S. Leone Pontifice, *si ipsorum diademi de manu Domini etiam fidei addatur corona*. Positi quasi parentes, et tutores populorum, veram, constantem, opulentam iis quietem parient, et tranquillitatem, si in eam potissimum curam incumbant, ut incolumis sit Religio et pietas in Deum, qui habet scriptum in fama: *Rex Regum, et Dominus dominantium*.

Sed ut omnia haec prospere ac feliciter eveniant, levemus oculos manusque ad Sanctissimam Virginem MARIAM, quae sola universas haereses interemit, Nostraque maxima fiducia, imo tota ratio est spei Nostrae (3). Suo ipsa patrocinio in tanta Dominicis gregis necessitate studiis, consiliis, actionibusque Nostris exitus secundissimos imploret. Id et ab Apostolorum Principe PETRO, et ab ejus Coapostolo PAULO humili prece effagitemus, ut stetis omnes pro muro, ne fundamentum aliud ponatur praeter id, puod positum est. Hac jucunda spe freti confidimus, Auctorem consummatoremque fidei JESUM CHRISTUM consolatorum tandem esse Nos omnes in tribulationibus, quae invenerunt Nos nimis, coelestisque auxilii auspicem Apostolicam Benedictionem, vobis, Venerabiles Fratres, et ovibus vestrae curae traditis peramanter impertimur.

Datum Romae apud S. Mariam Majorem XVIII. Kalendas Septemb[ris], die sollemni Assumptionis ejusdem B. V. MARIAE Anno Dominitae Incarnationis MDCCCXXXII. Pontificatus Nostri Anno II.

Haec frequenter atque adtente legenda, saepe in memoriam revo  
canda, et adcurate observanda, me vero piis ad aram precibus commen-  
dans persevero. *Dicitur*

Quinque-Ecclesiis 10. Septemb. 1832.

*addictus.*  
*Ignatius Ignatius*

(1) *Sap. 7. 15.*

(2) *S. Ireneus Lib. 14. Cap. 10.*

(3) *Ex S. Bernardo Serm. de Nat. B. M. V. §. 7.*

721  
532

**A**trium, per quos Dioecesis Quinque - Ecclesiensis diffunditur, Inclytorum Comitatum Universitatibus quoad Matriculas patria lingua amodo scribendas interpellatus, sequentia singulis animarum Curatoribus pro exacta observantia praescribo:

1.) Si libri, quibus nati, mortui, aut copulati nunc inscribuntur, jamjam replendi aut plane pleni essent, pro futuris usibus novi hujusmodi libri bene ligati comparentur; — si autem priora Protocolla haud pridem inchoata pluribus adhuc annis usum praestare poterunt, his functiones inscribentur, ita tamen: ut conclusis cum fine praesentis anni Protocollis, folia quaedam vacua, ductu solum calami atramento tincti, ne quidpiam deesse censeatur, notata relinquantur, et post haec novae rubricae fiant; quae

2.) quales esse debeant, earum forma pro triplicibus Protocollis, una cum titulis columnarum praesentibus adnexa exhibit, quibus adamus sim observandis a Calendis Januarii 1835 singulae Baptismi, Sepulturae, et Copulationis, quae in Parochia eveniant, functiones diligenter, et nitide hungarica lingua inscribentur; ut autem omnes rubricae sufficiens spatium habeant, eaedem ad utramque libri aperti contiguam paginam distribuantur.

3.) E scriptis plurium annorum Matriculis prudente conjectura in quavis Parochia praevie jam colligi potest numerus, quem nati, mortui, aut copulati per unius anni decursum reddent; huic proinde numero respondens triplex, pro quavis nempe functione distinctus consuatur chartae fasciculus, zona ad formam Canonicae Visitationis Decretorum pendula reicta eo fine, ut haec cerae subponatur, dum a Magistratibus, qui causa instituendae collationis comparebunt, exempla memorata subscriptentur, atque sigillo munientur. His porro fasciculis, ne vitientur, aut maculentur, in seculo loco custoditis quaevis sacra functio, eodem, quo peragitur, et parochiali Protocollo inseritur, tempore, neque tardius, iisdem verbis illico inscribatur. Denique concluso anno Tabulario I. Comitatus secundum Art. 23. 1825. — 27. inferendi hi fasciculi Magistratibus tradantur. Ast

4.) Quod militares personas adtinet; harum causa peractae sacrae functiones in posterum quoque latina lingua postremis, huic fini peculiariter destinatis Protocollarum foliis inscribentur, columnarum titulis, prout in formula ab Excelso Consilio Lttli missa, et singulis Sacris Curiionibus abhinc communicata exhibentur, adcurate observatis.

5.)

*R. Joseph. Mik. Bar Gen. Dicne pcp:*

5.) Quia praemisso hoc modo per animarum Curatores rite observando communi SS. et OO. Regni desiderio lege expresso satisfiet, paria Matricularum, quae hucusque Benigno Excelsi Consilii Regii L. H. Intimato, et Mandato Consistoriali convenienter ad Officium Dioecesanum quotannis mittebantur, — ne superfluis occupationibus Sacerdotes molestentur, — in futurum horsum exhibenda non erunt.

Ceterum piae ad Aram memoriae commendatus persevero

Quinque-Ecclesiis 30-a Augusti 1832.

Az N. (Értényi) egygyházi anya-megyének N. (1833-dik) esztendőben iratott anya-kereszt-könyve.

Évi folyó- szám.	A' kereszte- lésnek ha- va, napja, ó- rája.	Melly hely- ségbenn szü- letett a' meg- kereszelte- tett?	A' meg ke- resztelte- tnek ne- ve.	A' meg kereszteltetettnek Attya's Annya, kereszt és vezeték nevök, val- ások, állapotjok.	A' kereszt Atyának, és kereszt- Anyának nevök, val- ások, állapotjok.	A' himlönök bél- oltását sürgötő nyomtatvány, és intés.	Eszrevételek.
1.	Pünkös'd hava' 10.-kén reggeli 8. ó- rákor.	N- nevü vá- rosbann, fa- lubann, Pusztán.	Nepomuki Janos.	Attya: Nevetlenfalvi Ne- mes Parlagi Jósef, lakik N. falubann, Helvetziai vallas- tételek követője, birtokos Ur. Annya: Nemes Boros An- na, Római katolika.	Gondos Péter hőmives mester; és ennek hitves- társa Jó Petro- nilla.	Nagy Pál me- gyés-pap.	A' kereszt Atyának adatott az é- rintett nyomat- vány kezébe, fog- lalatja, meg ma- gyaráztatvan, és annak telyesíté- se meghagyat- ván.
2.	Sz. Mihály' hava' 25.-kén délutánni 3 órakor.	Pusztafalú, fi-megyé- benn.	Anna.	Attya: Szijártó Mihály Pu- sztafalusi kováts mester katolikus. Annya: Agostai vallástételt követő Boldog Judith.	Kis Péter segéd- pap.	A' nyomatatvány a megkért, és be i- ratott kereszt A- tya's Anya képyi- selőinek N.N.adat- tott által, hogy a Szülék kezéhez szolgáltassák.	Veszedelmben fó- rogván ezen gyer- mek már előbb a Bá- bától megkeresztel- tetett, most pedig tsak feltételesen.
3.	Mind Szent hava' 10.-kén reggeli 10 ó- rákor.	István, - 16. esztendős.	N. N.	Attya: Lövstein Mojes Zsi- dó Boltos, lakik Abrány- bann. Annya: Kranz Rákel Zsidó.	N. N.	Már ki állotta a himlő oltást.	Ezen keresztsg ki- szolgáltatott a Fő Mélt. Helytartó Ta- mátsnak N. szám a- llatti engedelme mel- lett.

AZ N. egygyházi anya-megyének N. esztendőben iratott házassági anya-könyve.

Évi folyó- szám.	A házas- ság meg-ál- dásának helye, ha- va, napja, órája.	Az áldást ki-szolgál- tató pap- nak neve.	Az egész szer- tartáson jelen mények neve, lakása, val- lása, kora, állapotja.	Nem jelente- tett-e a házas- ságot ellenzé- kölcsön?	Nyeretett-e engedély?			
	N. Fi me- gyének egygyházá- bann Szent Iván hava- 18kán dél- előtti 10. órákor.	N. helybé- li negyés pap.	N. özvegy ember (kinek el- ső felesége született Megye- ri Borbára 1830-ban kis Asz- szony havának 4-kén N. fa- lubann meg-halt) lakik N. falubann, Ágostai vállasté- tel követője 40. esztendő, földmives, — házasságra lé- pett N. faluban lakó N. ha- jadon Római katolika 25. esztendős személyvel, kinek Attya N. Annya N.	N, és N.	Szent Iván havának 1. 8. és 15. napján.	Harmadik i- zen való atya- fiság jelente- tett.	A' megyés Püspöktől N. szám alatt a házasságra engedélem adatott.	Mivel a férfi külső örökö- botsátása kéretett, és N. hi- vatalos szám szerent meg- nyeretetett.

Az N. egygyázi anya-megyében N. esztendónak lefolyása alatt meghaltaknak anya/- könyvök.

Évi folyószám.	A' történt halálinak hava, napja, órája.	A' helynek neve.	A' meghaltnak neve, állapotja, vallása, kora, hagyott örökye, gyermekei.	A' Betegség neme.	Orvosolta-tott, és ki által?	Ki szolgáltattak-e a himultnak a végtagjainak a testtartására? Szentségek, mely nap, benn a halának bizonysos jelei?	A' temetés-szertartását végezte.	É s z r e v é t e l e k.
1.	Szent György havának 8-kán éjjeli két órakor.	Csillag Pusz-tán.	Nemes N. birtokos Ur, 40-ik esztendjeiben, Római katolikus, hagy örövegyet született Kegyes Katalint, — Józef és János fiú, és Mária Ilyánya gyermekekkel.	Tüdő-gyűladás.	N. Kül-Orvos által.	Sz. György havának 6-kán N. segéd-pap által.	Ugyan azon kül-Orvos, vagy Sz. György havá 11-ken reggeli 10. órakor.	Mivel epemirigybenn halt meg, haladék nélkül történt eltemetése. Lévénn a temetőben koporsó bolt, oda még 48. óra előtt ki-vitett.

Született Szabó Apollón, Római katolika 30 esztendős — életben maradó N. Földművesnek felesége Károly fi at hagyván.

950  
1833

# IGNATIUS

LIBER BARO SZEPESY DE NÉGYES

Miseratione Divina et Apostolicae Sedis Gratia

## EPISCOPUS QUINQUE-ECCLESIARUM

Venerabili Clero Almae Dioecesis Quinque-Ecclesiensis Salutem, et  
largam a DEO Benedictionem!

Siquando nunc certe omnia adjuncta postulant: ut Catholicae Religionis Sacerdotes sint sal-  
terrae, sint lux mundi; qui sapientiae sale mentes aliorum imbuere, et morum sanctita-  
tis fulgore omnium corda ad sui imitationem, rapere satagant.

Hodie — jam neque vulgus solis sacris functionibus per Sacerdotem peractis con-  
tentum est, — illiterati quoque plus atque olim sapiunt, — semidoctorum autem infini-  
tus est numerus.

Nunc equidem frequentissime, fere toties, quoties plures conveniunt, quaestiones  
illae agitantur: Cui bono tantus numerus Sacerdotum? Quare tanti redditus iisdem addi-  
cti? Suntne Sacerdotes laicis seu doctiores seu probiores? Numquid non pertinet ad par-  
tes civilis potestatis hic mutationem e publica re futuram quo ociosus suspicere? Hujusmo-  
di autem sermones haud vanos neque contemnendos esse, — imo neque seu legibus e co-  
dice utriusque juris citatis, seu diuturno plurium saeculorum pacifico usu, seu anathe-  
matibus refutari ac enervari posse cum antiquioris tum recentioris aetatis fide digna Hi-  
storia sat superque docet: ut adeo quisquis Sacerdotum nondum obcalluit, instans pericu-  
lum non cernere non possit.

Ast; si memorata nihil suffragantur, neque novandi pruritui mederi valent, quid  
amabo (exclamabit fors quispiam haec legendo) quid quaeso atram adpropingvantem tem-  
pestatem a capitibus Cleri amolietur? — — Profecto nihil aliud quam eminens Scientia  
et conspicua Virtus: quas mentis compos quilibet veneratur, — quibus ornatos viros Rei-  
publicae semper non tantum utiles sed et necessarios esse nemo prudens addubitat po-  
test. Quod si singuli sacerdotes: — in primis literis vacarent, — in sacris non minus quam  
profanis disciplinis constanter progredi contendent, — praecipuo suo Doctoris scilicet  
munere, verbo et scripto, praemissa debita praeparatione monendo exhortando erudiendo  
sedulo fungerentur, — vitata turba libenter domi sua morarentur, — quoties videntur,  
toties velut lucernae super candelabrum ardentes in omnes praesentes Christianae Per-  
fectionis radios spargerent, — omnes reditus, quibus carere possunt, in augendum cultus  
divini decorum, in publica utilia instituta seu fundanda seu altius provehenda, in adjumen-  
tum veris pauperibus adferendum impenderent; — si domus sacerdotum totidem fo-  
rent scholae et specula sanctitatis; — quis hujusmodi virorum societati facultates, quibus  
gaudet, nisi demens invidere posset? quis horum spoliandorum desiderium manifestare  
non erubesceret? quis non in his columnis salutem reipublicae stare arbitraretur?

Verum: si jam alumni in Seminario laxiorem disciplinam et compendia studiorum  
impatienter urgeant; — si terminato studiorum curriculo solummodo pridie festorum sacros  
sermones complectens liber legatur: ut quidpiam media hora recitandum memoriae mandetur,  
aut in cathedra legendum describatur; — si praescripta Sacra ita perfuntorie absolvantur: ut  
citra offensionem spectari nequeant, — si quibuslibet occupationibus potius quam orando quo-  
tidie Breviario tempus suppetat; — si pastores et doctores saepe ideo praesertim congregentur:  
ut lusu pictorum foliorum, merendis, et poculis praetiosum tempus pessum dent, atque ad pios  
fines destinatos redditus abliguriant; — si sacer curio in templo solummodo togatus adpareat, ali-  
as vero abjecta talari ueste nihil aliud, quam mundi vanitatem spiret; — si Cooperatoribus nihil  
magis displiceat, quam monitum Parochi vagationem prohibentis, et Parochus adjutori suo  
familium praeferat, eidemve, quae obligatur, praestare ad taedium usque tergiversetur: —

si juniores sacerdotes, ut quo ocios parochiale beneficium consequantur, coram saecularibus et viris et mulieribus, quorum favore se yoti damnatum iri sperant, serpere, eos prensare, imo et promissis suffragationem aut consensum mercari non reformident; — si obtento beneficio omnis cura ad comparandam elegantem supellectilem, ad penum et cellam vinarium instruendam convertatur, librorum autem minima vel nulla ratio habeatur; — si ad naturam vivere haud volentes, ad luxum vero redditibus non sufficientibus, nullum licet securum fundum adsignare queant, attamen debita contrahant: quia ingrata consecratio excedent, aut de restitutione creditoribus facienda solliciti sint; — si ex adverso alii pecuniis tantummodo corradiendis studeant, et nec in tabulis ultimae voluntatis piorum institutorum mentionem faciant, sed frequenter oeconomia universalis haeres scribatur; — si haud pauci turpissimam lasciviae ac ebriositatis labem sublimi sacerdotis dignitati adspargere non horreant; — si haec et plura his similia de magna parte Sacerdotum verissime adfirmari experientia testetur; — quis miretur sacerdotes passim despiciuntur haberi, et consilia iisdem inimica jam palam enuntiari? ?

Qua celebritate Quinque - Ecclesiensis Diocesis immortalis memoriae Episcopo Georgio Klimo eandem gubernante floruerit? omnibus constat. Hanc recuperare immo ad majorem etiam eluctari honestissimum votum est; cujus auxiliante DEO compotes reddi possumus, dummodo velimus. Ut autem hanc optatissimam reformationem ad effectum adducere serio velimus; praesens Sacri Jubilaei Tempus occasionem suppeditat oportunitissimam, incitamentum addit validissimum.

Eapropter sacris canonibus convenienter in posterum adcuratissime observentur sequentia:

A) Praescripta talaris vestis sacrorum ministrium modestiae, quam semper prae se ferat oportet, absque modestia admonet; hujus tam domi quam foris constans usus habeatur: quin muliebri more corpori adstringatur, et sic ridicula reddatur.

B) Ultra horam Vespertinam octavam nemo domo absit, neque unquam in locis illis commoretur: ubi choreae vel spectacula instituuntur.

C) Quia nihil magis — sacerdotem ornat, sacris functionibus venerationem conciliat, mentem ad quasi utiles occupationes idoneam reddit: quam Castitas; omne studium, omnis vigilancia adhibeat: ut haec virtus integerrima custodiatur. Idcirco saecularium aedes, nisi officium vel charitas postulet, non frequententur; — si viri pro obsequiis in coquina conduci nequeant, coqua quadraginta annis major et bene morata mulier sit, quae cum ancillis idem cubile incolat, hasque vigili oculo observatura singulos excessus earum, causa Tempestive ferendas medelae sine mora Parocho referat; — Parochi vel Cooperatoris cubilia nec coqua nec ancillae ingrediantur, sed hic pueri, qui apti ubique reperi possunt, famulentur; — quaecunque cum mulieribus sermocinatio in coenaculo, nisi dignitas earum omni suspicione vacua exceptionem fieri juberet, absolvatur; — nullum tempus vigili otio lusibus, aut inani confabulatione conteratur, sed quodvis utili occupationi sacretur; — extra tempus prandii et coena nihil cibi aut potus praeter aquam summatur, neque alteri adponatur, ne ecclesiasticae aedes in gratuitas popinas degenerent; — cañctis crematis liquoribus procul relegatis vinum non nisi ad prandium et coenam bibatur modicum, quantum videlicet roborando stomacho necessarium quisque experitur; — nunquam spurcae voces ullae proferantur, quibus in suspicionem vocandae castitati ansa praebetur; — nulli libri legantur, in quibus obsceni amores ex professo describuntur: quum ceteroquin innumeri praestos sint, e quibus et scientias et cultissimum sermonem haurire licet, quin animi continuis impuris imaginibus depravandi periculum subire oporteat; — mulierum confessio nunquam in cubiculi sed in Sacristia aperta porta aut in templo per intercedentes confessionalis sedis crates audiatur; — somnus ante median noctem inchoandus ultra matutinam quintam horam non producatur; — alter alterum praemissa transgredientem illico moneat; ne sera medicina paretur, cum mala per longas invaluere moras.

D) Ast nemo castus esse potest: nisi saepissime divinum auxilium imploret. Hinc quotidie preces per Ecclesiam sacerdotibus praescriptae adtente, et devote recitentur. Sole inclinante Vesperae, completorium, item sequentis diei matutinum cum laudibus, — mane vero ante Missae Sacrificium horae absolvantur. Ubiunque cooperator adest, hic cum parocho alternando Breviarium oret: ut sic et oratio DEO gratior fiat, et alter alterius testis esse queat. Serviens familia quotidie mane et vesperi in coenaculo praeeunte parocho vel cooperatore precibus vacet; mane quidem Litaniae OO. Sanctorum cum versiculis

et orationibus, vesperi autem actus Fidei Spei Charitatis et Contritionis, quos Confirmationis Sacramentum suscepturi elicere solent, e noto precum libello orientur.

E) Quoties conscientia gravius peccatum perpetratum queritur, aut plures etiam leviores culpas admissas testatur; maxime salutaris Confessio non differatur. Praeterea singulis annis tres illi nefasti dies, qui pro dolor! etiam inter Christianos in hodiernum bachiheriarum nomine peculiariter insigniuntur, ac plurimis peccatis foedantur, piis exercitiis, meditationibus, ac precibus impendantur, et Sacrum Quadragesime tempus, ut quam utilissime transigi queat, contrito corde peragenda peccatorum exomologesi inchoetur.

F) Serviens familia quolibet quadrimestri semel sacra Confessione Conscientiam expiare non intermittat, et sub solemni Missae Sacrificio praesente populo Sanctissimo Epulo reficiatur. Porro eadem non modo diebus festis ante ac post meridiem, sed et profestis diebus Sacris interesse jubeatur.

G) Quaecunque de trivialibus Scholis et de celebrando divino cultu dimissis circularibus litteris statuta sunt ad amussim expleantur.

H) Ii, qui quinquagesimum annum nondum superarunt, singulos sacros sermones una cum catachesibus chartae mandabunt, atque haec scripta tam V. A. Diacono causa censurae rationum ad Parochiam venturo, quam visitanti Episcopo exhibebunt, quae semper signabuntur, ne alia vice iterum produci valeant.

I) Sacrae exhortationes quae in templo ad populum dicuntur, non legantur; verum e memoria promantur.

K) Quivis e Scientiis Theologicis Philosophicis aut Juridicis unam, — pariter vernacula linguis unam peculiariter excolendam sibi deligat; ad hunc finem singulis annis quospidam libros sibi comparet, atque catalogum emtorum librorum per V. A. Diaconum Episcopo praesentet.

L) Singulis annis mense Decembri Theologicae Facultatis Professores praeside Vicario et Causatum Auditore Generali tres questiones e Theologicis Scientiis proponent, quae mox universo diocesano Clero significabuntur. — Responsum singuli sacri Curiones usque mensem Julium elaborabunt, relictis marginibus nitide describent, et per V. A. Diaconum ad Calendas Augusti Episcopo mittent. Porro haec responsa in Consessibus per sinodales Examinatores celebrandis adtente legentur, et adprobatione digna mense Novembri exarandis circularibus litteris laudabuntur, ant, si typum meruerint, sumtu dioecesani fisci edentur; omnia vero ligabuntur, et in publica Bibliotheca ad perpetuam memoriam reponentur.

M) Qui amplioribus redditibus gaudent, etiam vita durante quidpiam utilibus publicis institutis donent; in tabulis autem ultimae voluntatis, quas integra valetudine fruentes concinnare non negligant, memoratorum institutorum, et praesertim Parochiae, cui prae fuerunt, non obliviscantur.

N) V. A. Diaconi, dum causa rationum Ecclesiae Parochias adibunt, semper etiam attamen sine strepitu investigabunt: num praemissa observata fuerint? et de competitis sinceram Relationem praestabunt.

O) Quicunque alterum accusare debuerit; semper una comissum delictum cum omnibus adjunctis describet, et testes nominabit secus non audiendus. Quoties accusatio gravius delictum adtinuerit, et fide dignis documentis fulta fuerit; insimulatus semper fiscalis actioni subjicietur, et sententia convocatis pluribus in Quinque-Ecclesiensi Urbe degentibus Sacerdotibus publicabitur. Flagitiis convictus ad nulla amplius ecclesiastica Beneficia commendabitur, nullam episcopalnis collationis Parochiam impetrabit, neque Parochis adjutor adjungetur, nisi a quopiam expetus fuerit; sed in aedibus deficientium delitescere cogetur.

Ut autem ad publicum testimonium Scientiae et Virtuti his clarorum virorum perhibendum singuli almae hujus Dioecesis Sacerdotes concurrere possint; quoties Stalum Canonici vacaverit.

1) Id circularibus litteris notum reddetur; quibus

2) Acceptis et lectis intra trimestre in singulis Districtibus omnium Parochiarum et Cooperatorum conventus celebrabitur; in quo collatis consiliis e gremio Distri-

ctus unus, quem scientia et Virtute ceteris praestare major pars praesentium censuerit, additis rationibus et meritis commendabitur, atque propositionem chartae mandandam mox omnes suffragantes suo nomine signabunt; ast etiam votum negantium nomina subjungentur.

3) Pari modo Episcopalis Lycei Ecclesiastici Professores cum Sacerdotibus ad Episcopalem Aulam, Chatedrale Templum, Seminarium Cleri junioris, et orphanorum Institutum pertinentibus simul consultabunt, et duos e corona hac commendabunt.

4) Terminato trimestri omnes litterae de hoc argomento missae in consessu Cathedralis Capituli perlegentur, atque e commendatis sex, quibus numero plures Canonici suffragati fuerint, intra mensem Episcopo laudabuntur. Ex his vero

5) Tres Sacratissimae Caesareae Regiae Apostolicae Majestati ad vacans Stalum, ceteri pro aliis Ecclesiasticis Honoribus vacaturis obtinendis proponentur.

Dum sic in commendatione pro conferendis Ecclesiasticis Dignitatibus solummodo inculpatorum morum, et praecellentium ingenii dotum, meritorum, conatus fuerit ratio habita, atque ii, qui omnium testimonio dignissimi, et maxime idonei censehantur, praemia receperint; Scientiae et Virtutis aestimatio in Alma hac Dioecesi notabile incrementum capere debet.

Attamen non cujuscunque demum praemii, sed ipsius Scientiae et Virtutis, — quae cultores suos etiam nullo alio accidente praemio abundantissime remunerantur, — gratia singuli Sacerdotes alter alterius doctrinam, pietatem, vitae integritatem, adsiduitatem aemulentur est necesse. Ideo enim apparuit Gratia DEI Salvatoris nostri omnibus hominibus: ut ea adjuvante erudit abnegantes impietatem et saecularia desideria sobrie, et juste, et pie vivamus in hoc saeculo exspectantes beatam spem et adventum gloriae Magni DEI et Salvatoris nostri Jesu Christi, in omnibus autem nos, — qui singulari DEI Clementia constituti sumus ministri Christi et dispensatores Mysteriorum DEI, — nosmetippos praebeamus exemplum bonorum operum, in doctrina, in integritate, in gravitate, in sermone sano et irreprehensibili; ut is, qui ex adverso est, vereatur, nihil habens malum dicere de nobis. Fiat! Posonii calendis Novembbris anno Christi 1833.

Andreas Melchior  
Hradetzky

Pavel Hryzko  
Praeclarus & amabilis Pro

# IGNATIUS

LIBER BARO SZEPESY DE NÉGYES

Miseratione Divina et Apostolicae Sedis Gratia

## E P I S C O P U S

Q U I N Q U E - E C C L E S I A R U M

Venerabili Clero Aliae Dioecesis Quinque-Ecclesiensis Salutem,  
et largam a DEO Benedictionem!

Multas easque gravissimas decem et octo saeculorum cursu subierat Catholica Ecclesia procellas; ast tempestas, quae nunc Ei minatur, prioribus omnibus perniciosior merito existimatur. Profecto, dum Christi Ecclesiam orientem quidem diutius, deinde adultam saepius hostes Ejusdem ferro et igne vastarunt; frequenter sangvis Martyrum erat semen Christianorum: quia equulei, forcipes, prunae, gladius, laqueus, crux, robus, et excogitataissima quaevis tormenta dilaniando corpori fidelium adhibita persvasionem de veritate Religionis, cui se addixerunt, animo Eorum inditam infirmare non poterant, — imo abominabilis in insontes crudelissime saeviens furor novum erat perseverandi incitamentum. Dum porro haeretici ac postremo increduli singula Catholicae Ecclesiae dogmata omni genere argutiarum oppugnabant: adhuc inquirendae veritatis studium ejusque inventae amplectendae ac profitendae propositum inimicis etiam Catholicae Religionis haud paucis non deerat; — alter alteri ad meditandum, legendum, discendum, scribendum calcar addebat; — doctissimis operibus editis adversariorum sophismata refutata, obscura enucleata, veritas Divinae Religionis in plena luce collocata sunt. Verum hodierni Catholicae Religionis inimici non amplius aperto marte decertare, sed astu et strategematis tantummodo intrautos decipere atque sic Catholicam Ecclesiam pedetentim membris suis spoliare constituerunt; et teste tristi experientia magnos jam hactenus progressus fecere. Etenim nihil hodie minus discitur vel noscitur quam Religio; passim auditur, et adoptatur periculosissimum principium illud: quisque credit, quod placet, — quilibet jure suo diligendae ac sequendae sibi maxime adridentis Religionis utatur; imo jam quatuor mensium cursu magna pars Patrum Patriae ad praesentia Regni Ungariae Comitia convocatorum, non cessat urgere: ut publica lege cuivis potestas tribuatur superato 18-vo aetatis anno, amplectendae, in qua conquiescit, Religionis, — seu quod idem, — omne inter veram et falsam Religionem discrimen sublatum palam enuntietur.

Certum quidem est Illum, qui omnem potestatem habet in coelo, et in terra, de Ecclesia sua per universum orbem terrarum propaganda adfirmasse: *Portae inferi non praevalebunt adversus Eam; et ecce Ego vobiscum sum omnibus diebus usque ad consummationem saeculi*, atque ideo fluctuat at nunquam mergitur ista ratis. Interim illud quoque negari nequit singulis e proeliis vehementer sauciam numerosis suorum desideratis evasisse Catholicam Ecclesiam, et semper multis millionibus Christianorum evenisse, quod Christus Pharisaeis praedixerat: *Auferetur a vobis Regnum Dei, et dabitur genti facienti fructus ejus*. Centeni millions hominum hodie aut Mohammedis deliriis delectantur, aut diversis Catholicae Ecclesiae dogmatibus negatis Eandem adsperrantur; quorum Majores Catholicam Ecclesiam savissimam Matrem suam venerabantur, Eiusve doctrinae toti adhaerebant. Hungaria Gens Sancti Stephani, ac aliorum Regum suorum audoribus Catholicam Religionem amplexa quingentis fere annis hanc solam profitebatur; hodie autem pro dolor! in Hungaria et Transsilvania facile tres millionis Lutheri Calvinique et Socini placita prosequuntur. Numquid tepor Catholicorum ubique se exserens Sacrorum Ministris justum timorem incutere non valet: ne pedetentim universus populus Catholicam Religionem deserat, et ad castra adamatae licentiae magis faventia commigret??

Misericors DEUS hoc malum omnium maximum quam longissime a Patria nostra avertat!! Verum nec Pastores et Doctores officio suo desint oportet. Sedulo populus et tempestive Juventus veritatem ac necessitatem, sublimia et salutaria dogmata, sanctissima pracepta Catholicae Religionis doceatur; — serventes praeprimis solenni divino cultui praestitutis diebus ad Deum preces fundantur; — devoto usu Poenitentiae Sacramenti emen-

dentur mores, et Catholicae Ecclesiae Pastores non minus, quam horum exemplo ducti ceteri fideles bonis operibus et Christianis Virtutibus emineant est necesse.

Haec Catholicae Ecclesiae ardentissima vota ut tanto certiore effectu donentur Sanctissimus Summus Pontifex Divini Soteris Nostri in terris Vicarius et vigilantissimus nunc Catholicae Ecclesiae Gubernator GREGORIUS Divina Providentia Papa XVI ad implorandum Divinum Auxilium Jubilaeum Universale promulgari benignissime jubet Apostolicis Litteris ad omnes Episcopos dimissis, quarum tenor est sequens:

GREGORIUS PP. XVI. Universis Christi Fidelibus Praesentes Litteras Inspecturis Salute in et Apostolicam Benedictionem. Plura post susceptam in Lateranensi Basilica solemnem Pontificatus possessionem scripsimus de afflictis Ecclesiae rebus ad Venerabiles Fratres Patriarchas, Archiepiscopos, Episcopos, fidem ipsorum, ac religionem obtestantes, ut facti muri pro Israel adversus molitiones, quas in eam conflari ingemiscimus, studia, vota, consiliaque omnia ad eas conterendas conferrent. Eum porro in finem ut oculos manus que ad Montem levarent, unde adventurum auxilium certo confidimus, eos monuimus, probe gnari, propitiato Eo, qui imperat ventis et mari, fieri tranquillitatem, ac divinam descendere miserationem, ubi humilis ad DEUM ascendat oratio.

Verum cum invalescente ubique improborum conjuratione ferreat adhuc procella, generales in Ecclesia universa precationes indicandas decrevimus, thesauros idcirco reserantes coelestium munerum, ut inde animis ad pietatem compositis, sancteque a peccatorum labore expiatis, fiant gratiore Deo, acceptioresque obsecrations ipsae, eaque ad Illum in odore suavitatis ferantur. Fuit id quidem ex prisco Romanae Ecclesiae instituto positum in more apud Praedecessores Nostros, nedum in summi Pontificatus primordiis, sed deinceps etiam si quando ostendisset Dominus Populo suo dura, communium orationum praesidium exquirere, cunctosque ad poenitentiam excitare, sacris indulgentiarum opibus prolatis, ut humili confessione exsecrantes iniquitates suas, adirent cum fiducia ad Thronum gratiae, ad Deum nimirum, qui multus est ad ignoscendum, nec continet in ira miserationes suas. Hoc et Nos consilio, quod intenta, multaque prece Patri misericordiarum commendamus, indulgentiam ad instar generalis Jubilaei universo Orbi Catholicō denuntiamus, jucunda spe freti, dies tribulationis ab Eo, qui Auctor est totius consolationis, breviatum iri, ut, cessante domum quassatione, pax Ecclesiae immota consistat, et publica ubique felicitas restituatur.

Quare de Omnipotentis Dei misericordia, ac Beatorum Petri et Pauli Apostolorum ejus auctoritate confisi, ex illa ligandi atque solvendi potestate, quam Nobis Dominus, licet indignis, contulit, universis et singulis utriusque sexus Christi Fidelibus in alma Urbe Nostra degentibus, vel ad eam advenientibus, qui Sancti Joannis de Laterano, Principis Apostolorum, et S. Mariae Majoris Basilicas, vel earum aliquam a quarta Dominica Adventus, nimirum a die vigesima tertia hujus mensis usque ad diem decimam tertiam sequentis Januarii inclusive, quae erit prima Dominica post Epiphaniam, et dies octava ejusdem Epiphaniae bis visitaverint intra tres illas hebdomadas, ibique per aliquod temporis spatium devote oraverint, ac quarta, et sexta feria, et sabbato unius ex dictis hebdomadibus jejunaverint, et intra easdem hebdomadas peccata sua confessi, Sanctissimum Eucharistiae Sacramentum reverenter sumpserint, et pauperibus aliquam eleemosynam, prout unicuique suggeret devotio, erogaverint; ceteris vero extra Urbem praedictam ubicunque degentibus, qui Ecclesias ab Ordinariis locorum, vel eorum Vicariis seu Officialibus, aut de eorum mandato, et ipsis deficientibus per eos, qui ibi curam animarum exercent, postquam ad eorum notitiam hae nostrae pervenerint, designandas, vel earum aliquam, spatio trium similiter hebdomadarum per eosdem una cum Ecclesiis stabiliendarum bis visitaverint, aliaque supra recensita opera devote peregerint: plenissimam omnium peccatorum surorum indulgentiam, sicut in anno Jubilaei visitantibus certas Ecclesias intra et extra Urben praedictam concedi consuevit, tenore praesentium concedimus et elargimur.

Navigantes vero, et iter agentes, ut cum primum ad sua sese domicilia receperint, operibus suprascriptis peractis, et bis visitata Ecclesia Cathedrali, vel majori, aut propria Parochiali loci eorum domicilii, eamdem indulgentiam consequi possint et valeant: Regularibus autem personis utriusque sexus etiam in Claustris perpetuo degentibus, necnon aliis quibuscumque tam Laicis quam Ecclesiasticis, Saecularibus, vel Regularibus in carcere, aut captivitate existentibus, vel aliqua corporis infirmitate, seu alio quocumque impedimento detentis, qui memorata opera vel eorum aliqua praestare nequierint, ut illa Confessarius ex actu adprobatis a locorum Ordinariis in alia pietatis opera commutare, vel in aliud proximum tempus prorogare possit, eaque injungere, quae ipsi Poenitentes

efficere poterunt, cum facultate etiam dispensandi super Communione cum pueris, qui nondum ad primam Communionem sunt admissi, pariter concedimus et indulgemus.

Insuper omnibus et singulis Christi fidelibus Saecularibus et Regularibus cujusvis Ordinis et Instituti etiam specialiter nominandi, licentiam concedimus et facultatem, ut sibi ad hunc effectum eligere possint quemcumque Praesbyterum Confessarium tam Saecularem quam regularem ex actu adprobatis a locorum Ordinariis (etiam pro Monialibus, quatenus poenitens Monialis professa vel novitia sit) qui eos ab excommunicationis, suspensionis, et aliis Ecclesiasticis sententiis et censuris a jure vel ab homine quavis causa latis seu inflictis praeter infraexceptas, nec non ab omnibus peccatis, excessibus, criminibus, et delictis quantumvis gravibus, et enormibus, etiam locorum Ordinariis, sive Nobis et Sedi Apostolicae, speciali licet forma, reservatis, et quorum absolutio alias in concessione quantumvis ampla non intelligeretur concessa, in foro conscientiae et hac vice tantum absolvere et liberare valeant, et insuper vota quaecumque etiam jurata, ac Sedi Apostolicae reservata (castitatis, religionis, et obligationis, quae a tertio acceptata fuerint, seu in quibus agatur de praejudicio tertii, semper exceptis, necnon poenitibus, quae praeservativa a peccata nuncupantur, nisi commutatio futura judicetur ejusmodi, ut non minus a peccato committendo refraenet, quam prior voti materia) in alia pia et salutaria opera commutare, injuncta tamen eis, et eorum cuilibet in supradictis omnibus poenitentia salutari, aliisque ejusdem Confessarii arbitrio injungendis.

Non intendimus autem per praesentes super aliqua alia irregularitate vel publica, vel occulta, seu defectu, aut nota, aliave incapacitate, aut inhabilitate quoquomodo contractis dispensare, vel aliquam facultatem tribuere super praemissis dispensandi, seu habilitandi, et in pristinum statum restituendi etiam in foro conscientiae; neque etiam derogare Constitutioni cum opportunis declarationibus editae a fel. record. Benedicto XIV. Praedecessore Nostro „*Sacramentum Poenitentiae*“: neque easdem praesentes iis, qui a Nobis, et Apostolica Sede, vel ab aliquo Praelato, seu Judice Ecclesiastico, nominatim excommunicati, suspensi, interdicti, seu alias in sententias et censures incidisse declarati vel publice denuntiati fuerint, nisi intra tempus dictarum trium hebdomadarum satisfecerint, aut cum partibus concordaverint, ullo modo suffragari posse aut debere.

Quapropter tenore praesentium in virtute sanctae obedientiae districte praecepimus atque mandamus omnibus et quibuscumque Venerabilibus Fratribus Patriarchis, Archiepiscopis, et Episcopis, et aliis Ecclesiarum Praelatis, ac quibuscumque Ordinariis locorum ubicumque existentibus, eorumque Vicariis, et Officialibus, vel iis deficientibus, illis, qui curam animarum exercent, ut cum praesentium litterarum transumpta, aut exempla etiam impressa acceperint, illas, ubi primum pro temporum ac locorum ratione satius in Domino censuerint, per suas Ecclesias, et Dioeceses, Provincias, Civitates, Oppida, Terras, et loca publicent, et publicari faciant, Populisque etiam verbi Dei praeicatione, quoad possit, rite praeparatis, Ecclesiam seu Ecclesias visitandas ac tempus pro praesenti Jubilao designent.

Non obstantibus Constitutionibus et Ordinationibus Apostolicis, praesertim quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles Indulgentiarum, et facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant: nec non Regula de non concedendis Indulgentiis ad instar, ac quorumcumque Ordinum et Congregationum, sive Institutorum, etiam juramento, confirmatione Apostolica, vel quavis firmitate alia roboratis, statutis, et consuetudinibus, privilegiis quoque, indultis, et litteris Apostolicis eidem Ordinibus, Congregationibus, et Institutis, illorumque personis quomodolibet concessis, approbatis, et innovatis, quibus omnibus et singulis, etiam si de illis, eorumque totis tenoribus, specialis, specifica, expressa, et individua, non autem per clausulas generales idem importantes, mentio, seu quaevis alia expressio habenda, aut aliqua alia exquisita forma ad hoc servanda foret, illorum tenores praesentibus pro sufficienter expressis, ac formam in eis traditam pro servata habentes, hac vice specialiter, nominatim, et expresse ad effectum praemissorum derogamus; ceterisque contrariis quibuscumque. Ut autem praesentes Nostrae, quae ad singula loca deferri non possunt, ad omnium notitiam facilius deveniant, volumus, ut earumdem praesentium transumptis vel exemplis, etiam impressis, manu alicujus Notarii publici subscriptis, et sigillo Personae in dignitate Ecclesiastica constitutae munitis, ubique locorum, et gentium eadem prorsus fides habeatur, quee haberetur ipsis presentibus, si forent exhibitae vel ostensae.

Datum Romae apud S. Petrum sub Annulo Piscatoris die secunda mensis Decembris anno millesimo octingentesimo trigesimo secundo, Pontificatus Nostri Anno Secundo. PRO DOMINO CARDINALI ALBANO A. Picchioni Substitutus.

*Anno a Nativitate Domini millesimo octingentesimo trigesimo secundo, Indictione Quinta, die vero quarta Decembris, Pontificatus Sanctissimi in Christo Patris, et Domini Nostri Domini GREGORII Divina Providentia PAPAE DECIMI SEXTI Anno Secundo. Praesentes Litterae Apostolicae affixa, et publicatae fuerunt ad valvas Basilarum Urbis, Cancellariae Apostolicae, ac Magnae Curiae Innocentianae, atque in Acie Campi Florae, et in aliis locis solitis, et consuetis perme Aloysium Pittori Apost. Curs.*

*Joséph Cherubini Mag. Curs.*

Eapropter singuli Sacri Curiones, quibus cura animarum in alma Dioecesi Quinque-Ecclesiensi concredita est, solicite praestabunt ea, quae subjunguntur. Scilicet:

1, Die 20. venturi mensis Octobris, quae est Dominica 21. post Pentecosten, terminato Sacro Sermone annuntietur fideli populo Jubilaeum, — explicitur vernacula lingua Apostolicarum Litterarum §-phi 1, 2, 3, 4, 5, et 7, — dejnde significetur ordo Quinque-Ecclesiensi Dioecesi praescriptus, his comprehensus:

2, Dominicis 22, 23, et 24, post Pentecosten, item Festo OO. Sanctorum dicentur Sacri Sermones, quibus fidelis populus praeparetur ad optatos fructus e Sacro Jubilaeo colligendos, — atque ideo; Dominica 22-a a Deo revealatae Religionis criteria proponantur; — Festo OO. Sanctorum Christianam Religionem veram a DEO revealatam Religionem esse, demonstretur; — Dominica 23 ex Ecclesiis, quae Christiano nomine gloriantur, solam Romanam Catholicam Ecclesiam esse veram Christi Ecclesiam, neque ullum, qui hanc Ecclesiam deserit, aut quidpiam ex Ejus seu Fidei seu Morum doctrina negat, aeternam salutem consequi posse, probetur; — Dominica 24. explicitur triplex cuiuslibet Christiani Catholici obligatio ad aeternam Salutem obtinendam adcuratissime explenda, ut: constanter absque dubitatione credat, quae Deus revelavit, et per Ecclesiam credenda proponit, et hac de causa in dies perfectiorem sibi Religionis notitiam comparare satagat, — omnia morum praecepta observet, Sanctam vitam agat, bonis operibus intefessus merita augere nitatur, — quoties gravioris peccati a conscientia arguitur, sine mora delictum sincera poenitentia expiare conetur.

3, Jubilaeum inchoabitur Festo S. Martini E. et C. et durabit usque Dominicam pri-  
mam Adventus; tempore autem hujus Jubilaei Dominica 25. de Contritione et Confessio-  
ne, — Dominica 26. de Satisfactione et Indulgentia, — et Dominica prima Adventus de  
Perseverantia in Fide, et Bonis Operibus doctrina Catholicae Ecclesiae declaretur. — —  
In Parochiis, ubi plures vernaculae linquae vigent, et singulis sacer sermo quovis die  
festo non dicitur, plurimum Sermonum argumenta conjungere oportebit.

4, In Singulis parochialibus, et quantum adjuncta admittunt, etiam filiarum Templis decursu trium Septimanarum mane quotidie solemne Missae Sacrificium celebretur, cui 11-a Octobris invocatio Sancti Spiritus seu hymnus *Veni Sancte Spiritus* cum versiculo, et oratione praemittatur, — 1-ma Decembris autem gratiarum actio seu hymnus *Te Deum Laudamus* cum versiculo et oratione subjungatur. Utrumque hymnum vernacula linqua prae-  
eunte Ludimagistro populus prosequetur.

5, Memoratis tribus septimanis qualibet Feria Sexta et Sabbato terminato Missae Sacrificio Sanctissimum exponetur, et Lytaniae orabantur prorsus ita, sicut a meridie diebus Domini et festis divinus cultus peragi debet; et quidem Lytaniae cum versiculis et orationibus recitabuntur prima hebdomada Feria 6-ta de SS. Trinitate, Sabbato de Christo humani generis Redemptore, — altera hebdomada Feria 6-ta de Passione Domini, Sabbato de SS-mo Eucharistiae Sacramento, — tertia hebdomada Feria 6-ta de Sancto Spiritu, et Sabbato de OO. Sanctis. Devotio semper sicut pomeridienus festus divinus cultus cantu et Benedictione Populo impertita concludetur.

6, Singuli Indulgentiam lucrari cupientes intra memoratas tres Septimanas duobus profestis diebus parochiale, vel filiae Templum mane, dum Missae Sacrificium celebrabitur, visitabunt ibidem pro concordia Christianorum Principum, propagatione Catholicae Religionis, extirpatione haeresum, alma pace, probis moribus Catholicorum Deum devote deprecatur; — intra idem tempus semel corde contrito peccata sua confitebuntur, et SS. Eucharistiam pie sument, — semel Feria 4, 6, et Sabbato non modo ab esu

carnium abstinebunt, sed simul unica refectione contenti erunt, — denique pauperibus, praecipue autem publicis Institutis, ubi pauperes aluntur, quidpiam donabunt, hisve similia alia bona opera exercebunt.

7, Confessio poenitentium mane ante, et post Missae Sacrificium, a meridie intra secundam et quartam horam quotidie, si opus fuerit, audiatur; commendetur praeterea fidelibus: ut SS. Eucharistiam sub Missae Sacrificio sumant, et Lytaniis ad dictam Ecclesiae intentionem orandis adesse conentur.

8, Omnes quacunque ratione tribus memoratis septimanis impediti, dum obex cessaverit, expletis, quae desiderantur, Indulgentiae participes reddentur.

Ecce iterum nunc tempus acceptabile, ecce nunc dies Salutis!! Faxit DEUS: ne ullus, cui haec innotuerint, in vacuum gratiam DEI recipiat, sed ut praescripta pietatis exercitia in Singulorum hujus Dioecesis fidelium animo fructum producant centuplum! atque iisdem facultatem praebeant gustandi: quoniam dulcis est Dominus! Faxit DEUS! ut singuli Christiani, Catholici nomine gloriantes omni malitia, dolo, simulatione, invidia abjectis sicut modo geniti infantes rationale omnis fraudis expers lac concupiscant, quo nutriantur ad salutem; — ut tanquam advenae et peregrini abstineant se a desideriis carnis, quae militant adversus animam, et in omni conversatione Sancti sint, atque sic obiectatores etiam Catholicae Ecclesiae bona opera fidelium intuentes ad amplectendam Catholicam Religionem allicantur, et glorificant DEUM in die visitationis; — ut hujus Indulgentiae copotes futuri tanquam genus electum, regale Sacerdotium, gens sancta, populus aquisitionis offerant quotidie Spiritales hostias acceptabiles DEO per Jesum Christum, et exhibeant corpora sua hostiam viventem, sanctam, DEO placentem, atque virtutes annuntient Ejus, qui de tenebris nos vocavit in admirabile lumen Suum; — ut Sobrii vigilent et perfectam spem reponant in ea gratia, quae nobis in Adventum Judicis Domini nostri Jesu Christi offertur, amplissima hereditate potititur, quae neque corrumphi, neque marcescere potest, in Coelo; — ut semetipsos divina ope freti caute custodiant, ne insipientium et nefariorum errore abducti firmitate sua excidant, sed potius constanter crescant in Gratia et cognitione Domini et Servatoris nostri Jesu Christi. Ipsi Gloria nunc et in aeternum! Amen. Posonii Calendis Julii anno Christi 1800.

Andreas Offitarius  
Vicar Geth



Dominus Heggemus Chastan  
Praeceptio saeculari Regis Dror

# JOANNES BAPT. SCITOVSKY DE NAGY KÉR,

Dei et Apostolicae Sedis Gratia Episcopus Quinque-Ecclesiensis, S. C. et R.  
A. M. Actualis Intimus Status Consiliarius, AA. LL. Philosophiae ac SS.  
Theologiae Doctor.

Venerabili Clero Nostro Saeculari et Regulari, Fratribus, Filiiisque in Christo  
Charissimis, Salutem et paternam benedictionem!

Ecclesia Catholica inde ab ultima coena, quam Salvator Mundi priusquam pateretur cum discipulis manducaverat, per omnia saecula indubitata tenebat fidem, hodieque intrepide profitetur: in Eucharistiae Sacramento sub speciebus panis et vini Ipsum omnium gratiarum Fontem et Authorem, JESUM Christum Dominum nostrum, ut verum DEUM et Hominem vere, realiter, et substantialiter contineri; eapropter Sanctissimo huic Sacramento extra sumptionem quoque de genu adorationem, divinos (ut dici amat) honores competere, exhibendos venire.

Et quomodo non?! Si enim eo major esse solet subditorum in terrenos Principes reverentia, quo his illi propiores assistunt; sit, oportet illimitata veneratio nostra, dum in Eucharistia Rex regum, et Dominus dominantium nobis proximus est. Si juxta *S. Paulum* ad nominis JESU recordationem vel pronunciationem *omne genu coelestium, terrestrium et inferorum flectendum est*, a) cernui veneremur Ipsum cum anima, et corpore sub velamine panis revera praesentem; exemplum *Moysis* imitantes, qui tametsi nunquam non profunde veneraretur Deum, tunc tamen, quum *e rubo ardente audierat loquentem*, sacro quadam horro percusso in terram se adorabundus prostravit quod Deo se adstare adeo propingvum meminisset; b.) — ast et illud fideli memoria retinentes: quod in Venerabili Altaris Sacramento Eundem DEUM revera nobiscum manere credamus, de quo *Pater aeternus, cum Eum in orbem terrae introduceret, edixit: Et adorent Eum omnes Angeli Dei*, „c) — quem positum in praesepio procidentes adoraverunt Magi, d) — quem denique *discipuli etiam in naviculam ascendentem adoraverunt dicentes: Vere Filius Dei es.* „e) quanto itaque nos vehementius ad sensum veneracionis et perpetuam quamdam adorationem erga Eum exstimulari sentiemus nunc, quando Is consummato redemitio humanae opere, et thronum Glorie sua coelestis repetere, et modo mirabili nobiscum incessanter manere benignus elegit. Scrutando isthaec pro merito, quis non exclamabit: *Venite adoremus, et procidamus ante DEUM! quia Ipse est Dominus DEUS noster, nos autem populus eius, et oves pascae eius!* „f.) —

Revolvebant ista devoti Ecclesiae filii pia mente eo tempore sollicitius, quo veritas doctrinae huius Catholicae impeti et pernegrari, ipsum autem adorandum Mysterium vilipendi, ferme contemni coepisset. Unde, aliis silentio praeteritis, legimus saeculo **XI**. magno numero fideles in sanctas perpetuae adorationis Sanctissimi Sacramenti Societates coaluisse, et has primum Romae, exposit ubivis locorum sub nomine *Confraternitatum Sanctissimi Corporis Christi* per complures Summos Pontifices, postremo *Clementem XII.* spiritualibus gratiis, indulgentiis, privilegiis ad cultum Sanctissimi Sacramenti in dies magis augendum, et dilatandum provisas fuisse.

Quod *Dioecesim nostram* hoc in merito proprius concernit, acta testantur, illico ac veneratus *Clemens XII* Pontifex a. 1732. edita Constitutione *Archi-Confraternitatem Romae in Ecclesia S. Mariae ad Martyres* per prius constabilitam autoritate providisset: idmodi Sanctissimi Corporis Christi Confraternitatibus ubi ubi terrarum coalitoris concessas eidem Archi-Confraternitati Indulgencias et spirituales gratias communicandi, in *Ecclesia nostra Cathedrali Quinque-Ecclesiis*, signanter sacello Sanctissimi Corporis Christi, fine hoc per *Alexandrum Fonyó Canonicum* et *Parochum restaurato*, *Confraternitatem perpetuae adorationis Sanctissimi* erectam, et die 14-a Decembris 1736. per piae memoriae *Sigismundum C. Berényi* pro *Alvaro a Cienfuegos* Cardinale, tunc Episcopo Dioecesano, Episcopatus Quinque-Ecclesiensis Administratorem confirmatam fuisse; — et quia piissimo fidelium Civitatis Quinque-Ecclesiensis in Sanctissimum Sacramentum cultu, totius Dioecesis populus zelo mirifico accensus, institutionem idmodi Confraternitatum etiam extra Civitatem, devoto pectore expeteret, idem *Sigismundus C. Berényi*, qua jam Praesul Dioecesanus, sub 18. April. 1747. tales in omnibus Ecclesiis Parochialibus cum participatione Indulgientiarum, et aliarum gratiarum a summis Pontificibus idmodi societatibus elargitarum autoritate sua ordinaria, erigendas, et instituendas indulsit, et dispositit.

Ut primum personuit vox Pastoris in Ecclesiis parochialibus, benedicebat Domino plebs fidelis, et *laetata est in his, quae dicta sunt ei*; g) *quia non est alia natio, alia religiosa Confessio tam grandis, tam praecelsa, quae habeat DEUM ita adpropinquavantem ita adhaerentem sibi, sicut DEUS noster adest nobis* „b)! Eapropter aemula contentiones, et juvenes — viri et mulieres — divites et pauperes nomina sua Sacrae Confraternitati tamquam libro vitae inferri properabant, pie confidentes, *nomina eorum scripta quoque esse in coelis!* — Videre tunc erat, ductu Statutorum Confraternitatis, quavis Dominica novilunari frequentiam poenitentium et de mensa Domini adversus eos, qui tribulant nos, fortium panem sumentium; — videre erat ad Venerabile Sacramentum, ubi ubi saltem se occasio offerebat, multitudinem de genu DEUM verum praesentem adorantium et pro concordia Principum, conversione errantium, quiete civium, unione Christianorum comprecantium; — videre erat numerosos sociorum inter cantica, et supplicationes Sanctissimam Eucharistiam ad aegrotos delatam comitantium, et circa domum, *cui salus facta est*, in genua prostratorum, — Verbo videre fuit usque ad lachrymas solatii, quanto cum animi desiderio, — spiritualis dulcedinis praegustu interna, externaque pra-

a) Philip. 2. 10. — b) Exod. 3. 5. — c) Hebr. 1. 6. — d) Math. 2. 11. — e) Math. 14. 33. — f) Psal. 94. v. 6. 7. —

g) Psal. 121. 1. — h) Deut. 4. 7.

paratione operiebantur socii festivos Confraternitatis dies; quanto in his cum confluxu partem capere adnitezantur quaque iisdem cum cordis compunctione, mentis devotione, corporis modestia et humiliatione interveniebant, praeter 7. annorum, et 100. dierum frequentius per anni decursum, insuper *cum ingressu* in sacram societatem-quotannis *festo principalis* confraternitatis- *et in agone*, sub solitis conditionibus Indulgentias plenarias lucraturi: Ex his

Innegabile est *Confraternitatem Sanctissimi Sacramenti* fuisse certissimum vehiculum, quo assensus principali catholicae fidei articulo in mentibus fidelium firmaretur, — frequens Sacramentorum Poenitentiae et Eucharistiae usus indeclinabilis redderetur, — pietas, quae ad omnia utilis est, mirifice augeretur, ac taliter vitiis salubria repagula, virtuti autem christiana efficacissima incitamenta tribuerentur, prout omnia haec e *Statutis dictae Confraternitatis* innotescunt. His pro gravitate, et utilitate sua perpensis, Fratres, et Filii charissimi! *hora est jam nos de somno surgere*, a) — et suspirare: *Converte nos DEUS salutaris noster!* b) *ut tuis auxiliis et abstrahamur a noxiis, et ad salutaria postliminio dirigamur!* c)

Piissima haec sanctissimi altaris Sacramenti Confraternitas non parum accepit incrementi, dum devotissimo *Divae Mariae Theresiae* desiderio conformiter in cunctas materno eius sceptro parentes ditiones, sancta illa consuetudo dispositionibus ordinariorum inducta est, qua Venerabilis Eucharistiae Sacramenti adoratio toto anno ita continuetur, ut nulla sit dies, qua non in aliqua Ecclesia sanctissimum publicae venerationi exponatur; imo nulla etiam hora sit, qua non ab aliquibus in Augustissimo hoc mysterio latens divinitas religiosissime adoretur. — Tam salutaria Regii Cordis vota nedum secundare, promovere etiam ex animo cupiens eius temporis magnae memoriae Dioecesis huius Antistes *Georgius Klimo*, dimissis die 15 Decembris 1772. literis pastoralibus, ipsam venerabilis Sacramenti Confraternitatem per prius jam in compluribus Ecclesiis vigentem in quasvis Ecclesias parochiales et Conventuales inducendam dispositus et praecepit; de novo veterem illam perpetuae adorationis Sanctissimi Confraternitatem insignibus Summorum Pontificum gratiis et privilegiis fulgentem autoritate sua Ordinaria, cum quibusvis statutis, et regulis confirmavit et constabilivit; cuius Ecclesiae certam diem, in sensu Constitutionum Pontificiarum *Indulgentias plenariis* gavisuram pro principali festo Consociationis huius defixit non solum, sed et modum festivitatis huius, ipsiusque adorationis Sanctissimi ordinem designavit.

Credite Fratres, Filiique Dilectissimi! non possumus non uberrimis perfundi lachrymis, dum tam salutaris *Instituti tenuia solum diebus nostris videmus vestigia!* quis enim locus, quisve populus est, et laudabimus eum, apud quem statutorum Confraternitatis religiosa observantia obtineret?! nonne decoxit hanc incredulitatis, et impietatis pruina, — tunc solum cessatura! dum nos elegerimus abjecti — prostrati — *esse in domo Domini magis, quam habitare in tabernaculis peccatorum* „d) et Justus Dominus, qui non cessat ostendere populo suo dura, propitius erit peccatis nostris propter Nomen Suum! „e) Unicum in tantopere prostrato hoc pietatis Christianae exercitio inibi peracerbo dolori invenimus lenimen, quod piorum idmodi *Institutorum* desideria reviviscere incipiant, hic ibique jam reiecta devoto affectu suscipiantur, — quodque una illa dies adorationis Sanctissimi, velut venerandae idmodi Instituti reliquiae religioso non minus ac festivo cultu in non paucis Ecclesiis celebretur.

Circa hanc adorationis Sanctissimi annuam festivitatem, velut *per opportunum ad Ipsius Confraternitatis revectionem vehiculum* hac vice vos Dilectissimi! alloquo paterno convenire, et eam de novo hac de causa coordinare constituius, quia ab a. 1772. Dioecesis 19. parochiis in Slavonia minuta, — ex adverso 57. parochialibus Ecclesiis aucta est, in quarum aliquibus privata tantum Curatorum pietate dies Adorationis defixa — in quibusdam a die originaliter designata aequa privata parochorum voluntate in alias imprimis dominicales, et festivales dies translata existit; memores etiam ejus circumstantiae, quod mensibus quibusdam, v. g. Januario in 27. — aliquibus vero, ut Aprili, Maio in 7. — Junio, Julio in 6. solum Ecclesiis devotio isthaec asservetur; prout etiam, quod dominicorum et festivorum dierum a pluribus expeditorum praeferens sit habenda ratio, ut quippe ab operibus servilibus liberi fideles, die tota adorationi sanctissimi vacare, et commodius quoque ad Sacramentorum participationem accessuri *Indulgentiarum pleniarum* (jam jam plene festivitate hac de memoria dimissarum) digni efficiantur.

Eapropter in nomine Domini praesentium per vigorem eam *adorationis Venerabilis sacramenti annuam devotionem*, quam optimae memoriae Antecessor noster *Georgius Klimo* praecitato anno 1772. veteri illi confraternitati Sanctissimi Corporis Christi unitam constituit, et certa die peculiari cum festivitate asservari mandavit, nos porro constabilimus, et religiosa cum observantia, ac omni, quae tantum sacramentum decet veneratione, et solennitate celebrari praecepimus; omnes illos utriusque sexus fideles, in sensu Constitutionum a summis Pontificibus editarum Indulgentias plenarias ex infinitis meritis Christi consecuturos declarantes, qui in Ecclesia autoritate nostra, defixa adorationis Sanctissimi die, vere poenitentes confessi, ac Sacra Communione refecti pro S. Matris Ecclesiae exaltatione, errorum extirpatione, et Principum populorumque pace et concordia coram Sanctissimo Altaris Sacramento piis ad DEUM omnium Bonorum Largitorem preces effuderint. — *Te Domine in spiritu humilitatis deprecantes! ut quisquis idmodi templum beneficia petiturus ingreditur, cuncta se impetrasse laetetur!* f)

Jam quod ordinem et modum devotionis huius attinet, is in sequentibus consistat:

1-o, Devotio praevie ex ambone annuncietur populo, cum uberiore et cordiali cohortatione, ut diem hunc totum pietatis operibus consecrent — quoplures ad Sacraenta accedant — horas, et ordinem in adorando Venerabili secundum familias, domus, plateas, prout scilicet oportunius fuerit defixum, aequa ex ambone per extensem publicandum, et in scripto foribus Ecclesiae appendendum, religiose obseruent, — et in Communitate nulla conventicula, convivia, lusus, clamores patientur.

2-o, Si poenitentium frequentia poposcerit (et eo est omnimode contendendum!) parochus mature sibi de subsidiario Confessario provideat, ut maior poenitentium pars pridie promeridianis horis exaudiatur.

3-o, Ipsa Adorationis die, praemissa ab hora 6. pulsibus, hora 7. dato compulso sacerdos cum ministris exit ad aram, et praemissa incensatione, ac intonato: *Tantum ergo. Venerabile Sacramentum inter ardentes minimum sex candelas pro adoratione exponit, ad sebellum ante aram locatum, vel aera gradum genuflectendo, persolvit, voce levata preces pro devotione hac prescriptas et finitis his sacrum lectum celebrat, sub quo populus comitante organo S. hymnos de Augustissimo hoc Mysterio canit.*

4-o, Ante singulam horam  $\frac{1}{4}$  citius ( $\frac{3}{4}$  pro 8-o  $\frac{3}{4}$  pro 9.) datur *campana majore signum breve*; ut qui de ordine stabilito pro adoratione Sanctissimi sequentur, in unum collecti inter concentum hymnorum, vel recitationem precum adveniant. Ex ingressuris Ecclesiam duo-tres in scandalo, vel flexorio ante aram parato genuflectent, et superiori puncto memoratas preces, uno clara voce praeorante, absolvant; post has vero hymnos congruos concinendo, vel etiam

a) Rom. 13. 11. — b) Ps. 84. 5. — c) Ora. Eccl. — d) Ps. 83. 11. — e) Ps. 59. 5. — f) Ora. Eccl.

rosarium orando horam suam explebunt. Idem singula hora adorationis (tantum publicorum divinorum excepta) novi adorantes repetent.

5-o Praemissis, pro solennibus publicis divinis, pulsibus hora 10. inomisso dicatur *sermo sacer*, cui *Actus Fidei Spei et Charitatis* subnectantur, et tum *sacrum cantatum* persolvatur, ad cuius initium, admittente tempestate, intonato *Pange lingua*, processio cum Venerabili circa Ecclesiam instituatur, ad finem vero jam indicatae preces officiantur, praecorante, absolvantur.

6-o Ab hora 12. meridiana usque 1- pro adorantibus ordinarie scholastica juventus cum Docentibus disponatur, id, quod aliis horis fit, observatura.

7-o, Hora 3-a dato compulso *vesperae* persolvantur, et hora 5-a *repositio Venerabilis* omni cum solennitate perficiatur ita, ut exiturus ad aram cum ministris Officiants, persolvat ante omnia *Lyranias de SS. nomine JESU*, et tum preces toties attactas; quibus finitis subjungatur conveniens Canticum v. g *Ez nagy szentség valóban*. vel *Imádunk Sz. Ostya*. per extensum decantandum. Tum intonet et decantetur: *Te DEUM*. cui duo *V.* et duae orationes, quippe: *pro gratiarum actione* — et *de Sanctissimo* subnectuntur, ac tandem praemissis *V. V.* *Sit nomen Domini et Adjutorium nostrum*. per *Benedictio DEI Omnip.* data benedictione, populus itidem concinnendo dimittitur et solennitas clauditur.

*Observandum* a) Ubi subsidiarius Presbyter haberi non potest, occasione expositionis matutinae reliquis observatis, missa lecta eminet. — b) Ubi *minor adorantium numerus* continuam expositionem sanctissimi non admittit, quod iudicio curatorum relinquitur, ibi finitis ante meridiem solennibus divinis, Venerabile cum: *Genitori*. reponatur, et hora 3. cum vesper. adorationis horae reassumantur; — ubi denique *ob fidelium paucitatem* vel alias causas, extra horas divinorum publicorum vix 10 — 15. comparituri sperantur, ibi adorationis devotio ad solum publicum cultum divinum matutinum, et vespertinum ita restringatur: ut mane post compulsum coram exposito Venerabili primo preces praescriptae persolvantur, tum sacer sermo pronuncietur, ac sacrum decantetur, a meridie autem intermissis vesperis, hora oportuna devotio repositionis Sanctissimi asservetur. — c) Ad conciliandam augendamque devotioni huic majorem festivitatem, — conservandam *matricis Ecclesiae praecellentiam* et erga eam in cordibus fidelium venerationem, utpote qui in ea sacro lavacro abluuntur, ordinarie chrismate salutis confirmantur, nupturientes benedicuntur etc. filialium ecclesiarum populus in matre Ecclesia solennitatis festo hoc Adorationis partem capiat; quocirca die idmodi divina (ni gravissima ex ratione, et tunc etiam privatum solum sacram fiat) in ecclesiis filialibus non celebrentur.

Denique pro Ecclesiis parochialibus, et conventualibus dies Adorationis Sanctissimi hacce serie designamus et iisdem Indulgentias plenarias affigimus; quippe:

*pro Parochia:*

Abaliget	—	— Dom. Sexages.
Agárd	—	— IV. Advent.
Apar	—	Fer. III. post. Dom. Pass.
Báán	—	Fest. S. Emerici 5. Nov.
Baar	—	Dom. XI. post Pent.
Babarcz	—	Fest. S. Urbani 25. Maij.
Bakonya	—	Dom. V. post Epiph. v. Septuag.
Baranyavár	—	Fest. Visit. B.M.V. 2. Julii.
Bátta	—	Dom. III. Advent.
Báttaszék	—	Anniv. Cons. Eccl. Dom. II. post Pent.
Battina	—	Fest. S. Jacobi Ap. 25. Julii.
Bedégh	—	— S. Laurentii 10. Aug.
Bellye	—	— S. Magdal. 22. Jul.
Berement	—	— S. Luciae 13. Dec.
Berkesd	—	— S. Joan. Bapt. 24. Jun.
Bikal	—	Dom. XVI. post Pent.
Bitsér	—	— IV. post Epiph. v. Septuag.
Bizovácz	—	— II. post Pascha.
Bodony	—	— IV. Quadrag.
Bogád	—	Fest. S. Adalberti 23. Apr.
Bogdása	—	— Exalt. S. Crucis 14. Sept.
Boly	—	— S. Catharinae 25. Nov.
Bonyhád	—	Anniv. cons. Eccl. Dom. XIV. post. Pent.
Bölcse	—	Festum S. Raphaelis Arch. 24. Oct.
Bozsok	—	Dom. V. post Pascha.
Brodjaneze	—	— infra Oct. nativ. D. N. J. C.
Bükösöd	—	Anniv. Cons. Eccl. Dom. VII. post Pent.
Czikó	—	Fest. S. Margarita 13. Jul.
Darázs	—	Dom. VII. post Pent.
Dályok	—	Fest. Purif. B. 2. Febr.
Darda	—	— S. Rochi 16. Aug.
Diós-Berény	—	Dom. X. post Pent.
Dombóvár	—	— XVII. post Pent.
Döbrököz	—	Fest. S. Joachim.
Dráva-Szent Mártony	—	Dom. XII. post Pent.
Egerágh	—	Dom. SS. Angel. Cust.
Értény	—	Fest. S. Ladisl. 27. Jun.
Fadd	—	— S. Matthaei Evang. 21. Sept.
Felső-Mindszent	—	— S. Aloysii 21. Jun.
Felső-Nyék	—	— S. Joan. Evang. 27. Dec.
Földvár par.	— Conv.	Dom. XV. post Pent.
Garé	—	Fest. S. Franc. 4. Oct.
Gödre	—	Dominica Resurrectionis.
Görcsöny	—	Fest. S. Elisabeth 19. Nov.
Grábocz	—	— S. Georgii 24. April.
Gyula-Jováncza	—	— S. Antonii 13. Jun.
Harkanoveze	—	Transfig. D. N. J. C. 6. Aug.
Hetvehely	—	— S. Barbarae. 4. Dec.
Himesháza	—	— B. M. V. de monte Carm.
Hird	—	— S. Valentini 14. Febr.
Hosszú-Hetény	—	— S. Rosaliae 4. Sept.
Hógyész	—	Dom. in Albis.
Jánosi	—	Fest. S. Annae 26. Jul.
Ibafa	—	— B. M. V. ad nives 5 Aug.
Iregyh	—	— S. Lucae 18. Oct.
Izsép	—	Dom. III. post Epiph.
		— Consecrat. Eccl.

*pro Parochia.*

Kajdats	—	— Dom. II. Advent.
Kakasd	—	Fest. SS. Philip. et Jacob. 1. Maji.
Kánya	—	Dom. II. post Epiph.
Kárász	—	— VIII. post Pent.
Kéér	—	— Quinquagesimae.
Kéménd	—	— SS. Rosarii.
Keszü	—	— Septuagesimae.
Kis-Asszonyfa	—	Fer. VI. post Ciner. V. Vuln. D. N. J. C.
Kis-Dorogh	—	— VI. ante Dom. IV. Quadrag.
Kis-Székely	—	Dom. II. post Pent.
Kocsola	—	— SS. Trinitatis.
Kónyi	—	Fest. Conver. S. Pauli 25. Jan.
Köblény	—	— SS. Fab. v Sebast. 20. Jan.
Kömlőd	—	— S. Stephani P. Mart. 26. Dec.
Kővágó-Szöllős	—	— Epiph. Domini 6. Jan.
Kurd	—	Dom. XXII. post Pent.
Lakk	—	Feria II. Paschatis.
Lakocsa	—	Dom. ult. post Pent.
Lantsuk	—	Fest. S. Barnabae 11. Jun.
Laskafalva	—	Dom. V. post Pent.
Lengyel	—	Fest. S. Stephani. R. 20. Aug.
Lovász-Hetény	—	Fer. IV. post Dom. Pass.
Lucs	—	Dom. XX. post Pent.
Mágoce	—	Fest. OO. SS. 1. Nov.
Magyar-Hertelend	—	Feria III. Paschatis
Mais	—	Fest. Nativ. B. M. V. 8. Sept.
Marianeze	—	— S. Demetrii 26. Oct.
Miholácz	—	— Invent. S. Crucis 3. Maii.
Miszla	—	Dom. IX. post Pent.
Mohács paroch.	—	Fest. S. Clarae V. 12. Aug.
— Convent.	—	Fer. VI. ante Dom. III. Quadrag.
Mosgó	—	Fest. Despons. B. M. V. 23. Jan.
Mocsolád	—	Dom. III. post Pent.
Mözs	—	Fest. Nominis B. M. V.
Mutsi	—	— S. Vendelini 20. Oct.
Nádasd	—	Anniv. Cons. Eccl. Dom. V. post Pasch.
Nagy-Mányok	—	Fest. Divis. SS. Apost. 15. Jul.
Nagy-Nyárád	—	— S. Floriani 4. Maji.
Nakk	—	Fer. V. post Dominic. Pass.
Némethi	—	Dom. XIX. post Pentec.
Németh-Márok	—	Fest. Patrocin. S. Joseph.
Németh-Ürög	—	— Praesent B. M. V. 21. Nov.
Olasz	—	— S. Donati 7. Aug.
Ozora	—	— Concept. B. M. V. 8. Dec.
Páári	—	Fer. VI. ante Dom. V. Quadrag.
Paks	—	Dom. infra Octav. OO. SS.
Pálfa	—	Fest. Annunc. B. M. V. 25. Mart.
Pécsvárad	—	— 7. Dolor. B. M. V. Fer. VI. ante Palm.
Pellérd	—	Dom. I. Adventus.
Petriyeze	—	Fest. S. Michaelis 29. Sept.
Princzehely	—	— S. Martini 11. Nov.
Podgálecz	—	Dom. XIV. post Pent.
Quinque-Eccles, Cathedr.	—	Fest. Circum. Dom. 1. 2. 3. Januar.
— ad B.M.V.Purif.	—	Dom. infra Octav. SS. A. Petri et Pauli.
— ad S. Augustinum	—	Dom. VII. Dolor. B. M. V. in Septembri.
— ad S. Franciscum	—	Fest. stigm. S. Francisci Ser. 17. Sept.
Ráczmeeske	—	— S. Marci 25. Apr.

*pro Parochia.*

Ráczpetre	—	—	Dom. I. Epiphaniae
Radikovcze	—	—	Fest. SS. Innocentium 28. Dec.
Regöl	—	—	— SS. nominis JESU.
Sáasd	—	—	Fer. II. Pentecost
Siklos	—	—	Sabbat. ante Dom. Palmar.
Simontornya	—	—	Dom. IV. post Pentec.
Shlivoshevce	—	—	VI. post Pent.
Somberek	—	—	Circum. Domini sequ.
Sumony	—	—	Fest. S. Josephi 19. Mart.
Szabolcs	—	—	— S. Thomae 21. Dec.
Szajk	—	—	Dom. II. Quadragesimae
Szakadáth	—	—	XIII. post Pent.
Szakál	—	—	Fer. VI. ante Dom. II. Quadrag.
Szakts	—	—	Dom. penult. post Pent.
Szalatnak	—	—	VI. post Epiph. alias Septuag.
Szálka	—	—	Fest. S. Bartholomaei 24. Aug.
Szántó	—	—	Exspect. Partus B. M. V.
Szászvár	—	—	— S. Caroli Borom. 4. Nov.
Szebény	—	—	Ascensionis D. N. J. C.
Szektső	—	—	S. Theresiae 15. Oct.
Szék	—	—	— S. Gregor. Pap. 12. Mart.
Szent-Dienes	—	—	— S. Nicolai 6. Dec.
Szent-Erzsébet	—	—	Dom. Pentecostes
Szent-György	—	—	XVIII. post Pent.
Szent-Iván	—	—	Fest. SS. Simon. et Judae AA. 28. Oct.

*pro Parochiu.*

Szent-Király	—	—	Fer. III. Pentecost.
Szent-László (Simegh-.)	—	—	Fest. S. Leopoldi 15. Nov.
Szent-László (Püspök-.)	—	—	— S. Andree 30. Nov.
Szent-Lörincz	—	—	Dom. III. Quadrages.
Sexárd	—	—	Fest. SS. Peiri et Pauli AA. 29. Jun.
Szigethvár paroch.	—	convent.	Dom. XXIV. post Pent.
			Fest. S. Mathiae Ap. 24. Febr.
Tamási	—	—	— S. Cordis JESU.
Tevel	—	—	Dom. I. Quadrag.
Tolna	—	—	Patroc. B.M.V. in Novemb.
Toth-Keszí	—	—	Fest. S. Joannes Nepom. 16. Maij.
Vaiszló	—	—	Dom. V. Quadrages.
Valpó	—	—	III. post Pascha.
Varasd	—	—	IV. post Pascha
Várdomb	—	—	XXI. post Pent.
Vásáros-Dombó	—	—	Fer. II. post Dom. Passion.
Vaszar	—	—	Fest Assumpt. B. M. V. 15. Aug.
Vémend	—	—	— S. Blasii 3. Februar.
Velishkoveze	—	—	Dom. VI. post Pascha
Villány	—	—	Fest. Pret. Sangy. D. N. J. C.
Villjevo	—	—	— S. Eliae 20. Julii
Vörös-Marth	—	—	— S. Petri ad vincula 1. Aug.
Závod	—	—	Dom. XXIII. post Pent.
Zomba	—	—	Fest. Gabrielis Arch. 24. Mart.

Sunt adhuc quaepiam, quorum intuitu ex nexu cum praecedentibus uniformitatis inducenda, et tenenda gratia opportunitate hac convenit disponere; est autem de Sanctissimi Sacramenti processionali circumgestatione et sub cultu publico expositione. Quamquam Conc. Trid. Sess. 13. cap. 5 et 6. de Euch. declarat: *pie et religiose admodum in Ecclesia inductum suis morem; ut singulis annis peculiari festo die per vias et loca publica Sanctissima Eucharistia circumferatur; nec minus laudabilem esse ritum et consuetudinem illam publice populo ad adorandum proponendi* nihilominus nimis frequens seu in processionibus circumgestatio, seu publica expositio, qua non raro et populi devotio et reverentia tanti sacramenti diminuitur, non modo laudabilis non censebatur, imo etiam variarum synodorum Constitutionibus, Episcoporumque ordinationibus ita limitabatur, ut devotioni populi et reverentiae Sacramenti subserviat. Unde ad nimis frequentem, et discrepantem Sanctissimum expoundi usum tollendum, atque ad arbitrium usque prolapsam consuetudinem primaevae uniformitati velut distinctivo Ecclesiae Catholicae characteri restituendam, et ita moderandam, ut tam pietati populi, quam reverentiae Augustissimi Sacramenti satisfiat, statutum ad Ecclesias jam per nos canonice visitatas inductum cum tantilla mutatione pro universali in Dioecesi norma, vigore harum inducimus, constituendo: ut sanctissimum Sacramentum in Monstratorio processionaliter ex Ecclesia nisi sequentibus diebus efferatur: Nocte Resurr. Domini — Dominica Resurrectionis — Dominica Pentecostes — Festo Corporis Christi — In Patrocinio Ecclesiae, quod etiam in sequentem Dominicum diem, si secus debita cum solemnitate celebrari non posset, transferri poterit: — et die Adorationis Sanctissimi: — *Expositionem autem Venerabilis sub Missa cantata disponimus in sequentes dies: Omni Dominica novilunari tamquam in Dioecesi hac praevigentis Confraternitatis Corporis Christi venerandum memoriale, qua etiam processionem in locis restabilienda, DEO auxiliante, Confraternitatis Corporis Christi ex privilegio peculiari instituere licebit, — omnibus praeexpositis diebus, quibus Sanctissimum processionaliter circumferatur — die prima anni civilis, quia ad hunc fontem gratiarum hac die pro bonis animae et corporis imprimis convenient supplicare; — Festis SS. Nominis Jesu, et Mariae, quibus per concessas pro tota Ecclesia Indulgentias plenarias pecularis veneratio addita est; — Festo SS. Apost. Petri et Pauli, velut patrocinii dioecesani — Festo Assumptionis Dei Genitricis, qua principali festo Beatissimae Matris; — Festo OO. Sanctorum; — sub prima Missa de Rorate, — et in Nativitate D. N. J. C., nullatenus tamen sub Missa nocturna. His iisdem diebus etiam sub cultu pomeridiano Venerabile, si copiosior adfuerit populus expoui poterit — insuper in sepulchro Domini feria 6. in Parasceve et Sabbato Sancto, — quavis feria 6. per S. Quadragesimam — et pro Gratiarum actione ad vesperam ultima die anni modalitate per Circulares die 20. Novemb. a. 1840 sub Nro. 1714. — item die 20. Januarii a. c. sub N. 158. dimissas, praescripta.*

Et haec sunt Venerabiles Fratres et Filii Dilectissimi! quae Vobis cum effluxu 70. annorum ab originaria circa annum Sanctissimi Eucharistiae Sacramenti adorationem dispositione, de efficacissima hac ad roborandos in fide, et pietate fovendos Ecclesiae filios devotione, in vicem novae coordinationis annuncianda, et pro observantia in Domino praescribenda habuimus; vos una per immensam hanc Filii Dei in nos charitatem, cuius sicut luculentam, ita et admirabilem contestationem in Sacrosancta Eucharistia quotidie exhibere pergit, paterne commonemus, et obsecramus: ut statuta Adorationis die, velut unice cultui Altissimi, et gratiis in totum annum a Patre misericordiarum exorandis consecranda, *vos domusque vestra sit vere speculum!* in quo videant fideles: quod vitato omnimode ad vos extraneorum imprimis concursu, conversationem Illius, qui in Coelis est, et Altaris mysterio continetur, toti expetatis; — quod in Ecclesia plurimas diei huius horas precibus, ovibus pascuae vestrae immixti vacando, aut per vices adventuris fidelibus comprecando exigere elegeritis; — quod domus vestra alias provida hospitalitate conspicua, hac die frugalitati imprimis, et alto silentio dedita, vere religiosae, et cum Deo conjunctae familiae imaginem referat; — Si quando, hac imprimis die facto testemini, *quam dilecta sint vobis tabernacula Dei, quantumve concupiscat anima vestra in atris Domini morari, et psallere virtutes ejus!* a) — Deus autem, qui dives est in Misericordia propter nimiam charitatem suam, qua Filium suum JESUM nobiscum manere voluit, aptet nos in omni bono: *ut omnia faciamus sine murmuratione, et huesitatione, ut simus sine querela, et reprehensione,* b) — Dominus sit cum omnibus Vobis! Datum in Residentia nostra Episcopali Quinque-Ecclesiis die decima quinta Decembris anno milesimo, octingentesimo, quadragesimo tertio, Episcopatus nostri anno decimo sexto, Quinque-Ecclesiensis quinto.

a) Ps. 83. 11. — b) Philipp. 2. v. 14. 15.

*vannus Eppm*

*ad graphm Manu  
probatis faro*

